

PLIS RIPOT

RABAUL, Is Nu Briten: Plis long Is Nu Briten i wok long mekim wok painimaut long ol samting bilong pait we sampela raskol lain i stilim na putim i stap long yusim long ol wok nogut bilong ol.

Ol plis i painim ol dispela samting long Matupit Ailan taim ol i wok long painim sampela lain husat i bin wokim holap pasin long Hamamas Hotel long las wiken.

Ol samting we ol plis i bin painim em long wanpela AR otometik raifel, wanpela difens fos hanbom, tupela pistol, wanpela dabel barel pistol na moa long 100 katres.

Plis stesen komanda long rabaul, Sief inspekta Michael Periwanga i tok dispela em i namba wan taim long provins we ol plis i painim planti ol samting olsem we ol stilman na raskol i haitim i stap. Em i bin tok ol raskol pasin long Rabaul bai i go daun sapos ol dispela samting i abrusim han bilong ol man nogut.

Wantaim ol dispela samting tu, plis i bin painim wanpela set long ol yunifom bilong ol ami, ol arapela klos we ol raskol i bin laik yusim long wokim holap, ol skru draiva, kroba, boltkata na tos.

Ol plis i bin go long banisim wanpela haus long Matupit long painim wanpela jenereta we sampela lin i bin stilim na wanpela bilong ol i krugatim wanpela bek we i bin gat ol dispela samting bilong yusim long wokim holap pasin na stil long en.

Nesene Kapitel Distrik: Ol raskol i bin kisim wanpela yangpela meri long haus bilong famili bilong em long las Friade apinun bihain long ol i holimap famili bilong em. Gel ya i gat 12-pela krismas.

Tasol ol i bin lusim em i go fri long narapela de. Bos bilong ol plis long NCD, Sam Inguba i tok famili bilong gel ya i wok long go bek long haus bilong ol taim 10 pela man i stapim ka na holim ol ap long Siks Mail, taim ka bilong ol i laik givim rot i go long ol ka we i wok long go olsem long ples balus.

Orait, ol i bin fosim famili bilong gel long kamaut na ol i kisim ka wantaim em i go olsem long Mau Daimon.

Plis i bin painim ka we ol raskol i kukim pinis long Magi Haiwe.

Simbu: PPC, Siv Inspekta Allen Kundi i tenkim ol plis i lukautim bum get namel long Isten Hailans na Simbu provins. Inspekta Kundi i tok taim i no bin gat bum get, hevi bilong lo na oda long hailans i bin stap antap tru. Tasol bikpela senis i kamap taim provinsel gavman bilong Isten Hailans, Simbu, Westen Hailans, na Enga i pasim tingting long kamapim bum get. Inspekta Kundi i givim bikpela tok tenkyu tu i go long ol Gavena bilong ol dispela provins long gutpela tingting bilong ol na long mani ol i putim bilong kamapim dispela bum get.

Wes Nu Briten: PPC, Siv Inspekta Gion Kawat i tok hevi bilong strongpela win saiklon Justin i wokim solwara i bagarap tru na i stapim ron bilong ol Kostel na Lutheran siping long Wes Nu Briten. Em i tok bikpela ren tu i bin kamap na planti wara namel long Kimbe na Biala i tait. Dispela i stapim tu ol ka long ron i go i kam. Inspekta Kawat i laik ol pipel husat i stap long i daumbilo long i go antap long ol maunten long abrusim tait. Em i askim tu ol pipel bilong Wes Nu Briten long no ken go aut long solwara inap ples i kamap gut gen. Em i tok tu olsem, ol 11pela man husat i lus long Lawabo ailan nau i stap long Lolobau ailan, tasol ol i no gat kaikai, paia, na wara bilong dring.

Ol Sepik komyuniti long Mosbi i no laik bekim dinau

WENCESLAUS MAGUN i raitim

MOA LONG 300 Sepik man-meri long Mosbi i bin kibung long Boroko long painim gutpela rot we ol i noken kisim lo i go long han bilong ol yet long dai bilong Peter Marinae na famili long 8-mail long Mas 3. Long dispela kibung, ol Sepik i bungim tu mani bilong salim bodi bilong Peter wantaim meri bilong em i go long Yangoru na salim bodi bilong pikinini bilong brata bilong Peter i go long Lae long famili bilong em. Namba tu pikinini bilong Peter, Thomas wanpela tasol nau i stap laip.

Planti ol Sepik i stap nau long Mosbi i tok, ol i pret long stap long Mosbi bihainim dis-

pela hevi. Olsem na ol mausman bilong ol i laik painim gutpela rot bilong bringim bel isi namel long ol lain husat i kilim famili bilong Marinae na ol wanblut bilong meri bilong em long Simbu. Insait long dispela kibung Presiden bilong ol Sepik sumatin long Yunivesiti tu i askim ol Sepik komyuniti long tok klia olsem wanem bai ol i stretim dispela wari. Em i tok, nau yet, laip bilong ol Sepik sumatin long Yunivesiti i no stap gut.

Membra bilong Wewak, Bernard Narakobi na lida husat i go pas long holim dispela kibung i tok wanpela rot tasol bilong stretim dispela hevi em long pasin bilong givim bel isi. Em i tok yumi no inap long daunim bikhet

pasin sapos yumi go het na mekim wankain bikhet pasin o bekim dinau na go bagarapim o kilim ol lain husat i kilim famili bilong Peter Marinae. Em i tok i tru ol lain husat i kilim famili bilong Marinae i wokim wanpela pasin no gut tru, yumi mas save olsem dispela em i no gutpela pasin na yumi mas wok bung wantaim long stapim. Em i tok strong olsem yumi no inap painim wanpela gutpela rot long pasin no gut.

Sampela ol arapela lida tu i bin stap long dispela kibung na ol i givim ol gutpela tingting bilong ol long helpim dispela hevi. Siaman bilong dispela kibung, Mista Andrew Yauieb i strongim tingting bilong Mista Narakobi. Em i

tok olsem pasin ol birua i wokim long famili bilong Marinae i bringim bikpela pret long laip bilong planti MAMOSE i stap long Mosbi. Em i tok laip bilong planti bilong ol i olsem ol kalabus man i stap long haus kalabus. "Oltaim yumi mas go insait kwik long haus na lokim yumi yet, long wanem laip long Mosbi i no moa gutpela," em i tok. "Ol lida bilong Sepik i laik bai olgeta pipel long ol arapela provins wantaim ol lida bilong nesene palamen na plis i glasim dispela hevi na painim kwik stretpela rot bilong pinisim dispela pasin no gut. Wantok i no kisim sampela rot ol i ting ol bai wokim long stretim dispela hevi taim mi raitim dispela nius.

Ialibu pipel laik kirapim ples balus

OL PIPEL bilong ialibu distrik long Sauten Hailans provins i wok strong long kirapim olpela ples balus long gavman stesin long ialibu.

Moa long 100 pipel i makim ol wanwan kaunsel eria insait long dispela distrik i save wok long olgeta Trindei olsem wok kaunsel long kirapim dispela ples balus.

Olgeta ston na karanas long dispela ples balus i stap gut bihain long taim ol i bin pasim dispela ples balus. Olsem na ol manmeri i painim isi tru long mekim ol wok.

Minista bilong Sivel Eviesen, Kalsa na Turism Michael Nali i bin givim tok orait pinis long dispela ples balus wantaim narapela long

Kagua, olsem bai tupela i ken op gen.

Dispela tupela ples balus i bin pas bihain tasol long kantri i kisim independens long wanem gavman i bin sanapim pinis Okuk haiwe olsem na olgeta samting i bihainim bik rot.

Tasol ol pipel long ialibu i laik kirapim dispela projek long wanem ol i gat strongpela tingting long pulim ol turis i kam insait long eria bilong ol.

Man i go pas long ialibu Basin Asosiesen, James Mange i tok olsem em laikim olsem ialibu i mas go het wantaim ol narapela ples long kantri pinis long dispela ples balus wantaim narapela long

mas go pas long karim dispela ol senis i kam.

Em i tok olsem maski sapos graun bilong ol i no gutpela long planim ol kaikai bilong salim, ol pipel i save olsem sapos ol i laikim developmen, ol yet i mas go pas long ol liklik wok.

Long sem taim tu bai i gat wanpela bikpela singsing long ples Kendalg long namba foa mun.

Long dispela singsing bai planti ol bikman bilong Sauten hailans provins wantaim ges spika na minista bilong Sivel Eviesen Michael Nali bai kamap long dispela de.

Lo na Oda hevi long Manus

WENCESLAUS MAGUN i raitim

PPC LONG Manus, Inspekta Lawrence Tiyonei i tok, pasin bilong bagarapim ol man, kukim ol haus na ol arapela samting na brukim haus na stil nau i wok long go bikpela long Manus Provins.

Olsem na em i askim ol pipel bilong Manus long noken kisim lo i go long han bilong ol yet. Em i laik bai ol pipel i mas yusim ol viles na distrik kot long stretim ol hevi bilong ol.

Em i tok i bin gat tripela bikpela hevi i kamap long wik i go pinis.

Plis i kisim ripot olsem tupela man, Alphons Kawus krismas bilong em 50 bilong Wosara Gawi long Is Sepik na nau i marit na stap long Powat na Steven Powaniu krismas bilong em 38 bilong Powat i bin kisim bikpela bagarap na i bin kisim marasin long Lorengau haus sik, taim ol birua i bin sutim tupela long spia.

Inspekta Tiyone i tok long Februari 28, Kawus i go long bus bilong ol tambu bilong em na i painim ol tripela ol man nau plis i holim ol long i katim diwai long graun bilong ol tambu bilong em. Kawus i go bek long ples na i tokim ol tambu bilong em na ol i laik bringim pait long ol dispela lain tasol ol arapela man long ples i stapim ol. Taim ol lain i painimaut olsem Kawus

i bin kotim ol, ol i blokim wanpela rot na sutim Kawus wantaim Powaniu long gan bilong sutim pis.

Inspekta Tiyone i tok ol saspekt i sutim Kawus long as na spia i kamap long hapsait. Na ol i sutim tu Powaniu long baksait aninit tasol long solda na spia i kamap long hapsait. Inspekta Tiyone i tenkim ol pipel long sevim Powaniu wantaim Kawus. Tupela i kisim marasin long Lorengau haus sik na i stap laip.

Long ples Tulu long Not Kos, Inspekta Tiyone i go het na tok, tripela lain i kukim wanpela klasrum ol pipel long ples i wokim long samting bilong bus. Inspekta Tiyone i tok ol tripela lain i tokim plis olsem ol i no min long kukim klasrum, Nogat. Ol i kukim tasol gras na gras i paia i go na kukim klasrum. Tasol ol lida long ples i tok ol dispela lain i min long kukim klasrum long wanem ol i bin kros long ol komyuniti lida long kalabusim ol long katim gras long skul. Olsem pe bilong les bilong ol long i no kamap na wokim komuniti wok.

Inspekta Tiyone i go het na tok wanpela stilman i bin traim long stilim tupela taia long Provinsel Trensport Bod (PTB) bihain long em i brukim woksop na i go insait. Inspekta Tiyone i tok dispela stilman i no bin ronawe wantaim tupela taia long wanem ol sekyuriti gad i bin raunim em. Ol plis i mekim wok painimaut yet long holim pas dispela man.

Australia kirapim toktok bilong BCL sea

FOREN Minista bilong Australia Alexander Downer long dispela wik i les long toktok long ol ripot olsem ol ami bilong Australia bai helpim PNG Difens Fos long dispela pait long Bogenvil.

Long bekim ol askim sapos em i ken tok stret olsem em i tru ol soldia bilong Australia bai i go long operesen long Bogenvil,

Mista Downer i tok em no laik tokaut long wanpela samting yet taim ol toktok long ol dispela samting i no stret.

Australia i egensim tru PNG gavman long haiarim ausait praivet ami grup long dispela pait egensim ol Bogenvil Revoluseneri Ami lain long Bogenvil. Mista Downer na Praim Minista

John Howard i toktok pinis wantaim ol wanlain bilong ol long PNG na givim tingting bilong ol long wok bilong ol meseneri o ol ausait praivet ami. Ol i holim tu toktok long dispela samting wantaim ol arapela gavman long Pasifik rizon na tu ol grup we i save, helpim PNG wantaim mani (dona ejensi grup).

Stilim ka na mani rekot goap

EKSEKETIV opisa bilong plis komisina, Siv Inspekta Samin Denis i tok pasin bilong kilim ol man, bagarapim ol meri, na brukim ol haus na stil long Papua Niugini i go daun long mun Februari na stat bilong mun Mas.

Mista Denis i tok namba bilong kilim ol man i go daun long 12 pesen long kantri, 7 pesen long Nesenele Kapitel Distrik (NCD), na 40 pesen long Sentrel provins.

Em i tok tu olsem pasin bilong holim na bagarapim ol meri i go daun long 19 pesen long kantri, 7 pesen long NCD, na 40 pesen long Sentrel provins.

Moa yet, Mista Denis i tok, namba bilong brukim ol haus, stoa na bisnis ples long stil tu i go daun long 5 pesen long kantri na 29 pesen long NCD.

Tasol, Mista Denis i mekim bikpela tok lukaut long ol pipel i stap long kantri long was gut long ol ka bilong ol.

Em i tok, wanpela bikpela hevi i wok long kamap strong tru long PNG long dispela taim em i olsem, pasin bilong stilim ol ka na stilim ol bikpela mani i wok long kamap bikpela.

Mista Denis i tok pasin bilong stilim ka long NCD i go antap long 42 pesen long NCD tasol.

Em i tok bungim dispela namba wantaim wankain pasin long ol arapela provins, em i olsem 47 pesen olgeta long PNG.

Na long pinisim tok em i tok, ol plis i painim aut tu olsem pasin bilong stilim mani antap long mak bilong K1000, i go antap long 20 pesen long NCD. "Dispela olgeta rekot i soim olsem pasin no gut long kantri i go daun," Em i tok.

WANTOK

All departments. Phone: 325 2500 - Fax: 325 2579
P.O. Box 982, Boroko, NCD, Papua New Guinea

Published Weekly, Thursday, for
Word Publishing Company Pty. Ltd.

Printed and published by Anna Solomon of F... Place, Gordons,
at Allotment 2, Section 209, Spring Garden Rd., Honiara, for Word
Publishing Co. Pty Ltd.

Acting General Manager and
Group Editor in Chief: Anna
Solomon

Papers distributed by air
throughout PNG

Advertising Manager: James DeLisle
Editor of Wantok: Leo Wativa

Available by airmail subscription
within Papua New Guinea and
overseas

Advertising Deadlines
Display Bookings and
Camera ready copy: Tuesday
midday
Classified Advertising: Wednesday
2pm

Word Publishing Company Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which is deemed contrary to the public interest at its absolute discretion. The publisher's general terms of acceptance are available at Word Publishing Company Pty. Ltd., and are set out in full on the reverse side of its official Display Advertising Booking Form.

WANTOK

NIUSPEPA BILONG OL PNG STRET

Gavman spendim milien kina long helpim husat tru?

BIKPELA toktok i stap nau long pasin gavman i mekim long baim ol meseneri long helpim Difens Fos long pinisim tabel long Bogenvil. Dispela pasin i gutpela o olsem wanem? Dispela pasin gavman i mekim i soim olsem gavman i no gat bilip long ol soldia bilong yumi. Namba tu samting em mani. Watpo bai gavman i westim planti milion kina tru long dispela wok long taim ol helt sevis i sot long mani? Dispela wik tasol ol manmeri i makim sios helt sevis i bung long Mosbi na ol i toktok long hevi ol i painim long lukautim ol sikmanmeri bikos gavman i no givim ol mani em i bin promis long givim. Em wanem kain gavman ya? Dispela gavman i aipas na yau pas. Em i no harim kraibilong ol pipel. Oltaim gavman i save spendim drapela mani bilong kantri long helpim wanpela liklik grup tasol na i lus ting long olgeta narapela manmeri. Dispela wik, bikpela ren na strongpela win i brukim ol haus na sampela manmeri i dai na bikpela bagarap i kamap long ol ples. I no gat gutpela toksave i kamap long redio na ol niuspepa we ol pipel i ken harim na i no inap raun long solwara. Ol redio stesin i pas bikos gavman i no gat mani, ol sem na i no gat rot bilong salim toksave. Ol manmeri i stap long taun na i gat televisen em inap long kisim ol stesin long Australia i bin harim toksave. Tasol i no gat rot long salim toksave i go long ples bikos ol liklik ples long PNG i no gat telipon yet. Gavman i no tingting long bringim ol dispela liklik sevis i go long ol pipel. Em i tingtin tasol long yusim planti milion kina bilong ol pipel long mekim ol wok we i no inap tru long helpim sindaun bilong ol pipel long. Mobeta ol lida bilong yumi i mas skelim ol dispela samting na lukim; dispela milien kina yu spendim i helpim husat tru, yu yet o ol pipel bilong Papua Niugini? Maski long yusim nem bilong ol pipel, bikos ol pipel bai tokim yu stret, ol i no lukim kaikai dispela milien kina i karim.

Strongpela win bai stap yet

PAPUA Niugini bai i pilim yet ol strongpela win long sampela de yet i kam. Dispela em bikos strobpela win ol i kolim long Saiklon Justin i stap isis na ino bruk yet.

Dairekta bilong Nesenel Disasta na Imejensi Sevis, Leith Anderson i tok Saiklon woning senta long Brisben i tokaut olsem PNG bai i pilim yet ol strongpela win na ren inap long dispela bikpela win, Saiklon Jastis i bruk na lusim rot we em i stap long en.

Strongpela win na ren i bin stat long planti hap bilong PNG long Fonde las wik bihainim Saiklon Justin we i karamapim Kwinslen na Fiji. Long Fiji em i kamap bikpela tru na klostu long 20 pipel i dai long em. Bikpela bagarap tru i kamap long kantri we bai i kostim kantri planti mani long stretim.

Long PNG yet, foapela pipel i dai pinis na 15-pela moa em ol i stap lus yet long solwara bihainim dispela strongpela win we i bin stat long las wik Fonde, Februari 6.

Tok lukaut i go long ol pipel insait long ol ples klostu long nambis, ol

sip, motobot na kanu bilong noken go aut long solwara bikos long ol birua we ol i ken bungim.

Long Nesenel Kapitel Distrik na Sentrel provins, strongpela win i kamapim bagarap long ol haus, planti diwai i bruk na pondaun sampela long ol haus na rot, sampela skul i lusim ol ruf bilong ol klasrum na ol arapela bagarap moa i kamap.

Ol ripot long ol bagarap we strongpela win i kamapim insait long kantri.

• Foapela pipel i dai pinis, tupela long ol em ol pikinini. Wanpela em manki husat i gat 12-pela krismas na en i bilong Kokoda long Oro provins. Long ol ripot, strongpela win i pondaunim diwai we i bin pondaun antap long manki ya na em i dai. Narapela em liklik pikinini husat i gat tripela krismas na em i bilong Kimbe insait long Wes Nu Briten.

Long Oro provins, Kokoda distrik i kisim taim nogut tru. Ripot i tok strongpela win i bagarapim 10 ples na planti pipel tu i bin kisim

bagarap. Moa long 2,500 piple em ol i putim ol long tripela kea senta long Kokoda.

Long Is Nu Briten, sampela haus i go daun long Kokopo na ol ples insait long ol Duk ov Yok Ailan.

Ol provins we i stap klostu long nambis i kisim taim tru. Moa long 500 haus i kisim bagarap long ol provins olsem Is na Wes Nu Briten, Sentrel, Madang, Oro na Not Solomons. Planti famili i kisim taim nau taim ol haus bilong ol i lus long dispela bikpela win.

Mista Anderson i tok tupela man i stap lus yet taim sip, MV Pera i bin go daun long solwara klostu long Nu Ailan. Wanpela sip bilong Japan i bin sevim narapela siksipela kru memba. Sip ya i wok long go long Lihir taim em i bungim taim nogut we strongpela win i kamapim na em i kapsait.

Mista Andeson i tok 11-pela pipel we ol i bin ripotim ol olsem ol i lus long Mande long Wes Nu Briten em ol i painim ol pinis long wanpela liklik ailan klostu long Bialla.

Embel askim provinsal atoriti long givim mani

NESENEL Minista bilong Helt Philemon Embel i singaut nau long ol provinsal atoriti long bihainim ol oda bilong nesenel gavman na givim mani i go long helt sevis we ol sios i lukautim.


Long wankain taim tu em i singautim ol arapela wanwok minista olsem Provinsal na Lokol Level Gavman minista Peter Barter, Fainens na deputi praim Minista Chris Haiveta long sapotim em na lukim olsem ol helt sevis we i karamapim tu dispela lukaut bilong ol sios i kisim mani long baim ol wokman/meri na ranim ol wok bilong ol. Na tu lukim olsem helt sevis i kisim hap mani we ol i katim long em bilong baim ol strongpela marasin, ranim ol wok long ol helt senta i stap longwe long taun.

Mista Embel i tok ol sios helt sevis i lukautim namel long 5 na 70 pesen bilong ol haus sik long kantri na sapos ol i no kisim gutpela helpim, ol pipel bai i kisim taim tru. Na olsem em i putim strongpela singaut i go long olgeta lida na pipel insait long kantri bilong sapotim ol sevis we ol sios i givim. Em bin tok em yet bai i mekim olgeta samting long lukim olsem ol institusen we i kam aninit long luaktu bilong ol sios i kisim mani long helpim ol i go hetim wok.

Em i bilip ol hevi we ol sios helt sevis i wok long bungim wantaim mani em i kamap long sotpela taim tasol taim ol nupela gavman rifom i kamap. Na nau em ol i putim ol fanding bilong ol sios helt i go long provinsal na lokol level.

Samting olsem 100 sios helt sevis memba insait long kantri i bung nau long Mosbi bilong stap insait long anuel jenerel miting bilong Sios Medikol Kaunsil (CMC). Miting i bin stat long dispela wik Tunde, Mas 11.

Bung i lukluk long ol samting we i karamapim ol sios helt sevis insait long kantri. Bikos sios helt sevis i lukautim ol pipel husat i stap longwe long taun, em i gat bikpela wok na tingting long stap gut bilong ol dispela planti manmeri na ol pikinini long ples.



Amamasim Kenderit... • Yugees string ben long wosera Gawi pilai long amamasim kenderit.

WANTOK

NIUSPEPA BILONG OL PNG STRET

P O Box 1982 BOROKO
Telepon namba: 3252500
Feks namba: 3252579

PE BILONG WANPELA VIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

Amnesti Intanesenel i salim pas long PM

WAS grup bilong ol gutpela, sindaun na stap bilong ol pipel long wol, Amnesti Intanesenel i salim pinis wanpela pas i kam long Praim Minista Sir Julius Chan long engensim ausait praivet ami i go insait long Bogenvil na helpim ol sekyuriti fos long ol wok operesen long ailan.

Seketeri Jenerel bilong Amnesti, Pierre Sane i tokaut olsem wok bilong ausait praivet ami long Bogenvil bai i kamapim moa bagarap long

laip na sindaun bilong ol pipel. Long pas, Amnesti i bin tokaut gen long 44 pipel we i bin dai long han bilong ol sekyuriti fos long Bogenvil long las yia 1996. Amnesti bin gat ful ripot long dispela samting na Wantok Niuspepa i bin ripotim dispela long tupela wik i go pinis.

Amnesti i bilip strong olsem ol yumen raits was grup i mas go long Bogenvil na i no ol ausait praivet ami. Olsem na nau Amnesti i singaut gen

long gavman bilong go het long ol tok tok we han bilong yumen raits long Yunaitet Nesens i bin kamapim long ripot bilong em na givim pinis long PNG gavman bikos dispela em i gat ol rot we i ken stapim ol pasin bilong kilim dai, bagarapim sindaun na laip na ol trabel long Bogenvil. Amnesti i tok em i hat long kotim ol ausait praivet ami lain bikos ol i operet aninit long nomol kriminel jastis sistem.



Kea senta pipel pret long pait kamap gen

SINDAUN long Sentrel Bogenvil pret na sampela pipel i wok long go bak sindaun long ol wanwan ples bilong ol.

Ol ripot i kam long Arawa i tok insait long laspela tupela mun, ol i givim tokorait long ol pipel we ol eria bilong ol i seif bilong go long ples na wokim ol gaden kaikai, kakau na kokonas bilong ol. Dispela em ol ples olsem Pavaire, Arawa vilis na ol arapela ples klostu long Arawa taun.

Ripot i tok tu olsem ol i tokim ol pipel husat i stap klostu long taun bilong go bek

long ples bilong mekim spes long ol skul sumatin bilong Arawa haiskul husat i kam long ol longwe ples bai i gat hap long stap long en. Dispela em ol sumatin husat i kam long ol eria olsem Buin, Siwai, Nagovis na Sentrel Bogenvil yet tu.

Ripot i tok i gat gupela wok bung i go het namel long ol sekyuriti fos, ol pipel na ol gavman atoriti long Arawa. Bihainim dispela, wok long painim gupela sindaun long sentrel Bogenvil i go het yet, maski sampela hevi i kamap we i sloim ol wok. Dispela em

ol toktok olsem ol BRA i laik kamapim pait long Arawa taun bihainim bagarap we sampela lain bilong ol i bin kisim tripela wik i go pinis long trabel namel long ol na ol sekyuriti resistens fos.

Long toktok bilong ol praivet ami lain we gavman i kisim long helpim ol ami na traim pinisim dispela pait long Bogenvil, ripot i tok ol pipel long hap i luksave olsem gavman i mekim dispela long pait wantaim ol BRA. Tasol samting we ol i pret long en em long birua inap kamap long ol taim tupela sait i pait. Long ol

lain long kea senta, ol i pret long sampela BRA bai i ranawe i go insait long ol senta na taim ol ami i bihainim ol, ol pipel long senta bai i kisim bagarap nating. Na long ol pipel husat i stap long ol eria we ol BRA i bosim, ol i pret long ol bai i kisim bagarap long taim tupela birua i go hetim pait bilong ol.

Olsem na ripot i tok moabeta ol atoriti i karimaut awenes program bilong skulim ol pipel na skruim save bilong ol wanem samting ol i mas mekim long dispela kain situesen i kamap.

Kea senta sot long mani


VERONICA HATUTASI i raitim

OL KEA senta long Bogenvil i bungim hevi nau bikos i nogat mani long lukautim.

Dipatmen bilong Distrik Sevis we i save lukautim ol kea senta i tok ol mani bilong lukautim ol senta i pinis na ol wok long bungim hevi long baim ol kago na saplai na ol arapela samting we ol kea senta pipel i sot long en.

Deputi Asisten Seketeri bilong dipatmen Mathias Pihei i tok nau namba bilong ol pipel insait long ol kea senta long Bogenvil i go antap gen na mak inap long 67,000 nau. Dispela em bikos moa pipel i wok long kamaut long bus long dispela taim bihainim ol toktok we ol sios, meri grup, ol sief na ol arapela lain husat i laikim gupela sindaun i wok long mekim isi isi wantaim ol BRA. Dispela wok i kamap insait long laspela tupela mun long planti hap bilong bikailan Bogenvil na ol toktok bilong ol praivet ami lain we gavman i haiarim ol long helpim ol sekyuriti fos i bin kamap.

Mista Pihei i tok bihainim ol dispela toktok planti BRA i lusim ol samting bilong pait na ol i wok long kamaut na stap insait long ol kea senta. Long Siwai, moa long 3,000 pipel i kamaut pinis na moa toktok i wok long go het yet bilong senisim tingting bilong ol dispela husat i stap yet long bus



• Ol pikinini long Wakunal kea senta.

bilong kamaut. Long Kunua eria insait long notwes Bogenvil, moa long 1,000 pipel i lusim bus na kamaut long ol kea senta.

Olsem na ol dispela lain i nidim moa sapiai na kolos bilong helpim ol i sindaun bikos long longpela taim ol i stap long bus na ol i sot long ol samting olsem.


Mista Pihei i tok dipatmen bilong em i lukluk nau long ol rot we em i ken bihainim

long sevim mani we ol i katim bilong lukautim ol kea senta.

Em i tok ol i plen long isi long baim rais bikos ol i tromoi bikipela mani tumas. Samting we ol i wok long lukluk long en em long strongim ol pipel long groim ol kaikai na ol bai i baim long ol. Long dispela rot tu, mani bai i go long ol pipel bilong helpim ol i long baim ol samting we ol i laikim na lukautim famili bilong ol.



CATHOLIC COMMISSION FOR JUSTICE, PEACE & DEVELOPMENT P.O. BOX 6576 BOROKO, N.C.D PAPUA NEW GUINEA.



Redi long 1997 nesanel ileksen

6. Yumi redi nau long ileksen na yumi mas skelim gut tingting. Kantri i nidim ol stronpela na stretpela lida, ol man na meri husat inap stretim wari bilong PNG tude.

7. Yumi no mas votim ol lida husat i gat nem long paulim mani, i no wok gut na i brukim lo.

8. Pasin bilong paulim mani na kisim gris mani bai kamap sapos yumi votim ol gridi lida husat i baim vot na i tingting tasol long helpim ol wantok na husat i no bihainim stret kristen pasin long laip bilong em.

9. Yumi mas tingting long gupela sindaun bilong kantri long taim yumi i vot.

10. Bai kantri i gat sans long lukim gupela sindaun, sapos yumi votim ol gupela lida i go long Nesanel Palamen.

11. Yumi ol vota is mas putim kantri i go pas long taim yumi votim ol mida.

12. Yumi mas skelim gut pasin bilong ol kendidet. Yumi mas skelim laip bilong ol kendidet na i ken skelim tasol ol mauswara bilong em.



43 kandidate laik sanap long ileksen long Bogenvil

BOGENVIL i wok long go het gut long ol wok redi bilong nesanel ileksen long mun Jun bilong dispela yia.

Na provins i gat rekot namba long ol man i laik sanap resis wantaim namba nau i sanap long 43. Wanpela meri tu i sanap na dispela em i namba wan taim long wanpela meri Bogenvil i sanap resis long nesanel ileksens. Ol i no tokaut long nem bilong em tasol Bogenvil provinsel Kaunsel bilong ol meri i sapotim em long sanap. Em bai i resis long sia bilong Bogenvil rijenol we klostu long 25 krismas nau, John Momis i holim. Planti ol biknem man long Bogenvil i sanap long resis long dispela nesanel ileksen.

Provinsal ilekrel opisa Mathias Pihei i tok mak bilong ol man i laik sanap resis long foapela sia long provins em i antap tru winim ol arapela taim bilong ileksen taim kantri i kisim independens 21 yias i go pinis.

I kam inap nau, 12-pela pipel i putim nem bilong ol long sanap resis long Bogenvil rijenol sia. 11-pela pipel bai i resis long Not Bogenvil we long nau, Michael Ogio i holim i stap. Wankain namba long saut Bogenvil tu i sanap long dispela sia we nau Michael laimo i makim. Sentrel Bogenvil em sia we Komyunikesen Minista Joseph Eiggio i makim i stap em nainpela man i putim pinis nem bilong ol long resis long en.

Ol ilekrel opisa long Bogenvil i tok i kam inap nau, ol i amamas long ol wok redi i ron gut tasol.

Mista Pihei i tok tru i gat sampela liklik hevi i stap bikos long trabel long ailan we i sloim ol wok go het, em i amamas olsem ol opisa bilong em i karimaut wok bilong ol na em i bilip olsem olgeta wok bai ol inapim bipo long pinis bilong dispela mun. I kam inap nau, ol i tromoi mani inap long K25,000 bilong go hetim dispela wok.

Papa bilong kantri, Sir Michael Somare i amamas tru nau.

Long Trinde Mas 12, grup em i go pas long en Nesenel Alaiens, i rejista wantaim Opis bilong Rejista bilong ol Kampani.

Ol lain i egensim Nesenel Alaiens i bin gat wanpela mun long putim komplem bilong ol tasol i kam inap nau no gat wanpela politikol grup i bin salensim Nesenel Alaiens. Dispela wan mun i bin pinis long Tunde apinun, olsem na Nesenel Alaiens i fri nau long rejista na kamap wanpela politikol grup.

Ilektoral Komisina. Reuben Kaiulo i tok olsem nau Nesenel Alaiens i rejista pinis bai pika bilong Sir Michael i ken stap long vot pepa bilong ol kandidate bilong em long taim bilong nesenel ileksen.

Mista Kaiulo i tok tu olsem Melanesian Alaiens i rejista tu bihain long rejistresen bilong ol i bin pinis.

Hia em nem bilong ol narapela rejistet politikol pati:

- Pipel's Progres Pati;
- Pangu Pati;
- Pipel's Uniti Pati;
- Pipel's Eksen Pati
- Pipel's Demokretik Muvmen;
- Pipel's Nesenel Kongres;
- Muvmen fo Greta Otonomi;
- Yunaitet Pati;
- Pipel's Solideriti Pati;
- Melanesian Leba Pati;
- Kristen Demokretik Pati;
- Liberel Pati; na
- Milen Be Pati.

Long Trinde Mas 12. bai i gat 16 de tasol i stap nau bipo long Gavana Jenerali tokaut long stat bilong 1997 nesenel ileksen we ol kandidate i ken putim nem bilong ol long resis.

Nommesen bai i pas long Epril 24 na ol pipel bai stat vot long Jun 14 i go inap long Jun 28.

Olgeta manmeri husat inap vot na i no putim nem bilong ol yet long komon rol i gat 16 de tasol long kamap na putim nem.

VOT I GAT PAWA ENROL NA VOT

Ol ileksen stori wantaim Yakam Kelo

Somare grup makim ol kandidate

NESENEL Alaens Pati (NA) i redim nem bilong ol kandidate bilong em long sanap resis long 1997 nesenel ileksen. NA em nupela pati bilong Sir Michael Somare husat i bin olpela lida bilong Pangu Pati. Tasol em i bruk lusim NA na fomim nupela pati bilong em yet.

Dispela pati bilong Somare i pulim bikpela sapot na laik bilong ol kandidate na ol i laik sanap long nem na tiket bilong Somare long ileksen. Namba wan bung bilong NA long dispela yia i bin kamap long Mutzing long Makam Veli, Morobe provins. Long dispela taim ol i makim na tokaut long nem bilong ol kandidate husat bai sanap long ileksen long dispela yia.

• Madang: Provinsal i no yet, Madang John Buri, Bogia Dokta Allan Base, Usino Bundi Agnes Murua Mulivoa, Midel Ramu Godfried Oringawai, Sumkar Michael Baduk na Raikos James Yali.

• Morobe: Provinsal i no yet, Lae Bart Philemon, Bulolo Titi Christian, Huon Gulp Jacob Sawanga, Finsafen Huwee Mitie, Tewae Siassi Chris Akwa, Nawae Elijah Baim, Menyamya Thomas Pelika, Kabwum Ama Anga na Makam Abraham Waium.

• Is Sepik: Provinsal Sir Michael Somare, Ambnti Drekkir i no yet, Angoram i no yet, Marpik Jim Kauk, Wewak Bernard Narokobi, Wosera Gawi Cletus Cox, Yangoru Saussia John Wauwua.

• Wes Sepik: Provinsal John Tekwie, Aitape Lumi Tas Maketu, Nuku Patrik Muso, Telefomin Danny Lane na Vanimo Grin Napotti Buru.

• Isten Hailans: Provinsal Lennie Aparima, Okapa Korak Kokae Yeasoma, Obura Waninara i no yet, Goroka Bire Kimisopa, Henganofi Zeibi Maree, Unggai Bena Emanuel Kange, Daulo Yanga Kare, Lufa na Kainantu i no yet.

• Westen Hailans: Provinsal i no yet, Anglimp Saut Wagi i no yet, Not Wagi Joseph Karap, Mul Baiyer, Dei, Hagen, Jimi na Tambul Nebilyer i no yet.

• Simbu: Provinsal i no yet, Karamui Nomane Ben Awo, Kundiawa Peter Gunda, Sinasina Yongomugl Joseph Kelaga, Gumini Harold Amos, Kerowagi i no yet na Suave Erry Tara.

• Sauten Hailans: Provinsal Francis Awesa, Ialibu Pangia i no yet,

Imbonggu Peter Peipul, Kagua Erave David Basuwe, Komo Magarima Gulua Waginda, Koroba Kogiago Albert Mokai, Mendi De Kewano, Nipa Kutubu Uhae labo, Tari Timothy Hewabe.

• Enga: Provinsal Anderson Aipit, Lagaip Porgera Kakas Andiken, Kandep Daniel Kumbon, Wabag Mathew Turner, Wapenamanda Masket langalio na Kopiam Ambu Yakan John Yombon.

• Bogenvil: Provinsal John Momis, Saut Bogenvil Michael Laimo, Sentrel na Not Bogenvil i no yet.

• Manus: Provinsal Steven Pokawin na Manus Open i no yet.

• Nu Ailan: Provinsal: Esikel Waisale, Kavieng Wilson Kasau na Namatanai Ephraim Apelis.

• Is Nu Briten: Pomio Michael Komtagarea, Provinsal, Gazelle, Kokopo na Rabaul i no yet.

• Wes Nu Briten: Kandrian Gloucester Robert Lawrence, Talasea Patterson Lowa na Provinsal Bernard Vogae.

• Nesenel Kapital Distrik: Rijenol nogat, Mosbi Not Wes Opaio Udia, Mosbi Not Is na Mosbi Saut i no yet.



• Sentrel provins: Provinsal tamate Wala, Rigo Vearinama Maha, Kairuku Hiri Dickson Pepe, Goilala na Abau i no yet.

• Galp provins: Provinsal Jacob Kairi, Kerema Susuve Laumae, Kikori Peter Koiviapa.

• Oro provins: Provinsal Benjamin Ijumi, Ijivitari Philip Ogai, Sohe Dennis Hoe.

• Milen Be provins: Provinsal i no yet, Alotau John Penrose, Esa'ala Justin Maosi, Kiriwina Goodenough Henry Sikwalobou na Samarai Murua David Hesaboda.

• Westen provins: Mide! Flai William Goinau, Provinsal, Saut Flai na Not Flai i no yet.

Lida nogut i no ken resis gen

TAIM HET bilong snek i ron na kaikai das na pipia bai tel bilong em i kisim bikpela sik na hevi. Dispela em toktok bilong wanpela komyuniti lida long Goroka Avo Ketavo insait long mini hailans Pangu Pati konvensen las wik.

Mista Ketavo i sutim dispela toktok i go long ol politikol lida na ol kandidate bilong Pangu Pati husat i laik sanap resis long 1997 nesenel ileksen long mun Jun.

Mista Ketavo i tok het bilong snek i olsem lida i go pas long pipel. Na pipel i olsem tel bilong snek. Taim lida i go na mekim asua o kamapim bikpela hevi, bai olgeta pipel long bihain bilong em tu i bungim bikpela hevi long dispela asua bilong lida, em i tok.

Komyuniti lida ya i salensim tu ol lida husat i save kamapim nem nogut long gavman na kamap long kot. Ol i save kamap long kot bikos ol i gat nem nogut long stil, paulim mani na ol samting na arapela bikpela hevi. Em i tok ol dispela kain lida i gat sik pinis. Olsem na ol i mas step daun na go sindaun bek long ples. Na larim nupela man i kisim ples bilong em.

Em i tok i nogat wanpela gutpela as, ol dispela kain lida husat i wokim nem nogut pinis bai sanap gen long ileksen. Bikos ol i bagarapim pipel pinis na ol i mas sem na go hait.

Em i mekim dispela salens i go long ol nupela kandidate husat i laik sanap resis long 1997 nesenel ileksen.



• Ol hailans kandidate husat bai sanap olsem Pangu Kandidate long 1997 nesenel ileksen. Foto: Yakam Kelo.

Pangu givim tiket long 25 hailans kandidate

MEMBA bilong Henganofi na Minista bilong Maining na Petroleum, John Giheno i tokaut long nem bilong ol nupela Hailans Pangu kandidate insait long hailans rijon na Gavana bilong Westen hailans provins, Paia Wingti i putim PDM Pati konvensen long Henganofi long las wik Fraide.

John Giheno husat em deputi lida bilong Pangu pati insait long hailans rijon i bin tokaut long 25 hailans kandidate long sanap long tiket bilong Pangu Pati long resis long 1997 jenerel ileksen.

Insait long mini hailans rijon Pangu Pati konvensen las wik Fraide, moa long 2,000 manmeri i bin kamap long lukim ol hailans rijon kandidate bilong ol.

Lapun bilong Pangu Pati na memba bilong Maprik Sir Pita Lus i tokim ol pipel bilong hailans olsem em bin kamap memba bilong palamen long 1964 i kam. Bikos long singaut bilong bikpela long em long kamap lida. Olsem na em i askim ol hailan pipel long givim em ol spia bai em i ken holim na i go pait (ol memba).

Sir Pita Lus i tok Pangu i bin stap pastaim tru taim mama lo bilong dispela kantri i no kamap yet. Na olgeta lapun lida bilong bipo i kam inap nau em olgeta i

bin Pangu lain tasol. " Sir Berry Hollowei i bruk lusim Pangu, John Momis i bruk lusim Pangu na ol arapela lida i bruk lusim Pangu long bipo na statim pati bilong ol yet. Dispela i no nupela na nau Sir Michael Somare i bihainim lek bilong olgeta arapela lida ya. Tasol Pangu Pati i no bruk yet, mi stap yet", Sir Pita Lus i tok.

Pangu i bin kamap pastaim long independens bilong dispela kantri na mama lo bilong dispela kantri. Na em i mama pati bilong dispela kantri, em i tok.

Long sapotim toktok bilong Sir Pita Lus, nesenel presiden bilong Pate Wamp i tok tu olsem sapos wanpela praim minista i lusim sans long kamap praim minista gen, em i mas risain. Em i mas go sindaun long sait na givim sapot tasol long nupela praim minista.

Mista Wamp i tok long arapela bikpela kantri olsem Australia, taim Bob Hawk na Paul Keating i lus long kamap praim minista gen, ol i risain na i go sindaun isi long sait. Long Inglan, taim Margaret Thatcher i bin lus long fomim nupela gavman gen, em i risain na go sindaun long sait. Ol i no moa tingting long pait gen long kamap praim minista. Tasol mipela long PNG, wanpela man i pait long kamap praim minista na

taim em i lus, em pait gen long kamap praim minista gen.

Mista Wamp i tok dispela i soim ol praim minista husat i save angre tru long pawa na i laik stap antap olgeta taim. Long dispela as kantri i no save ron gut bikos long wanpela praim minista wantaim wankain tingting bilong em tasol.

Mista Wamp i tokim ol manmeri na sapota bilong Pangu Pati long Goroka NSI pilai graun olsem Pangu Pati i mas givim lidasip i go long ol pipel bilong Hailan rijon bihain. Bikos Momase rijon i kisim lidasip pinis we Sir Michael Somare i bin go pas, na em i laik stap lida yet. Niugini Ailan rijon i kisim pinis we Sir Rabbie Namaliu i bin kamap Pangu lida na Praim Minista. Nau em ol Papua rijon i kisim pinis na Chris Haiveta bilong Kerema i lida bilong Pangu nau. Olsem na Pangu bai strong long win na mekim Mista Haiveta i kamap praim minista aninit long lidasip bilong Pangu Pati.

Mista Wamp i tokim ol hailans manmeri olsem, nesenel palamen i stap long Waigani long graun bilong ol Papua rijon pipel. Olsem na wanpela Papua rijon i mas kisim praim minista nau (em i sut long Mista Haiveta).

Dispela Pangu Pati mini hailans rijon konvensen i bin pulim ol manmeri na sapota i kam long olgeta hap bilong hailans provins. Ol kandidate bilong hailans rijon we Pangu Pati bai sanapim ol long 1997 nesenel ileksen em;

• Enga provins: Wapenamanda Pato Kakaria, Wabag Paul Nii, Kompian John Pundari, Lagaip/Pogera Napi Kadaso na Gori Paim na arapela sit i no klia yet, • Westen Hailans provins: Mul Baiyer Robert Nagle, Dei Melchior Pep, arapela sit i no klia yet. • Sauten Hailans provins: Provinsal Samsan Mapi, Yalibu Pangia Pundia Kange, Imbogu John Mobulu, Tari Mathew Yago na Kagua Erave Daniel Tulapi na arapela i no redi yet. • Simbu provins: Provinsal Kovali Kale, Suave Peter Launa, Sinasina Gembogol James Dimino, Kundiawa Gembogol Peter Baka, Kerowagi John Wau, Karamui Normane Jack Mulake na Gumini Bernard Wemin. • Isten Hailans provins: Provinsal Ricky Mitto, Henganofi John Giheno, Obura Wanenara Muki Taranupi, Kainantu Yuntuvi Bao, Asaro Watabung Ekime Gorosahu na Ron Ganarato, Lufa Komane Wasage. Nem long arapela sit i no redi yet.

TU MINIT TINGTING

Dispela mak bai helpim yu win

LONG yia 300 samting wanpela jeneral bilong ol Rom, nem bilong em Konstantain, i bin pait long helpim ol kristen na pinisim taim nogut bilong ol. Orait, wanpela taim em i redi long pait wantaim ol birua bilong Sios na em i gat wanpela driman. Em i driman olsem em i lukim wanpela bikpela waitpela klaut na namel long en em i lukim wanpela bikpela diwai kros. Nau em i harim wanpela nek i tok olsem: "Dispela mak bai helpim yu win."

Long neks moning em i odaim ol soldia long penim mak bilong diwai kros antap long ol plang pait bilong ol. Mekim pinis, nau ol i goaut, ol i pait, na ol i win.

Stat long dispela taim planti kantri i save putim mak bilong diwai kros antap long plak bilong ol. Ol Ingran i gat 4-pela mak kruse antap long plak bilong ol. Australia na PNG i gat mak bilong 5-pela sta i luk olsem wanpela diwai kros.

Tude yumi save penim retpela diwai kros long ol embulens. Bipo ol doktaboi i gat retpela kruse long laplap bilong ol. Yumi save putim diwai kros antap long matmat. Yumi putim antap long tawa bilong haus lotu na yumi hagapim long banis bilong rum long haus.

Sampela manmeri i save karim wanpela diwai kros bilas nabaut long nek bilong ol na sampela pris i putim long kola bilong siot.

Dispela ol kain diwai kros ol i mak bilong Kristen. Long olgeta hap we yumi lukim dispela mak, yumi save olsem hia em i wanpela man o meri o ples we i gat man o meri inap long helpim yu. Em man o meri yu inap trastim.

Nogut yu ting diwai kros em i wanpela hap diwai nating. Nogat. Jisas i bin hangamap long wanpela diwai kros na em i bin dai long en. Olsem na nau diwai kros i gat namba na i gat pawa.

Nau yumi tingim taim Jisas i hangamap long diwai kros long Gut Fraide na yumi painim sampela skul inap long helpim yumi long karim gut diwai kros bilong yumi yet.

Namba wan skul em i dispela. Planti diwai kros bilong yumi i save kam long ol arapela pipel. Planti wari na trabel na hevi long laip bilong yumi i save kam long ol pipel i stap nabaut long yumi. Sampela dispela ol pipel i no save ol i givim pen na wari long yumi.

Olsem na yumi no ken kros kwik-taim long ol. Long Gut Fraide Jisas i bin kisim planti pen long han bilong ol pipel nabaut long em. Ol yet i bin hangamapim em long diwai kros. Tasol em i no kros long ol. Em i eksyusim ol na em i pre long papa bilong em olsem: "Pogvim ol i no save ol i mekim wanem samting." (L 23:34)

Taim Jisas i hangamap long diwai kros, klostu olgeta gutpren na disaipel i bin ranawe. I ken wanpela long yumi tu. Sampela taim yumi gat sik na yumi slip long bet na karim pen na i no gat sampela man o meri i kam lukim yumi. Yumi pilim wanpis tasol. Na dispela i givim moa pen yet long yumi. Sampela taim yumi karim pen bikos yumi laik helpim arapela man o meri, tasol ol i ranawe na troimoim yumi i stap.


Long taim Jisas i hangamap long diwai kros na em i wok long dai, ating em i bin pilim olsem olgeta wok bilong em i bin sutim graun nating. Yumi tu i save pilim olsem long wan wan taim. Ating yumi bin yusim planti taim na moni bilong helpim sampela pipel,

tasol ol i stap raskol yet. Yumi lukim na yumi laik givap.

Long taim em i hangamap long diwai kros, ating Jisas tu i pilim wankain na em i laik givap. Tasol em i no givap bikos em i save olsem God bai win.

Orait, mi laik stori nau long wanpela liklik kitbek o brasbel em ol pailot i save holim long taim bilong woa. Dispela liklik kitbek i gat kain kain marasin insait long en bilong helpim tarangu sapos balus i bagarap na i pundaun long solwara. Namel long ol marasin ya i gat wanpela liklik glas bilong lukluk. Dispela glas i gat wanpela hul namel long en. Na dispela hul i luk olsem wanpela liklik diwai kros. Dispela glas em i bilong glasim ol balus i flai antap bai ol inap lukim trangau ya i drip long solwara na salim sip bilong kisim em. Antap long dispela glas bilong lukluk i gat dispela tok save: "Bilong makim gut balus i flai antap, yu mas painim em insait long hul i luk olsem diwai kros."

Dispela em i olsem wanpela tok piksa bilong laip bilong yumi tu. Helpim bilong yumi i save kam



FRANK MIHALIC i raitim

long antap, na diwai kros em i rot bilong em i kam. Bilong dispela na yumi save hangamapim ol kruse long banis. Kruse ya i givim tok save i go long heven na long dispela sem rot, helpim i save kamdaun long yumi.

Dwai kros i min strong na pawa na helpim. Olsem Konstantain bilong bipo, yumi tu i save win sapos yumi putim dispela sain antap long wok na wari bilong yumi.

I luk olsem Jisas i bin lus long diwai kros tasol nogat. Em i win. Na yumi tu i wankain. Liklik diwai kros insait long laip bilong yumi i no bilong daunim na krungutim yumi. Nogat. Em i bilong helpim yumi win, olsem Konstantain.

Raskel lain kilim pater

Ol i painim pinis bodi bilong wanpela Episkopol Sios pater husat sampela lain nogut i bin kilim em i dai las yia. Dispela em long Kotabato provins insait long kantri Filipin.

Nem bilong pater ya em long Pater Ernesto Gordo na i gat 30 krismas bilong em.

Sampela lain i bin holim na haitim em na kisim em long singautim mani long ol lain bilong em bipo long ol i larim em i go.

Long las wik, ol plisman i bin painim bodi bilong em wantaim narapela tupela man long wanpela matmat long Saut Filipin.

Long Septemba las yia sampela lain we ol i bilip olsem ol raskel grup bilong lotu Muslim i bin holim na haitim pater Ernesto long taim em i wok long go bek long Davao Del Norte, provins we em i wok olsem peris prisna i stap. Meri bilong em i bin luksave long pater ya long weding ring long han bilong em, ol ripot i tok.

Ripot i tok famili bilong pater i bin kisim singaut long givim mani inap long \$A14,764 na bi ol lain nogut ya i larim em i go fri, tasol ol i no mekim samting hariap na ol i kilim dai pater ya.

Ol meri tingim wol prea


MOA long 300 meri i bin bung long Boroko Yunaitet Sios bilong selebretim Wol De bilong prea long las wik Fraide, Mas 6.

Papua Niugini Kaunsel ov Sios (PNGCC) meri husat i lukautim sia bilong ol meri long dispela opis wantaim ol lain bilong em i bin go pas long redim ol wok kamap bilong dispela de.

Olgeta yia long namba wan Fraide bilong mun Mas, ol i save luksave long en olsem Wol De bilong prea na ol i save prea long dispela de.

Long dispela yia, het tok bilong prea de we ol meri i bin tingim long beten bilong ol long dispela de em long "Olsem kiau we i save groa i go long diwai".

Bikpela tingting long dispela de i bin go long ol meri bilong kantri Saut Korea. Salvesen Ami i bin go pas long dispela sevis we long en, ol felosip grup bilong ol meri long Yunaitet, Katolik,



• Felosip grup bilong ol meri long NCD na ol liklik viles insait long Central distrik i bung na pre na amamasim Wol De ov Prea.

Engliken, Salvesen Ami, Evenjelikol Luteran, Gutnius Sios long Nesenel Kapital Distrik na ol ples klostu long siti i bin stap long en.

Mausmeri long sia bilong ol meri wantaim PNGCC, Kit Mawason i bin tok ol meri bilong PNG i helpim wantaim prea ol meri Saut Korea long

daunim ol hevi bilong ol.

Long planti yia nau, ol meri bilong Saut Korea i traim hat long bung wantaim ol susa na pipel bilong ol long Not Korea we nau ol i stap olsem tupela kantri. Dispela em bikos ol strongpela kantri i bin brukim kantri long 1945. Ol meri i laikim tru tupela Korea bilong bung wantaim na ol i prea hat long dispela samting i mas kamap, wankain olsem Jemeni na Vietman nau.

Bikos long bikpela ren long dispela de, ol arapela wok kamap we ol i bin inap long putim ausait, ol i bin holim insait long haus lotu tasol.

Moa long 170 kantri long wol i luksave nau long Wol De ov prea olsem de bilong beten long wanpela isu we ol meri i pilim olsem pawa bilong prea i ken helpim ol susa bilong ol long wanem hap bilong wol ol i siap long en.

Misinari ov Sariti sista laik makim nupela lida

MOA long 100 Katolik Sista long Kalkata, wanpela biksiti bilong India i bung nau long makim nupela lida bilong ol. Dispela em long kisim ples bilong hetmeri Teresa husat i bin bos long wanpela oda bilong ol Katolik sista ol i kolim ol long Misinari ov Sariti. Ol i save mekim ol wok marimari long helpim ol turangu lain bilong Kalkata siti. Na tu long planti hap arapela hap long India.

Ripot i kam long wanpela sinia sios opisa, Pater Anthony Rodrigues, seketeri bilong Asbisop long Kalkata i tok ol wok bilong makim nupela bos i go het long wanpela mun nau na klostu taim bai ol i

tokaut long nupela sister husat bai i kisim ples bilong Mada Teresa.

Mada Teresa husat i gat 86 krismas i bin kisim bikpela luksave long ol wok bilong em namel long ol turangu bilong India na winim namba olsem Nobel Prais wina long sampela yia i go pinis. Em i bilong kantri Albania tasol long yangpela bilong em yet, em i bin lusim ples na go wok misin olsem wanpela Katolik Sios sista long India.

Nau Mada Teresa i wok long kisim sik planti taim long lewa na bros bilong em. Long las yia, em i bin go long haus sik tripela taim long kisim operesen long sik bilong em. Na em i no strong tumas moa

olsem long bipo long karimaut wok bilong em. Nau em i tokaut olsem em i no inap long holim wok olsem bos o supiria bilong ol sista. Em yet i bin kirapim dispela oda bilong Misinari ov Sariti long yia 1948.

Long las yia, ol i bin stapim long holim ileksen long painim nupela bos, wanpela long en em long taim Sista ya i kisim bikpela sik nogut tru.

Long Janeri 16, samting olsem 132 sinia sista husat i kam long olgeta hap bilong wol i wokim prea ritrit i stap long helpim ol i painim na makim gutpela sista bilong kisim ples bilong Mada Teresa.

Sandaun provins i no kisim baset

WATSON GABANA i raitim

SANDAUN Provinsel Gavman i wet yet long Deputi Praim Minista na Minista bilong Fainens Chris Haiveta long tok orait long 1997 baset bilong ol.

Long wanpela leta i kam long Deputi Gavana bilong Sandaun, Mista Peien Aloitch, i soim olsem planti tisa na arapela wokmanmeri bilong gavman i wetim yet tiket bilong i go wok long skul long wan wan distrik insait long Sandaun. Dispela leta i soim olsem, Fainens Minista, Mista Haiveta i tok orait yet long baset bilong Sandaun na askim wanem taim tru bai Minista Haiveta i tok oraitim dispela baset bilong ol.

Gavana bilong Sandaun na lida bilong Pipels Indijenos Muvmen Pati, John Tekwie i singaut long Mista Haiveta long givim dispela mani i go hariap long provins bilong em. Em i tok, sapos, Fainens Minista i no apruvim dispela K21 milion bilong Sandaun hariap, bai olgeta gavman wok long Sandaun provins bai bagarap olgeta. Mista Tekwie i bin tok tu olsem long taim Sandaun Gavman i bin givim dispela ripot baset i go long Mista Haiveta, em i no bin givim sampela toktok liklik long dispela baset long ol lida bilong Sandaun.

"Mipela i redi yet long kisim dispela mani bilong mipela. Provins bilong mi bin givim K20 milion olsem takis long

Vanimo Timba na narapela risosis bilong mipela i go long gavman. Tasol sapos ol i no givim mipela dispela mani bilong baset hariap, bai mipela kisim olgeta takis mani long ol kampani long Vanimo na askim gavman tasol long K5m," Gavana Tekwie i bin tok.

Mista Tekwie i bin tok strong tru olsem, Fainens Minista i no mekim wok bilong em gut olsem na planti wokmanmeri bilong Sandaun provins i wet yet long kisim mani bilong ol. Ol wokmanmeri bilong sios, skul, helt na arapela dipatmen i wetim yet provinsel gavman long baim ol. Sampela i lusim wok pinis na ronawe i go long ples bilong ol pinis. Em i bin tok olsem long las yia,

Provinsel na Lokol Level Gavman Minista, Mista Peter Barter i bin promis long givim K2 milion bilong las kwata. Tasol dispela tu, Mista Haiveta i no bin givim yet.

"Mi pilim olsem, Mista Haiveta i nogat tingting long helpim mipela ol lain long Sandaun provins. Moabeta Chris Haiveta lusim dispela wok olsem Fainens Minista bikos em i no mekim wok bilong em gut," Gavana Tekwie i bin tok.

Wantok i bin traim planti taim long kisim tingting bilong Fainens Minista, Mista Chris Haiveta tasol em i no bin i stap. Ol seketeri bilong em tu i no bin laik long toktok long dispela samting.

Japan gavman givim K135,400 long Popondeta vokesenel

WENCESLAUS MAGUN i raitim

ANINIT long Japanis Grent Asistens bilong Grasruts Projek (JGAGP), Gavman bilong Japan i laik helpim PNG Divelopmen Kopresen Asosiesen (PNGDKA), wantaim K135,400 bilong wokim Popondeta Vokesenel Skul.

Embasada o mausman bilong Japan long PNG, Mista Yasuhide Hayashi i bin mekim dispela tok orait taim em i sainim agrimen wantaim Mista Mitin Sarigari, siaman bilong PNGDKA long embasi bilong Japan long Mas 5.

Mista Sarigari i tok, PNGDKA bai yusim dispela mani tu long baim 31 masin bilong samap, na ol arapela samting bilong skulim ol meri, kuk, na lukautim famili. Mista Sarigari wantaim ol lain bilong em i bin kamapim PNGDK long 1979. As tingting bilong PNGDKA em bilong helpim gavman long wok bilong ol infrastraksa divelopmeni. Infrastraksa divelopmen i sut long ol wok bilong wokim skul, haus sik, rot, bris, ples balus na ol arapela kain sevis nau gavman i save givim i go long ol pipel. Mista Sarigari i mekim bikpela tok amamas i go long Japan long helpim PNGDKA.

Gavman bilong Japan i bin kamapim JGAGP long 1989 long helpim ol non gavman ogenaisesen (NGOs), na ol arapela grasruts asosiesen husat i wok hat long divelopim PNG. Long taim JGAGP i statna wok i kam inap tude, Japanis Gavman i helpim pinis samting olsem 59 projek.

Mista Hayashi i tok, stat long 1989 i kam inap tude, planti nupela projek i wok long kamap na namba bilong ol projek i go antap yet. Em i tok las yia, Japanis embasi i bin givim samting olsem K960,000 i go long 17 projek. Ol i bin yusim dispela mani long baim ol meteriels bilong wokim skul, baim ambulens, masin bilong samap na ol kompyuta bilong mekim wok wantaim.

Mista Hayashi i tok, PNG em i bikpela moa long Japan, olsem na ol i laik traim helpim olgeta provins long PNG. Em i tok ol i bin helpim pinis Oro, Milen Be, Sentrel, Madang, Morobe na Is Nu Briten provins.

Unagi askim ol yut long kamapim nesenel yut polisi

ROBERT KAIA i raitim

MINISTA bilong Yut na Hom Afes, David Unagi, i askim ol pipel bilong Papua Niugini insait long provinsel na lokol level gavman long givim gutpela tingting bilong ol na wokim nupela plen na polisi bilong yut long wok bihainim. Em i mekim dispela toktok long namba tu Mamose Rijenol Yut Konfrens bilong gavman na non gavman ogenaisesen long Madang long Mas 10-14. Planti ol yut lida i bin kamap long dispela kibung.

Mista Unagi i tok, pastaim long nesenel gavman i laik wokim wanem samting, em i mas kisim pastaim tingting bilong ol pipel long lokol na provinsel level. "Bipo long mipela long gavman i pasim ol lo na rot bilong lukautim ol pipel long PNG, mipela i mas go sin daun wantaim ol pipel long grasrut level na tokaut long ol long wanem samting mipela i laik wokim. Mipela i mas askim ol tu long glasim gut tingting bilong mipela na kisim gutpela tingting bilong ol we bai mipela long gavman i ken skelim na wokim gutpela polisi na plen bilong lukautim

ol pipel bilong PNG," Mista Unagi i tok.

Em i tok stat long 1992 i kam inap tude, gavman i no bin givim taim long kisim tingting bilong ol pipel insait long ol gavman dipatmen na ol non gavman ogenaisesen long wokim ol lo na painim rot bilong lukautim ol yut long PNG. "Plantim taim mipela yet i save wokim lo na rot we mipela i ting ol yut i laikim. Long dispela as, planti tingting bilong mipela i no save karim kaikai," em i tok.

Mista Unagi i tok tu olsem nau long dispela taim ministri bilong em bai skelim tu husat

man o meri long holim wok bilong lukautim ol yut stat long nesenel level i go daun lokol level gavman. "Husat bilong yupela i holim pinis pawa bilong lukautim ol yut i mas wokim ol gutpela plen na go het long wokim wok," em i tok strong.

Dispela em i namba tu pasin ministri bilong Yut na Hom Afes aninit long lukaut bilong Mista Unagi i bihainim bilong painim rot bilong wokim ol gutpela lo na rot bilong wokim nesenel yut polisi na plen long PNG. Minista Unagi i ting namba tri na las samting i mas kamap yet.

Bai wasim gu long kol wara



Orogen

Gutpela Risal...

Bringim ol promis long Papua Niugini

Risal

- Anuel Net Profit bihain long takis na bipo abnomol kos long K16.42 milion. Abrusim profit mak i stap long prospektus bilong K12.6 milion.
- Dividen i antap liklik long mak, 3 toea wanpela sea, mak long 2.95 toea.

Yia i go het

- 1997 bai i gat moa lukluk long wok kamap bilong kamapim ol asets o bisnis, Kutubu, Porgera na Misima.
- Dvelopmen bilong ol nupela aset, Gobe, Lihir, na Moran Oilfil.
- Wok insait long ges dvelopmen na maketim i sut long salim ges i go long Kwinslen maket long yia 2001.

Flot

- Luksave i kam long Asia Finance Magazine olsem 1996 i yia bilong Praivetaisesen.

1997 em yia bilong groa long wok bilong Orogen wantaim kampani we i sanap long bringim risal na stori long ol seaholda.



Orogen

Orogen Minerals Ltd

GLASIM LEWA

na
TINGTING

wantaim

Eddie
Saunders

Bikpela hevi kamap nau

I LUK olsem man na meri na pikinini, bus na bilas bilong bus na solwara na graun i kirap krau nau long paradais ples PNG ino ken bagarap olgeta. Birua, hevi na pen i kamap pinis insait long lewa bilong paradais. Bipo i gat gupela bus, nau i sot igo. Ol pipol i sot na painim mani bilong baim kolos na samting bilong familli, i no gat marasin long ol haus sik na planti i dai long bus na taun tu, ol skul nogat tisa, ol tisa nogat haus, na nogat buk, pensil samting bilong skul.

Husait tru bai stretim nau lewa na tingting blong olgeta man na meri na pikinini i gat dispela hevi? Em i wanpela bikpela kwesiton insait long lewa na tingting blong planti man meri na pikinini tete. Na askim i skurim moa. Husait bai stapim olgeta, pasin blong kilim man insait long kantri? Husait bai stapim traibel pait long hailens i save boil olsem wara hot insait long pot kaikai olgeta de.

Husait em trupela lida? Na husait ol trupela lida bai bung wantaim na stapim ol Hailens, Buka, ol Sepik, na olgeta man blong Papua Niugini i no ken pait na kilim ol yet olsem pik na dok? Husait bai stapim ol saveman na meri na mani man meri no ken rabisim trangu? Dispela hevi stap long nus na pes blong yumi olgeta de. Yumi mas opim ai na lukim. Ol pisin, palai, binatang samting blong bus i painim diwai, gras na plawa long hait na kism kaikai. Na diwai, gras, rop, plawa blong bus tu i sot long kaikai na wara. Pis na samting blong solwara na kol-wara painim ples blong hait na painim kaikai. Sapos nogat bus na wara bai man nogat abus na wara blong dring. Man yet bagarapim laip blong man. Na man yet i mas skelim em yet na stretim sindaun blong em.

Yes i luk olsem sampela gridi man na meri blong Papua Niugini man meri nogat rispek long man olsem olgeta i wankain. God mekim yumi wankain. Man yet i mekim kamap dispela olgeta hevi long narapela brata susa na em yet tu. Glasim samting olsem pasin nogut man long narapela. Ol trangu ol pipol blong Papua. Ol save sanap lukluk long graun na ples blong ol yet olsem pis nogat bun. Taim ol man kism meri blong ol, taim ol man i kilim ol man na pikinini blong ol, na tok bilas, spetim ol na kolim ol skin bret. Blong wanem na ol manmeri na pikinini long Bogenvil i dai nating? Na blong wanem ol BRA i pait na dai? Em graun bilong ol. God i putim ol long kamap papa na lukautim. Na ol i laikim bus, abus samting long bus no ken pinis em bun blong laip long graun. Samting antap na aninit long graun em blong ol. Yumi olgeta i gat dispela wok God i givim na yumi mas go bek long ples blong yumi wanwan na lukautim bus na wara na graun blong yumi. Na God i givim yumi lewa na tingting olsem blong em yet long luksave long yusim dispela blessing long helpim arapela brata susa i nogat samting, hagre na i lus.

Blong wanem na ol sekuriti fos memba long Bogenvil i dai lusim meri na pikinini blong ol insait long kantri blong ol yet? Bikos gavman i no glasim na skelim taim hevi i bin kamap, toktok wantaim ol pipol na lida blong Bogenvil na stretim. I gat we i bin stap long dispela taim. Na i gat we open i stap. Opim ai, ia na glasim. Na blong wanem na ol kristen lotu i pait namel long ol yet? Bikos ol lotu i laik kism nem long graun, olsem em ol lotu tru long graun. Em tingting blong man yet, na i no blong God. Na blong wanem na kankain lotu olsem Kristen na Muslim i gat belhevi namel long ol yet long pasin blong lotu long God? Bikos man paulim na miksim nambaut tok blong God. Sapos yumi glasim gut, God i gat plen long dispela, askim God long Lewa na Tingting blong yu wanwan. Em bai soim. Na bolong wanem ol yangpela mangi save stil long ol lain blong ol yet i no gat bikpela mani? Bikos papa mama i no givim skul na stia long ol pikinini blong ol. Na papa mama tu i save askim tumas ol mangi long mani na fosim ol long painim wok. Dispela em bikpela sin tru long ai blong God long stil long trangu. No ken sil long trangu.

Na i luk olsem nogat wanpela man or meri painim marasin long putim long soa bai drain, na marasin i ken rausim sik ya. Ol kankain save, tingting na plen blong stretim dispela hevi i olsem kakaruk nogat het, palai long skai.

Laik bilong pipel i mas kam pastaim

INSAIT long namba wan toktok long senis insait long provinsal gavman, yumi lukim olsem Rifom i kamap long yia 1995 long wanem, pastaim long rifom, ol sevis bilong gavman insait long ples i bin bagarap olgeta. Long stretim dispela bel hevi, planti samting olsem, mani, na pawa i mas go bek long pipel long komyuniti.

Ol samting inap kirap gut sapos ol pipel na ol lida long ples i gat pawa long bungim wantaim ol tingting bilong ol long kirapim wok go het long komyuniti. Planti manmeri long ples i save gut long wanem kain samting i gupela long helpim ol, na ol yet i save tu wanem kain rot i orait long bihainim long stretim bel hevi bilong ol.

Olsem na dispela rifom o senis yet bai i givim sampela pawa long ol pipel insait long hap bilong lokal level gavman long bungim tingting wantaim long painim gut we long givim sevis long komyuniti.

Dispela kain pasin long skelim wok kamap insait long komyuniti o ples, ol i kolim long botom-ap-plening, o i stap long asples na go antap, na ol nupela posisen bilong ol wokmanmeri bilong gavman aninit long rifom bai i bihainim yet dispela rot, i stat long asples na i go antap.

Klostu long asples plening, i gat narapela nupela rot ol i kolim long Join Distrik Plening na Baseting Praioritis Komiti (JDP&BPC). Insait long wanwan ilektoret bai i gat JDP&BPC. Member bilong Open ilektoret yet i siaman long dispela komiti, na ol narapela memba em long rijenol

memba, ol presiden o hetman bilong lokal level gavman (LLG) long Distrik na narapela tripela memba, we memba bilong palamen wantaim hetman bilong LLG yet bai ol i makim.

Wok bilong JDP&BPC em long lukautim na tok save long ol wok plen na baset bilong distrik. Bihain ol yet bai i salim ol dispela plen na baset i go long Provinsal na Nesenel Gavman long lukluk long ol. Sapos ol i tok orait long dispela plen na baset, Nesenel Gavman yet i ken skelim mani i go long wanwan provins.

Narapela wok tu bilong JDP&BPC em long bosim na skelim gut mani i go long LLGs insait long distrik na sekim sapos mani i bihainim wok plen bilong provinsal na nesenel gavman. Dispela komiti tu bai i kamapim wanpela 5-yia wok plen, hamas mani distrik bai i kism long wanwan yia, na skelim gen wantaim ol wok program bilong wanwan yia.

Narapela komiti ol i kolim long Join Provinsal Plening na Baset Praioritis Komiti (JPP&BPC) bai i lukautim wankain wok olsem insait long provins yet. JPP&BPC em i wanpela bikpela komiti tu insait long Provinsal Eksekutiv Kaunsel (PEC).

Ol memba insait long JPP&BPC, em ol gavman, wanpela memba bilong PEC, ol open nesenel memba bilong provins. Gavana yet i siaman. Na i gat tripela narapela memba PEC yet bai i makim.

Wok bilong JPP&BPC, em long lukautim ol wok plen wantaim baset bilong provins. Em yet bai i kamapim wanpela

5-yia wok go het plen na lukluk tu long hamas mani provins bai i laikim long wanwan yia. Ol politisen inap kism hevi nau sapos i nogat wok go het i kamap long wanwan ilektoret bilong ol.

Ol memba bilong provins insait long palament tu bai i gat moa wok nau long lukautim na skelim mani, lukautim ol haus, ka, opis, skul, na ol samting bilong distrik na provins. Na tu ol i mas toksave long ol pipel long hamas mani ol i spendim pinis long wanem kain projek. Sapos ol sevis olsem skul, haus sik na rot i no kirap long wanwan ilektoret bilong ol, ol yet i mas tokaut long ol pipel bilong wanem na ol dispela sevis i no kirap. Nau yet, wanwan presiden o hetman bilong lokal level gavman bai i gat sampela pawa, wankain olsem ol memba bilong nesenel gavman. Ol yet inap kamap hetman bilong LLG, na tu kamap memba bilong JDP&BPC, memba bilong Provinsal Asembli na inap kamap olsem siaman bilong kankain komiti insait long PEC wantaim memba bilong PEC.

Planti manmeri bai i luksave olsem wok bilong LLG bai i bikpela moa, na planti bilong ol bai i gat bikpela laik long sanap long ileksen bilong LLG.

Bai i gat planti sans long mekim strong na kirapim gut gavman bilong ol man long ples aninit long dispela rifom. Insait long dispela senis tu, LLG bai i wok hat tru long traim kirapim wok go het insait long komyuniti. Yumi save olsem dispela nupela senis bai i kamapim wok bung namel long ol lida, long wok wantaim ol manmeri long ples na komyuniti.

Sir Julius i amamas long kilim ol pipel Bogenvil

MI KIRAP nogut long harim olsem Sir Julius i amamas long ol paitman bilong narapela kantri i kam na sapotim gavman bilong Papua Niugini long pinisim ol trabel i kamap nau long Bogenvil. Dispela i min olsem em i laik kilim indai olgeta rebel husat i egensim gavman nau long Bogenvil. Ol pipol bilong Bogenvil. Ol bilong Papua Niugini.

Na stori mi harim em olsem. Ol dispela paitman bilong narapela kantri ya, em ol i no ol paitman nating. Em ol lain husat i save gut long yusim ol kankain samting bilong pait long kilim ol narapela.

Sir Julius na gavman bilong em gat rait long wokim dispela o nogat? Mipela lukim planti yangpela i go long kalabus bikos ol i stilim K150: Mi harim sampela i go kism longpela taim long kalabus bikos ol i kilim narapela. Mipela harim tu ol lida i stilim planti mani na paulim ol pipel tasol ol no kism taim long han bilong lo.

Sir Julius nau i givim oda pinis long kilim narapela. Em i gat kot long dispela o nogat? Parim ministra o eksekutiv gavman i gat rait long kilim narapela man o meri long kantri o nogat? Mi ting olsem ol kot tasol i gat rait long wokim dispela.

OPIM
AI
wantaim
JOE KAU



Ating ol loya na ol kot i mas tokaut nau long kliam tingting bilong ol asples Papua Niugini. Bikos Ser Julius i ken mekim dispela long Bogenvil, wanem samting bai pasim em long mekim wankain long narapela hap bilong kantri. Nau yet, i nogat. Em i wok long mekim long laik bilong em.

Olsem wanem long ol oposisen lain long palamen? Ol i stap we? I luk olsem wok bilong winim bek sit long palamen i winim laip bilong ol pipel bilong kantri. Ol i tingting long ol tasol. Moabeta ol dispela kain lida i noken kam bek long palamen. Mi amamas long harim olsem ICRAF bai traim na askim ol kot long tokaut sapos gavman i bihainim lo taim ol i oraitim ol dispela painim bilong ovasis i kam pait long Bogenvil.

I gat ol narapela lain long kantri i gat wankain tingting o nogat? Sapos i gat, yu mas autim tingting bilong yu nau.

Long dispela wik tu gavman i tok olsem ol i laik baim Panguna main long ol lain husat i papa long en bipo, em CRA maining kampani bilong Australia.

Dispela kampani, CRA i bagarapim pinis kantri bilong yumi. CRA em i as bilong ol hevi i stap nau long Bogenvil. CRA i no lusim wanpela mani long ol trabel i kamap long Bogenvil. Ol i bin kism planti winmani. Ol pipel husat i kism taim em, ol pipel bilong Bogenvil na ol pipel bilong ol arapela hap bilong kantri.

Nau gavman i laik givim moa mani i go long CRA. Oloman! Em wanem ya? CRA i bagarapim yumi na yumi kirap na laik givim ol mani. Gavman i mas long long olgeta. Mi toktok long ol mauswara bilong ol politisen las wik. Inap mi tokaut long wanpela gupela piksa i kamap dispela wik.

Post Courier niusepepa i bin givim spes long Jacob Kairi long sutim tok i go long Chris Haiweta, nama tu praim ministra na Ministia bilong mani. Jacob i laik resis wantaim Chris Haiweta long Galp rigenol sit. Tasol em i gat sotpela tingting stret ya.

Yumi go we? Ilekseen 97

GLASIM POLITIK
wantaim
WENCESLAUS MAGUN

STAT long dispela wik i go, mi bai traim bungim tingting bilong mi wantaim sampela gupela tingting bilong Peter Maime, wanpela wokman bilong Katolik Komisen bilong Jastis, Pis na Developmen bilong Papua Niugini na Solomon Ailans na glasim 1997 nesinel ileksen.

Mama lo bilong PNG i askim yumi long i go long ileksen na votim gavman bilong yumi. Dispela ileksen em nesinel ileksen na em bai kamap bihain long olgeta faipela yia. Yumi bai vot long nesinel ileksen long olgeta hap bilong kantri long wankain taim. 1997 i makim namba faiv yia yumi bai go bek long ileksen bihain long independens long 1975.

Dispela yia em i wanpela spesel yia tu. Long dispela yia yumi bai makim ol lida long lokal level, provinsal level na nesinel level gavman. Na ol rijenol memba bilong yumi bai holim sia bilong Gavana bilong provins aninit long dispela nupela rifom sistem. Ol dispela sem lida tu i gat pawa bilong holim pas nupela rifom sistem o lusim na kism bek olpela provinsal gavman sistem. Dispela ol lida i gat pawa tu bilong skruim ol polisi gavman bilong Chan-Haiweta i kamapim o bai ol i kamapim nupela ol polisi na plen bilong ranim PNG i go inap long yia 2001.

Wanpela bikpela samting mi pret long lukim nupela Gavman i go het long mekim, em long kism yet dinau mani long wol benk (WB). PNG i bin kism namba wan dinau mani long WB long 1980 long bekim bek sampela lon. Na

long 1994, PNG i kism ken moa dinau mani long WB. Bipo long wol benk i bin givim mani ken long PNG, ol i bin askim PNG long bihainim tingting bilong ol aninit long Straksurel Edjasmen Program (SAP). Insait long SAP ol i tokim gavman long fosim ol pipel bilong PNG long rejisterim graun bilong ol, tasol ol pipel wantaim helpim bilong ol non-gavman ogenaisesen i bin mekim bikpela protes na gavman i no go het. Ol WB i tokim gavman tu long kism pe long ol pipel taim ol i laik kism marasin long ol haus sik, stopim pe bilong ol wokman na pinisim ol olpela wokman bilong gavman. Ol kantri husat i stap insait long wol benk em long Amerika, France, Britain, Japan na Australia. Yumi ken lukim olsem maski ol dispela kantri i givim tok orait long yumi kism independens, ol i gat bikpela kontrol long PNG yet. Yumi go we nau?

Ol meri Kagua laik kamapim projek

ROBERT KAIA i raitim

PRESIDEN bilong Kagua wimens, asosiesen na wanpela mauseri bilong ol meri long Kagua lokol gavman kaunsel, Lucy Sama i tok em bai yusim mani nesenel na lokol gavman kaunsel i givim long wokim moa mani bilong ol meri long Kagua.

Mis Sama i tok namba wan bikpela projek em i tingting long mekim em long stretim wanpela olupela gavman haus na wokim kamap ples bilong salim kaikai, em i kolim long kopi sop. Mis sama i tok em bai yusim dispela haus long ranim ol woksop bilong samap, kuk, bekim flaua, kisim skul bilong kamap gutpela lida, lainim long rit na rait na menesmen o skul bilong ronim bisnis.

Nau yet em i tok ol meri long Kagua i gat K22,000.

Em i tok ol i bin kisim K20,000 long Nesenel Gavman aninit long kredit Skim na K2,000 i kam long lokol gavman.

Mis Sama i tok olsem ol mama grup bilong sios, yut na komyuniti bai kisim helpim long dispela mani. Moa yet, wanpela komyuniti developmen opisa, Mista Noah Usarepa i sapotim tingting na wok bilong Mis Sama. Em i tok ol meri bilong Kagua i mas lusim pasin bilong daunim ol yet na kirap long mekim ol bikpela samting long provins.

Sandaun SHCGA Eksekyutiv kisim groa long kot

FELIX RAMRAM i raitim

DEPUTI Siaman bilong Sandaun Smol Holda Kofi Growa association Mista Augustine Auto na Ekstensen opisa bilong han bilong kofi indastri koperesen long Lumi Peter Silki i stretim na putim pinis pepa bilong tupela wantaim loya bilong tupela long kotim narapela kofi growa husait tupela i tok, growa ya i bin mekim "planti toktok giaman" i kamap long Redio Sandaun long Desemba 12 las yia.

Tupela i bilip ol toktok ya i bagarapim tasol posisen na gutnem bilong tupela.

Bihainim wanpela pas ol i detim long 26 Januari 1997 i go long loya bilong tupela ???????? ya i no tokaut tu sapos tupela bikman ya i gat tingting long kotim Nesenel Brodkasting Koperesen Redio Sandaun opis. Olsem hap tu bilong putim kamap ol toktok bilong growa Mista Eddy Saweni.

Mista Auto na Silki i tokim Wantok olsem Saweni i wanpela arasait man husait i no memba bilong eksekyutiv. Husait bai i gat save long wanem samting Sandaun Smol Holda kofi growa

assosiesen (SSHCGA) i wok long mekim na operet olsem wanem. Olsem na planti ol toktok em i bin putim kamap long redio Sandaun i bagarapim tru wok blong Assosiesen na gutnem bilong wanwan long tupela olsem Auto na Silki.

Tupela bikman ya i tokaut olsem ol figa, namba bilong asosiesen akaun wantaim nem bilong ol trenspot grup SSHCGA i haiarim long mekim wok bilong asosiesen em Eddy Saweni i bin toktok long en i rong "na dispela i soim tasol olsem Saweni i no save long wanem samting em i bin toktok long en".

Auto na Silki i tok SSHCGA akaun namba em 126453 na i no 143898 bihainim ol toktok mista Saweni i bin mekim.

"Ol pepa bilong mitupela i stap pinis long han bilong loya. Loya i luksave tu long narapela laik bilong mitupela. Dispela em bai mipela i bungim na toktok ken wantaim Mista Saweni na stretim dispela hevi arasait long kot - long pasin kastam bilong mipela Lumi. Sapos em i no wanbel long dis-

pela tingting, bai mipela i givim grin lait long loya long go het long ol kot pepa long kotim Mista Saweni," tupela bikman ya i tokim Wantok.

Long taim bilong putim aut dispela ripot Wantok i no kisim sampela ripot sapos dispela i kamap pinis o nogat.

Wantok i bilip wanem samting nau i stap i bihainim tasol rot em SSHCGA Eksekyutiv i kisim long mekim namba tri sels bilong kofi pasmen bilong Lumi distrik em eksekyutiv i salim i go long Madang long Oktoba las yia. Bihainim salim bilong dispela kofi pasmen, ol ripot i to i mas gat sampela "paul pasin" i kamap we i as bilong ol fama long Lumi i no kisim stret mak bilong mani ol i mas kisim bihainim 11, 216kgs hevi bilong kofi. Ol i mas salim long prais bilong K1.90, tasol ol i mas rausim ken 20 toea long wan wan kilo. Long stretim ken ol hevi bilong trenspot, ples bilong slip na ol narapela.

Long pas bilong 24 Disemba 1996, Eddy Saweni i tok ol fama i gat bikpela laik tru long SSHC-

GA long tokaut klia long ol smol holda long wanem as tru na aut long 11, 216kg kofi pasmen ol i mas kisim pe long en. Hevi bilong kofi taim i kamap long Madang, ol i painim aut aut olsem bai ol i mas salim tasol 9,276kgs. Dispela nau i as bilong ol dispela toktok pait i kamap.

Mista Auto na Silki i tokaut olsem ol i tok klia long ol fama pinis long bagarap i kamap long kofi. Taim ol i putim long sip namel long Wewak i go long Madang we i as bilong 1,940kg kofi i bagarap na ol i mas rausim long taim i kamap long Madang kofi mil.

Tupela i go het na tokaut tu olsem ol pipel wantaim ol smol holda kofi growa long Lumi distrik i mas save olsem Mista Saweni i gat tingting long ron long ileksen. Na wanem ol toktok em i mekim long operesen bilong Sandaun Smol Holda Kofi Growa Assosiesen em long pulim ol pipel long sapotim em long 1997 jenerel ileksen.

Air Niugini balus bai ron long Japan

WENCESLAUS MAGUN i raitim

PRAIM Minista, Sir Julius Chan wantaim mausman bilong Japan long Papua Niugini, Mista Yasuhide Hayashi, i sainim kontrak bilong ronim Air Niugini balus namel long Japan na PNG. Ol i sainim tu kontrak bilong non projek grent, wantaim projek bilong baim ol nupela masin bilong helpim ol studen long stadi long Yunivesiti ov Teknologi long Mas10.

Long sainim dispela kontrak, PNG na Japan i strongim gen wok bung wantaim namel long tupela kantri. Dispela em i nupela mak i soim olsem PNG na Japan bai wok bung wantaim long ol yia i kam bihain insait long Pasifik rijon. PNG nau i gat gutpela rot bilong wokim bisnis wantaim Japan.

Sir Julius Chan i tok, stat long Julai long dispela yia, Air Niugini balus bai ron olgeta wik i go long Kansai Intanesenel ples balus long Osaka, Japan.

"Dispela bai bringim moa turis i kam long PNG," Sir Julius i tok. Em i tok taim Air Niugini i stat long ron i go long Japan long Desemba las yia, samting olsem 900 turis bilong Japan i bin kam long PNG na raun long ol ples long Rabaul, Wewak, Madang, Hailans na ol arapela hap bilong kantri. Em i tok, PNG i gat gutpela ol wel bus, graun, abus, pisin, binatang, pis, wara, solwara na moa long 800 kankain kalsa na pasin tumbuna. Olsem na PNG i wanpela kantri we ol turis bilong Japan na arapela hap i ken amamas tru long kam na lukluk raun.



"Gavman bilong mi i gat laik long yusim ol turis bilong Japan long kisim moa mani i kam insait long PNG," Sir Julius i tok. Em i tok dispela kontrak em i mak i soim olsem gavman bilong em i gat bikpela tingting long painim moa rot bilong ron bilong Air Niugini i go long ol arapela kantri long wol.

Sir Julius i tok, yumi i sainim tu tupela arapela bikpela kontrak we i soim olsem Gavman bilong Japan i gat bikpela laik long helpim PNG long developim kantri.


Embesada o mausman bilong Japan Mista Hayashi i amamasim Sir Julius long wok hat long strongim gutpela wok bung wantaim namel long PNG na Japan. Em i tok, Japan bai go het yet long helpim PNG.



PAWA LONG OL PIPOL



F.G. Wilson i nambawan save lain long desainim na wokim ol gutpela disel generator inap long 5Kva igo long 500Kva.



Painim aut long lokol UMW Niugini agent bilong yu long Seils, Pats na Sevis.



umw Niugini Pty. Ltd.

LAE	472 2444
PORT MORESBY	325 5766
RABAU	982 1489
Vanimo	857 1437
Lihir Island	986 4073

LAPSTAIL



□ Kanage em biong Sepik, tasol nau em i go wok long Ramu Suga na wampela taim em i laik go long haus sik long kism marasin. Taim em wokabaut i go yet long rot, em lukim wampela meri Bundi. Meri ya i sindaun antap long simen long haus sik. Na taim Kanage wokabaut i kam, meri ya i tok moning long Kanage. Kanage harim olsem na kism bikpela filings stret. Meri ya i tok gen olsem, "ating mi bin lukim yu long some hap bifo?". Kanage harim na amas moa yet na tokim meri ya, "yu save ol Sepik em olgeta hap kona bilong PNG bai yu i no inap abrus. Sepik i go, Sepik i kam". Meri Bundi bekim gen, "i go i kam em wei bilong Gawi stret, just take me i go i kam to Sepik".

Wesley Pais
Kimbe

■ Kanage dai tru long kaikai buai na em raun long taun i stap. Sem taim wampela liklik boi wantaim mama bilong i raun long stua na i kam. Liklik boi ya i mekim na 20 toea bilong em i pundaun na Kanage lukim. Olsem na em apim lek bilong em na putim antap long mani ya na giaman lukluk nabaut. Liklik boi i pret na tokim mama bilong em. Taim mama bilong boi ya i askim, bai Kanage i apim tasol wansait lek. Mekim na wampela polisman i kamap na meri ya i tokim polisman ya. Polisman ya i askim Kanage, Kanage i apim sem lek yet. Mekim na polisman ya i holim kopi stik na hamarim rait lek bilong Kanage na Kanage pilim bikpela pen na kalap. Sem taim 20 toea ya i stap ples klia na liklik boi ya i kism mani bilong em. Kanage pilim sem tasol em laik haitim olsem na em tok olsem, "20 toea tasol na yupela kism polisman. 50 toea bai yupela kism ami i kam na K1. bai yupela kism Selvesen Ami i kam". Polisman harim olsem na pinisim nus pes bilong Kanage wantaim kopi stik na Kanage kism bikpela bagarap stret na go long haus.

Bishop Kanage
Vanimo

□ Kanage i dring bia i go na spak nogut tru na raun karangi long Boroko. Em raun i go na pispis i kilim em nogut tru. Olsem na em nogat tingting moa tasol em mekim nating long banis bilong PTC opis. I no longtaim sampela lain bilong PTC i go ripot na tupela polisman i ron i kam antap na holim Kanage. Polisman kirap na tokim Kanage, "yu bai go long kalabus nau long pamim pispis bilong yu long pablik ples. Yu laik baim sas o kalabus?". Kanage harim na bekim; "Oloman, pispis bilong mi o pispis bilong pablik na gavman i laik kism takis long em".

Dungs Bro
Mosbi

Boi pren - gel pren long skul na bebi kamap



WATSON GABANA i raitim

INSAIT long ol skul, institusen na yunivarsi bilong yumi, nau i gat wampela bikpela hevi i stap. Planti papamama na ol lida i save long dispela tasol ol i no laik toktok. Mi no save watpo ol i mekim olsem.

Hia em stori bilong wampela yangpela meri. Em i bin stori long mi long hevi bilong em taim em i bin stap long skul. Bipo em laik stat, em bin tokim mi: "Plis brata; raitim na soim arapela yangpela meri husat nau i stap long wampela papamama long ol skul, institusens na kolis. Tokim ol olsem dispela samting mi bin mekim, ol mas abrusim. Tasol plis, no ken yusim nem bilong mi."

Taim em opim maus long toktok, mi bin lukim olsem em i no giaman giaman tasol. Maus bilong em i bin hevi, em daunim spet planti taim na klostu ai wara i laik pundaun. Tasol em i pulim strong win na bihain, em stat wantaim stori bilong em:

"Mi bin kirap long moning taim tru na taim mi lukim was bilong mi, taim em i bin 4 kilok. Rum meit bilong mi i bin slip yet na mi isi tasol karap aut long bet na putim olgeta samting bilong mi i go insait long hanbek. Mi kism tawel, opim dua isi tasol na wakabaut i go ausait long domitori mi save stap long en. Taim mi opim dua, mi pilim naispela kol win bilong moning i tasim fohet bilong mi. Mi opim maus na laik daunim sampela bilong dispela kol win long mekim bel bilong mi i ken isi. Tasol mi no inap tru long pinisim dispela pret i bin stap insait long bel bilong mi. Tingting bilong mi i paol olgeta, na het bilong mi hevi nogut tru.

"Bai mi tokim papamama bilong mi olsem wanem?"

"Husat bai lukautim mi, sapos papamama bilong mi rausim mi long haus?"

"Bai mi kam bek long skul gen...o?"... tasol bikpela wari bilong mi long dispela taim em: "Husat bai kamap papa long dispela pikinini nau karim long bel bilong mi na husat bai lukautim mitupela wantaim?"

Dispela olgeta askim stap insait long mi, nau stat long wok strong insait long kru bilong mi na tanim het bilong mi i go raun raun. Mi traim long tingting long ol gutpela taim mi save i gat wantaim ol pren bilong mi, tasol tingting bilong i brok olgeta. Mi traim long kral, tasol ai wara bilong mi i no kam daun. Mi opim maus na laik singaut strong tru, tasol nogat nois i kam aut.

Na tingim tu; mi gat wan mun tasol i stap long mi pinisim skul na bai mi mas greduet na kism diploma pepa bilong skul. Tasol nau, mi mas i go bek long ples. Mi mas i go na lukim papamama bilong mi. Save mi laik kism na hatwok bilong papamama bilong mi nau laik kamap samting nating. Foapela krismas mi bin hatwok long skul nau bai pinis nating long hia.

Mi hariap tasol ron i go long toilet. Hait tasol, mi go insait long wampela rum i stap long arere tru, isi tasol mi go insait, tokim dua na mi laik kilim bebi long bel bilong mi. Mi pasim bel bilong mi strong tru long mekim bai bebi long bel bilong mi i ken dai. Mi pilim taim mi pasim bel bilong mi, wampela samting i muv hariap hariap tru. Mi sori olsem mi laik kilim wampela man, wankain olsem mi yet, tasol i nogat samting bai mi mas mekim nau. Mi mas kilim pikinini na pinisim gut skul bilong mi."

Taim dispela susa i bin mekim dispela disisin, em i

no bin tingting gut. Em i mekim olsem bikos em i laik pinisim sem em bai kism na laik mekim samting hait bai papamama bilong em i no inap save. Na tu, em i no laik soim ol boipren bilong em olsem em i gat bel pinis.

Yupela ol gutpela rida bilong Wantok i ting wanem long dispela kain pasin sampela susa bilong yumi i save mekim?

"Thou shalt not kill" o "You no ken kilim man i dai." em wampela lo bilong God, na taim yumi kolim yumi yet olsem wampela kristen kantri, yumi no ken long mekim olsem. Lo bilong kantri bilong yumi tu i tambuim man long kilim narapela. Yumi save gut tu olsem; taim yumi kilim wampela man, yumi mas i go long kot na i go kalabus. Dispela olgeta samting, yumi save gut tru. Tasol planti bilong husat i bin mekim dispela kain pasin.

Mi no save watpo na sampela yangpela meri laik mekim dispela kain pasin. Mi bin tingting long dispela stori bilong susa ya i go na mi ting olsem, sampela samting mas rong long sampela hap.

Mi bin ting olsem, ating nau yet, yumi mas i stap long wampela taim nogut we tumbuna pasin bilong yumi na pasin bilong ol waitman i bung na bam wantaim. Long dispela as, taim

ol yangpela pikinini meri bilong yumi lusim hai skul na i go long ol institusen, koles na yunivarsi; ol traim long bihainim wanem kain senis i wok long kamap. Ol i no luksave long wanem nogut bilong dispela pasin ol bai mekim. Olsem na taim ol i go het na mekim, wantu tasol ol lukim olsem ol i stap insait pinis long taim nogut. Na em leit pinis.

Wampela samting tu em rong bilong yumi papamama: Yumi i no save lainim ol pikinini bilong yumi long pasin bilong boi na gelpren taim ol i stap yet long komyuniti skul. Yumi no save givim skul tok long wanem kain hevi bai kamap taim ol i go het na mekim pasin nogut o slip wantaim narapela. Long dispela as, taim ol i go het na mekim dispela pasin, em i leit pinis. Kirap nogut, meri i lusim nating skul, ronawe long papamama na salim skin bilong em long kism mani long taun na siti. Sampela taim, ol i kilim nating dispela turangu, pikinini insait long bel. Olsem dispela susa ya i bin mekim.

Long sampela ripot bilong ol skul, Wantok i bin painimaut olsem; Madang Tisa Koles i gat 5 o 6 meri i save lusim skul olgeta ya. Bos bilong ol meri long koles, Misis Jun Reyla i bin tok olsem, long dispela ya, tripela meri i lusim pinis skul bikos ol i bel. Rejistra bilong Divain Wod Institut long Madang tu i soim olsem i gat sampela wankain pasin i stap long skul tasol em i no bin givim trupela namba. Wantok i bin traim arapela skul tasol ol i no laik long stori long dispela.

Dispela stori bilong susa ya na ol liklik wok painimaut Wantok i bin mekim i soim olsem, yumi stap insait long wampela taim nogut. Kain kain senis i wok long kamap na pasin tumbuna bilong yumi i laik pinis. Em taim nau, yumi ol manmeri husat i stap insait long ol asples i mas save. Nogut yumi larim ol pikinini bilong yumi i go nating long skul na yumi no givim skul tok long wanem samting oi i mas traim long abrusim. Sapos pikinini meri bilong yu i no pinisim gut skul bilong em na i kam long haus, bai yu krosim husat? Ating em rong, tasol tingim; yu bin givim em sampela skul tok tu o nogat?

JUST ARRIVED

ROOK'S RADIO, IPI, 2ND ST.

P.O. BOX 191, LAE PH 472 4616 FAX 472 6281

Carlsbro, speakers, 100 watts, 150 watts,


100 watts - Mixer Amp, 4 channel, K 660.00

150 watts Mixer Amp, 6 channel, K1,045.00

200 watts Mixer Amp, 4 channel K 900.00

400 watts Mixer Amp, 6 channel K1,332.00

Malaria em wanpela sik i ken kilim yu



WENCESLAUS MAGUN i raitim

"MALARIA na Famili Bilong Yu", em i wanpela liklik piksa buk dipatmen bilong Helt na Wol Helt Ogenaisesen (WHO) i raitim bilong skulim ol pipel bilong Papua Niugini (PNG) long save long sik malaria.

Mi bin raun lukluk long namba tu Helt Expo nius long Mas 2 na 3 insait long Sir John Guise stedum long Mosbi na wanpela haus win mi bin aigris long glasim gut i bilong ol lain bilong Roteri Intanesenel. Ol i soim sampela rot we ol pipel bilong PNG i ken bihainim na abrusim sik malaria. Wanpela samting ol i bin mekim, em, ol i raitim dispela buk nau ta, yumi glasim.

Taim mi bin wokim gret 6, mi bin kisim bikpela sik malaria long wanpela wik long gret 6 eksem o tes i stat na klostu mi bin dai. Long dispela taim mi no save olsem wanem na mi bin pas na go long hai skul. Mi ting papa God i larim mi stap laip olsem bai mi inap wokim dispela wok long skulim planti pipel long mirakel God i save mekim long laip bilong yumi wan wan.

Stori bilong mi ating i wankain long sampela bilong yupela. Ating yupela i save tu long ol arapela famili na pren husat i kisim bikpela sik malaria na nau lek bilong ol i solap, o lek na han bilong ol i liklik, o het i paul. Ating sampela bilong

ol i dai o i laik dai long sik malaria nau yet.

Malaria em dispela sanguma o posin man planti ol pipel long PNG i no i nap lukim long ai, nating. Tasol nau ol save man long helt dipatmen na WHO i gat masin olsem maikroskop na ol arapela samting we ol i ken soim yumi: olsem wanem na malaria i kamap, olsem wanem yumi inap daunim malaria, olsem wanem na yumi i ken mekim malaria i stap long we na olsem wanem yumi inap stretim ples sindaun bilong yumi.

Mi laik helpim ol na raitim wok ol i raitim long buk bilong ol long dispela stori bai yumi olgeta inap ritim na save, olsem bai yumi ken lukautim laip bilong yumi, ol arapela na ples bilong yumi olgeta.

Sapos yu sik bai yu amamas? Mi no ting. Yu sekim yu yet na famili bilong yu. Famili i no gat sik, i save amamas? Planti famili i no save amamas long wanem sampela memba bilong famili i kisim kain sik malaria. Malaria i save kamap olsem wanem?

Malaria i save kamap olsem. Pastaim ol natnat i karim nabaut sik malaria long bel bilong ol, i save givim dispela sik malaria long olgeta manmeri taim ol i sutim ol man long nil bilong ol. Ol natnat i save bringim sik malaria, i save dringim blut bilong ol manmeri. Ol i save kaikaim man long taim bilong tudak tasol. Na taim ol pipel i kisim malaria ol i save gat sik fiva, long wanem, ol i gat ol liklik

binatang bilong malaria insait long blut bilong ol. Ol dispela binatang i stap insait long ol natnat i pulim dispela blut i gat malaria na dispela blut nogut i save go insait long bel bilong ol na i groa.

Taim sik fiva bilong malaria i kisim yumi, yumi mas mekim wanem? Yumi mas go kwiktaim long helt woka husat i stap klostu long yumi. Yumi mas kisim marasin inap long tripela de. Bikpela samting em hia: yumi mas kisim ol marasin olsem helt woka i bin tokim yumi. Sapos yumi no daunim ol marasin yumi bin kisim pinis, ol binating bilong sik malaria bai stap bek long blut bilong yumi, na sik bai kam bek long yumi, na inap go tu long ol arapela pipel. Sapos yumi pinisim olgeta marasin olsem helt woka i bin askim yumi long kisim, na bihain long tripela de samting, sik bilong yumi i no slek, orait, yumi mas go bek na tok save long helt woka. Sapos wanpela natnat i kaikaim yumi long taim malaria i stap insait long yumi, em inap karim sik malaria i go long ol narapela manmeri.

I gat ol arapela rot tu bilong lukautim laip bilong yumi bai yumi noken kisim sik malaria. Yumi ken yusim taunam. Ol taunam i bikpela samting tru long haitim yumi long ol natnat. Sapos yumi save stap insait long taunam long tudak, ol natnat i gat malaria i no inap kaikaim yumi. Nogat. Ol bai stap longwe long yumi. Harim gut. Yumi mas putim ol pikinini insait

long taunam long nait. Na sapos yumi i laik slip ausait long haus, oltaim yumi mas kisim taunam i go wantaim yumi. Long taim yumi laik slip, yumi mas lukaut bai yumi suvim ol kona bilong taunam i go aninit long mat. Nogut ol natnat i painim rot na i kam insait. I gat wanpela marasin tu yumi ken putim antap long taunam, na dispela i save kilim ol natnat.

Mi laik yumi save tu long we ol natnat i save kamap. Ol natnat i save putim kiau long wara. Ol dispela kiau i save op insait long wara na ol pikinini natnat i save gro insait long wara. Bihain long wanpela wik samting, ol pikinini natnat i save groim ol wing na lusim wara na i save flai i go. Olgeta natnat i no save karim sik malaria tasol. Nogat. Sampela i save karim sampela arapela kain sik olsem Dengue na Filariasis.

Moa yet, ol natnat i save putim kiau long ol raun wara. Ol i no save putim kiau insait long solwara. Ol natnat i save putim kiau long wara i stap wan wik insait long hul long rot o graun, ol tais, ol tin we maus bilong ol i op pinis, ol sel kokonas, ol taya, na ol kain kain samting olsem. Ol natnat i laik putim kiau long ol dispela kain ples we wara i stap na i sting. Ol natnat i gat laik long stap long ples i no klin na i gat planti gras na pipia na hul nabaut long en.

Yumi mas save tu long sampela arapela rot we ol arapela samting i save kilim ol natnat. Wanpela

bilong ol em long ol liklik pis ol i save kolim moskito pis. Dispela ol liklik pis i save kaikai ol pikinini natnat. Ol dispela pis inap stap long klinpela wara, na tu long wara bilong tais i no save drai na i no save ron. Yumi inap putim ol dispela liklik pis insait long ol hul wara na lip i stap long arere bilong tais. Mobeta yumi rausim ol dispela gras bai ol dispela liklik pis i ken mekim wok bilong ol.

Yumi i gat arapela rot bilong kilim ol natnat tu. Wanpela taim long wan wan wik yumi mas raun nabaut long haus bilong yumi na rausim olgeta samting we ol natnat i ken putim kiau bilong ol. Yumi mas tromoi graun antap long ol emti tin na botoi; na kukim ol sel kokonas, na rausim ol pipia i go longwe. Putim graun insait long ol taia na planim sampela flawa insait long ol. Pulamapim ol liklik hul wantaim graun we wara i save stap. O wokim wanpela liklik baret bai wara i ron bihainim. Sapos wara i bikpela tumas na i save stap oltaim, orait, putim sampela liklik moskito pis insait. Na yumi mas katim gras na sotim liklik ol diwai i stap nabaut long haus.

Laip bilong yumi i stap long han bilong yumi. Sapos yumi laik stap laip, na pinisim malaria, orait, em i moabeta yumi bihainim ol dispela skul tok.

Glasim man wantaim histori

SISTA ESTELLA ANGELES (FSP) i raitim

GLASIM man wantaim histori na lainim ol gutpela samting na samting nogut. Histori i save kamap gen long wanem nogat planti man i save lainim samting long histori.

Olgeta de yumi ritim long niuspepa, lukim long televisen na harim long redio ol kainkain samting i save kamap. Yumi save glasim ol dispela samting wantaim laip bilong yumi o nogat? Yumi save skelim ol samting i kamap na glasim bel bilong yumi o nogat? Sapos yumi dai tude, bai yumi go we? I gat sampela skul yumi inap long kisim long ol samting i wok long kamap nau?

Insait long wol tude, we kompyuta na ol kainkain masin o teknologi i kamap bikpela samting long laip bilong man, yu ting ol dispela samting inap bringim bel isi na gutpela sindaun? Mi ting nogat. Man i ken wokim histori bilong em yet wantaim ol kompyuta masin na ol marasin, sotgan, na bom ol i kolim long nuklia bom bilong kilim man.

Sapos yumi laik glasim gut laip bilong man insait long histori na stretim sindaun, yumi mas statim pastaim long famili bilong yumi, long ples na wok o wanem hap na taim yumi stap. Yumi mas glasim na skelim ol dispela samting wantaim spirit bilong God wantaim prea.

Wanpela gutpela samting yumi ken mekim long laip bilong wanpela man inap em i dai, em long skulim em long mekim wok. Yumi ken mekim olgeta gutpela samting, sapos yumi i gat laik long mekim gutpela wok. Man i no gat laik long mekim gutpela wok i no inap mekim gutpela wok. Wankain long dispela sapos man i bihainim lo na mekim gutpela pasin em tu bai lukautim laip bilong em na ol arapela insait long famili, na ples em i stap long em. Taim em i mekim olsem, planti man bai rispek-tim em na amamas long em. Dispela kain man, bai givim laip bilong em long mekim planti gutpela samting long ol pipel long graun.

No ken givap. Oltaim yumi mas bilip long yumi yet. Yumi mas bilip olsem yumi tu inap mekim planti gutpela samting long laip bilong yumi wanwan. Na yumi mas lukautim laip bilong yumi yet.

Histori em i gutpela tisa. Yumi mas lainim samting yumi bin mekim pinis o i kamap long laip bilong yumi na yusim olsem stia long laip i kam yet. Wanem gutpela samting i kamap long laip bilong yumi, yumi mas givim glori long God. Tasol sapos sampela samting no gut i kamap long laip bilong yumi, maski, yumi daunim yumi yet na askim God long helpim yumi bai yumi ken kirap gen na go het long mekim gutpela samting long laip bilong yumi.

Stadi long kisim save em i bilong samting long laip. Laip em i bilong oltaim oltaim. Olgeta samting em i bilong God. Yupela ol yangpela, glasim ol samting long bus, graun, wara, solwara, ol binatang, pis na wel abus na lainim samting long ol. Stap, lukim, skelim na traim painim wanem samting i tru i stap insait long ol dispela samting.

Ol yanpela, opim ai bilong yupela long wanem ol samting i kamap long histori. Opim ai bilong yupela long toktok i stap long baibel. Opim ai bilong yupela long ol gutpela skul toktok i kam long ol tumbuna, ol papa na ol save man. I no gat wanpela save man i moa antap long Jisas. Em wanpela tasol em i rot tru, na lait. Sapos yumi laik save moa long lukautim gut laip bilong yumi, nau em i taim yum mas bihainim pasin na laik bilong Jises.

Yumi ken painim sampela toktok long Jisas long Jon 1:1-5, "Bipo tru tok i stap. Tok i stap wantaim God, Na tok em yet i God. Bipo tru em i stap wantaim God. Em i wokim olgeta samting. Na nogat wanpela samting i kamap long arapela rot. Nogat. Olgeta samting i kamap, em yet i wokim na i kamap. Laip i stap long em, na dispela laip em i lait bilong ol man. Dispela lait i save givim lait long tudak, Na tudak i no bin karamapim em."


Olsem na sapos yumi laik glasim gut laip bilong yumi long graun na bilong oltaim, i moabeta yumi bihainim Jisas. Em i min olsem yumi mas givim yumi yet, olgeta i go long God. Na yumi mas mekim olsem i go inap yumi dai. Yumi mas i gat laik long lainim planti nupela samting. Yumi mas go het olgeta de. Yumi mas kamap gutpela olgeta

de. Wanem samting i kamap long dispela graun i stap bai yumi inap painim God insait long ol. Ol i stap bai yumi ken painim God insait long ol long lotum God. Olsem na no ken bagarapim ol samting God i wokim. Traim yusim olgeta dispela samting. Yusim ol dispela samting long litimapim nem bilong God bilong bringim bel isi na gutpela sindaun ol olgeta pipel long wol.



• Long painim papa God i gat kainkain we long painim em. Dispela foto i soim olsem sampela lain long kanu bilong ol painim papa God long wara.

GUTPELA EMI KAM BEK GEN!



We're back, Eta Peanut Butter is once again available in PNG at your local supermarket.
Eta Peanut Butter, gutpela emi kam bek gen!

PAINIM PREN

NEM: Alex
Martin

KRISMAS:
22 (man)

ADRES: Pen pren (a)

Paul Camp,
PO Box 34,
Vanimo,
Sandaun
province.

LAIKIM: Go
lotu, harim gutnius, stori wantaim ol
poroman na raitim pas.

NEM: James Bang

KRISMAS: 18 (man)

ADRES: PNG Harbours Board, PO Box 65,
Kimbe, WNB.

LAIKIM: Pilai gita, harim gospel musik,
lukim vidio, wasws long solwara, pilai spot
na mekim pren.

NEM: Tonny Lemako

KRISMAS: 17 (man)

ADRES: Islands Nationair, PO Box 490,
Kimbe, WNB.

LAIKIM: Pilai spot, raitim pas, wok
gaden na pilai gita.

NEM: Regina Orleas Lindsay

KRISMAS: 16 (meri)

ADRES: PO Box 133, Cape Coast, Ghana,
West Africa.

LAIKIM: Salim ol presen

NEM: Esther Gansah

KRISMAS: 16 (meri)

ADRES: PO Box 1090, Cape Coast
Ghana, West Africa.

LAIKIM: ritim buk na raitim pas.

NEM: Rex Martin

KRISMAS: 21 (man)

ADRES: Gabsongket Nadzab, PO Box
4276, Lae Morobe province.

LAIKIM: Ritim niuspepa, harim Sentrel
musik, raitim pas long ol poromeri, senisim
poto na laikim mekim pren.

NEM: Frank Michael

KRISMAS: 24 (man)

ADRES: PO Box 916, Wewak, ESP.

LAIKIM: Raitim pas, harim gospel musik,
ritim baibel, pilai soka, go lotu, na
mekim nupela pren.

NEM: Mara Peter

KRISMAS: 22 (man)

ADRES: PO Box 438, Kimbe, WNB

LAIKIM: Pilai soka, raun long solwra, raitim
pas, raun na lukim narapela provins,
senisim poto na marit wantaim ol meri long
narapela provins olsem Oro provins. Bai mi
amamas long bekim olgeta pas i kam long
mi.

NEM: Dominic Asou

KRISMAS: 21 (man)

ADRES: PO Box 438, Kimbe, WNB.

LAIKIM: Raun wantaim ol liklik manki
long nambis, lukim narpala provins,
raitim pas na senisim poto, marit wan-
taim ol meri long Oro provins. Bai mi
bekim olgeta pas i kam long mi.

NEM: Genevive Mensah

KRISMAS: 20 (meri)

ADRES: PO Box A - 321, Cape Coast
Ghana, W/Africa

LAIKIM: Pilai netbal, senisim ol presen.

NEM: Rosemary Annan

KRISMAS: 22 (meri)

ADRES: PO Box A - 321, Adisadel Estate,
Cape Coast, Ghana, W/Africa.

LAIKIM: Harim musik na ritim ol buk na
senisim ol presen.

Manki long ples gat namba long kamap Sain Raita

SAPE METTA i raitim

LONG tingting bilong yumi
wanwan man na meri
husat i gat gutpela save i
ken save gut olsem, sapos
yumi i laik mekim o wokim gut-
pela wok mani, pastaim tru em
long go skul na kisim gutpela
save long mekim ol wok.

Sapos yumi laik kamap
olsem dokta, tisa, mekenik,
ilektrisen, teknisen, pailot,
kepten bilong draivim sip, sol-
dia bilong difens fos, woda,
plisman na meri, na ol arapela
kain kain wok bilong saveman
na meri olsem jas, mejistret,
loya, akaunten na planti ol ara-
pela bikpela wok bilong opis,
yumi mas i go long skul na
kisim gutpela save pastaim.
Na taim yumi greduet na
kamaot wantaim dispela hap
pepa we ol i kolim setifiket, tru
tumas, bai yumi i no inap wari
long holim na mekim ol dispela
kain bikpela wok.

Long nau yet planti yang-
pela man na meri long kantri
bilong yumi i go het yet long
winim skul na i go long bikpela
skul. Bikpela as tingting bilong
ol long i go long ol dispela
skul, koles na yunivesiti em
long lainim na kisim moa save
long wanpela wok ol i gat ting-
ting long mekim.

Planti lain i gat driman long
wok ol i mas mekim bihain
long ol i pinisim skul bilong ol.
Tasol sampela turangu driman
bilong ol bai i no inap karim
kaikai, long wanem sampela i
pundaun long tes, o bungim
sampela arapela.

Wanpela long ol dispela kain
yangpela man husat i bin
laikim tumas long skul na kisim
gutpela save na driman long
kamap na mekim wanpela
bikpela wok olsem tisa, tasol
dispela driman bilong em i
popaia em Leighton Kapilo
bilong Kefamo viles, 5-pela
kilomita ausait tasol long
Goroka taun insait long Isten
Hailans provins.

Leighton i tok olsem wan-
pela liklik manki yet taim em i
bin statim skul long Asaroka
komyuniti skul long yia 1971,
em i bin amamas tru bikos em
i save olsem em bai kisim gut-
pela save na wanpela taim
bihain long em i pinisim skul
em i ken mekim dispela
bikpela wok tisa em i driman
long em.

Taim em i mekim gret 1, na 3
em i no bin i gat wanpela ting-
ting o driman long wanem
samting o wanem kain bikpela
wok em bai mekim long bihain.
Long yia 1974 taim em i go
insait na mekim gret 4 bilong
em, em i stat long kamap wan-
taim tingting wanem kain
wok em bai mekim.

Dispela taim tingting bilong
em i pas tru long em i laik
kamap tisa bihain sapos em i
pinsim skul bilong em.

Tasol long yia 1976 taim
Leighton i kamap long gret 6,
em i bin traime hat tru long ol
skul wok bilong em na i bin laik
kamapim gutpela mak na i go
het long haikul, tasol nogat.
Em i no skorim gutpela mak na
i bin drop aut long dispela yia
long gret 6.



• Leighton Kapilo i wokim sain bilong sios long Goroka. Foto: Sape Metta.

Namel long 1976 na 1982
Leighton i no bin mekim wan-
pela wok. Em i kam bek long
ples bilong em na i stap tasol
olsem wanpela viles boi na
helpim papa na mama bilong
em long mekim gaden long
Kefamo viles.

Tasol long dispela taim em i
no pasim tingting bilong em
long wokim gaden tasol,
nogat. Em i bin i gat wanpela
strongpela tingting na dispela
em long lainim em yet long
kamap na mekim wok olsem
Sain Raita (sign writer). Em i
stap yet long ples na i no givap
long lusim tingting long dispela
samting we em i wok long
tingting long en, na sem taim
em i kriap baim ol liklik pen na
bras na stat long lainim dispela
sain raiting wok.

Leighton husat i wanpela
kristen man na i save i go pas
long planti sios wok bilong
Kefamo SDA sios i tok, maski
em i no pinisim skul bilong
em, God i blesim em na givim
em gutpela save (talent) long
sain raiting wok.

Long yia 1983 em i bin stat-
tim dispela liklik sain raiting
wok bilong em insait tasol long
ples bilong em long Kefamo.
Na taim ol liklik bisnisman na
meri insait na arere long viles i
luksave long gutpela wok
bilong em, ol i kirap na givim
em ol liklik wok nabaut we em
i save raitim ol sain long sait
bilong PMV ka na long ol tret
stua bilong ol.

Long Februari 1988, Goroka
Lokol gavman Kaunsel i luk-
save long wok bilong em na i
haiarim (hire) em long raitim ol
sain long ka, mesineri na ol
notis bod long putim insait long
viles na taun. Insait long sam-
pela mun taim em i wok long
mekim ol dispela sain raiting
wok bilong Goroka kaunsel, isi
isi em i luksave moa na
kamapim moa save na stail
long mekim dispela wok.

Long Ogas long dispela sem
yia (1988), Leighton husat i
nogat wanpela gutpela skul
setifiket long mekim dispela
sain raiting wok i bin statim
namba wan wok bilong em
wantaim Talair balus kampani

na i wok long hap olsem sain
raita.

5-pela yia olgeta em i bin
wok wantaim Talair we em i bin
i go pas na raitim ol kainkain
sain bilong dispela kampani
long Goroka na tu long olgeta
Talair brens insait long kantri.

Leighton i tok taim sampela
bikpela sain raiting wok i save
kamap long ol arapela senta
planti taim kampani i save
salim em i go aut long mekim
ol dispela wok na sapos ol wok
i no bikpela tumas ol i save
salim i kam antap long Goroka
we em i save wokim na salim i
go bek.

Na taim em i wok yet olsem
sain raita, em i no pasim ting-
ting bilong em long dispela
wanpela wok tasol, nogat. Em
i kirap na lukluk i go long lain-
im ol arapela wok insait long
dispela sem Talair kampani. Ol
arapela wok olsem plama,
kapenta na ilektrisen we em i
lainim kwiktaim na save gut
long mekim ol tu.

Long kapentri sait Leighton i
winim gut tru long save bilong
dispela wok. Long 1992 ol bik-
bos bilong Talair i luksave long
bilding o kapentri wok bilong
em na ol i makim em kamap
olsem fomen we em i bin i go
pas na supavaisim 15 arapela
kapenta wokman.

Tupela wik bipo long Talair
kampani i stapim na pasim
operesen bilong ol long PNG;
kampani ya i bin makim em
olsem ekting bilding menesa,
tasol dispela bikpela hap wok
Leighton i no holim pas long-
pela taim na Talair i pasim na
stapim operesen bilong ol long
June 1993.

Long 1994 Leighton i go wok
wantaim Coca Cola kampani
long Goroka na i bin raitim na
putim planti sain bilong ol
insait long Goroka taun. Tasol
long hap em i wok tu wiks tasol
na em i lusim ol na i go wok
wantaim Mitre construction.
Em i wok tripela mun tasol
long hap na em i ting, bilong
wanem as na em i wsteim taim
bilong em logn wok nabaut
long ol kamapani.

Em i kisim dispela tingting
na i go bek long ples bilong em
we em i kirap na kamapim pri-
vate setap biong em long sain
raiting bisnis.

Long dispela sem yia (1994)
Leighton i kamap long Bisnis
developmen opis long Goroka
na rejistaim liklik sain raiting
bisnis bilong em we em i kolim
Toneme Signs.

Nau yet Toneme signs we
Leighton yet i go pas long en i
wok long mekim planti sain
raiting wok long putim planti
sain bod bilong Telikom, Wills
PNG, Winfield, Angco Coffee,
sampela skul na sios sain bod
na Collins & Leahy Haus Kago
sain bod long Goroka,
Kainantu na Kundiawa.

Leighton i tok sain raiting
wok em i wanpela profesenel
wok na tu ol sain em i bikpela
samting.


Em i tok sapos dipatmen na
bisnis bilong yu i nogat sain,
olsem wanem tru bai ol man
na meri i luksave long set-up o
ogenaissen bilong yu.

Leighton is salensim ol
bikpela bisnis kampani na
gavman dipatmen long
Goroka na i askim, sapos ol i
gat sampela liklik sain raiting
wok bilong mekim insait long
taun, bilong wanem na ol i no
laik luksave long ol lokel sain
raita olsem em yet long
mekim, na ol i save pasim ai
na lukluk long ol arapela
bikpela sain raita kampani na
westim bikpela mani long
bringim ol i kam antap na
mekim ol dispela sain raiting
wok bilong ol.

Leighton i tok wankain wok
ol bikpela kampani i save
mekim, em tu i ken mekim na
prais bilong em long mekim
wok i daun.

Em i laik ol i mas luksave
long ol lokel wokman na givim
planti sapot bilong ol i go long
ol we ol lokel wokman i ken
kisim na painim gutpela sin-
daun, na tu long sit bilong
kamapim planti wok bilong ol
yangpela husat i ken kisim
wok na sindaun gut insait long
komyuniti.

Introducing White Sugar



RAMU
SUGAR

“Natural as Life”



Ol tumbuna bilong snek

■ Kanage i save wok olsem klina long haus sik long Kimbe. Wapela taim Kanage i pitim sik tasol em i no mekim ripot long kisim marasin. Em i go het long wok i stap. Wapela wanwok bilong Kanage i kirap na i go ripot long bos bilong ol. Taim bos bilong Kanage ol i kam, em i askim, "anybody sick?". Tasol nogat man i mekim. Em i askim gen tasol nogat man i bekim. Em nau bos i lukluk stret long Kanage na askim gen, "anybody sick?". Na wantu Kanage bekim; "yes body sick".

Kanage big sist Kimbe

□ Nogat kaikai long haus olsem na Kanage i laik raun na painim sampela kaikai long nait. Bikpela tingting em long stil. Em raun raun long nait i go na kamap long wapela haus we em ol manmeri i sindaun bung na mekim planti nois i stap. Kanage ting ol i mekim pati olsem na isi tasol em go antap. Long kona bilong wapela haus, em lukim wapela bilum i hangamap i stap na em ting em bilum kaikai. Isi tasol han bilong Kanage i go antap na pulim bilum ya na karim tekov i go long haus. Taim em i kamap long haus, dispela bilum i nogat kaikai long en. Em ol bruk bruk kolos na doti samting bilong wapela lapun meri husat i bin dai pinis. Na ol famili i wokim liklik pati long rausim ol memori na samting bilong lapun tumbuna bilong ol. Long moning bikpela stori i raun olsem, spirit bilong lapun meri i bin kam long nait na kisim ol bilas na sens bilong em i go pinis.

Joe Olgm Hagen.

■ Kanage raun long Bulolo taun. Em wokabout long Bulolo maket i kam antap long rot na lukim wapela meri Finsafen i wokabout isi isi na skin dai nabaut long rot i go. Isi tasol Kanage wokabout smat tru i go klostu long meri Finsafen ya na tokim em olsem, "Kande, sapos ensin bilong yu i no wok gut long yu wokabout strong, mi ken pus stat long yu". Meri Finsafen harim na bekim gen, "mi no ka i bagarap na yu bai pus stat long mi, mi mang ya".

George Moses Bulolo

□ Kanage raun long Bulolo taun long painim meri i go na san i kukim em nogut tru long moning i go inap apinun. Em traime i go na nogat wapela meri i laki long em. Isi tasol skin bilong em i tait na slek wantaim em wokabout i go bek long haus. Em wokabout i go na ol boi bilong kompaun i lukim em na askim, "hei paps Kanage, yu painim tu o nogat?". Kanage kirap na bekim, "mi traime painim i go i go na nogat. Sapos mi go long haus bai mi kilim lapun bilong mi na ai bilong em bai tanim olgeta". Ol boi harim na lap indai nogut stret.

George Moses Bulolo

BIPO bipo tru tupela manmeri i stap long Kerowagi. Tupela i gat wapela pikinini meri tasol na i stap wantaim tupela.

Wapela taim i gat bikpela drai sisen kamap na pikinini meri ya i kisim sampela mau banana na em i go painim bus kumu long wara Wagi. Em kisim kumu i go na em pilim hangre. Em lukim wapela bikpela diwai pundaun i stap olsem na em i sindaun antap na kaikai banana na tro-moi skin banana i go daun.

Na bihain em lukluk na i lukim wapela liklik sotpela sinek i kam na kaikai skin banana i stap. Nau meri ya lukim olsem sampela banana stap yet na i putim klostu long sinek na em tok: "Sapos yu wapela man stap na kam kaikai, mi putim sampela banana i stap. Bihain bai mi kam na lukim."

Tupela de na em kam bek na lukim na het em sinek na tel sinek na namel em skin bilong man. Em lukim pinis nau em kisim lip banana drai long em na putim long bilum na putim sinek long bilum na karim i go long haus na putim antap long rup bilong haus pinis na em mekim paia.

Em kukim pinis na kaikai i stap na harim insait long bilum i wok long wokim nois. Em slip na moning em rausim bilum na lukim traipela pikinini man stap insat long bilum.

Papa na mama blong meri ya i lukim na kirap nogut tru na meri ya tu amamas nogut tru. Nau ol lukautim i stap na em kamap bikman.

Nau wapela taim mama bilong meri ya em kukim ston na em laik mumu na salim tupela long pulumapim wara. Na mama em mumu pinis na wetim tupela long wara. Na tupela pilai pilai na i no kam bek hariap long haus. Nau mama bilong em belhat na tokim tupela brata bilong susa o man meri pikinini sinek ya tupela marit na go stap long narapela hap, mama tok olsem. Na mangi ya wantaim meri tupela kam klostu long haus na harim dispela tok mama tok long tupela. Tupela wari nau tupela i no kaikai. Tupela kra i na slip long nait na moning taim tupela kirap pekim olgeta klos kago na kamautim gaden



kaikai na sit bilong plantim na tupela go wokim kem long ples man stap sinek na meri go kisim em. Tupela wokim haus na tupela marit na kamap man na meri.

Tupela marit stap na karim pes pikinini man tupela kolim nem Manda na namba tu pikinini man tupela kolim Konu na namba tri pikinini man tupela kolim Wemin. Namba foa pikinini man Vipe, namba fiv Gelpi, namba sikis Kop, na las pikinini man em kolim Pawa.

Meri ya i karim seven-pela pikinini man na givim nem olsem. Nau dispela seven-

pela man em ol brata nau ol stap. Tasol seven-pela man nau ol kamap wanwan klen o haus lain. Na wapela lapun man lukautim dispela skin bilong sinek em stap nau long ples. Mi wapela tumbuna bilong sinek tu. Mipela seven-pela klen o haus lain mipela kamap long sinek tasol.

Dispela stori kam long Kup, long Kerowagi distrik, Simbu provins.

Jacob Kai, Kerowagi, Simbu provins.

Bai mi prenim man gen o nogat?



Dia Laiplain,

Mi wapela haiskul sumatin na mi wok long prenim wapela boi wanskul tasol em i wapela yia pastaim long mi.

Mi no sem long tokaut olsem mi slip pinis wantaim dispela boi bikos planti yangpela meri i wokim dispela pasin. Wapela samting tasol em mi bin pilim bikpela pen nogut na mi no gat tingting moa long wokim dispela pasin gen long bihain taim.

Bihainim dispela nau, ol pilings bilong mi long boipren i senis olgeta. Mi belhat long dispela boi. Olsem wanem, bai mi laikim pasin bilong slip wantaim man long bihain taim o nogat?

HURT

Dia Pren

I luk olsem yu wok long wari long pasin bilong stap wantaim man long bihain taim yu kamap wapela bikpela meri. Pret pasin yu gat na strongpela no laik long pasin bilong wokim pasin bilong ol marit lain i kamap i soim long ples klia olsem yu no redi yet long wokim ol dispela samting.

Yu tok olsem yu no sem long slip wantaim boipren bilong yu bikos planti yangpela meri i wokim wankain pasin. Yu ting wanem, i gutpela long bihainim samting we ol arapela prenim bilong yu i wokim, maski em i gutpela o em i nogut? Hau na yu skelim gutpela pasin long pasin nogut?


Inap yu lukluk bek na skelim sapos yu bin wokim mistek long larim prensip bilong yu wantaim manki i go olsem? Yu tok tu olsem pilings bilong yu i go long boi em yu no moa laik em nau tasol yu belhat long em. Lukluk bilong yu i olsem wanem, yu ting em i no fea long sutim olgeta tok i go long en olgeta? Yu bin wanbel long slip wantaim em? Yu bin wokim dispela pasin wantaim boipren bikos ol arapela meri i wok long amamas toktok long ol samting we ol i wokim wantaim ol boipren bilong ol o yu bin larim ol pilings bilong yu i winim yu?

Ating yu no laik tokaut long papamama bilong yu long samting i kamap long yu tasol yu ting wanem? Moabeta yu toktok wantaim mama o sapos nogat, toktok wantaim wapela susa o anti bilong yu long dispela samting. Ol dispela lain bai i helpim yu wantaim sampela gutpela edvaising pasin bilong bihainim taim yu wokim poroman long dispela taim yu groap.

Ol Kristen na ol arapela pikinini i bilip olsem pasin bilong ol manmeri i slip wantaim wapela arapela em i wapela prenim bilong God we ol manmeri bai i go het wantaim bihan ol i kisim tok promis long marit. Planti pipel long tude i tokaut olsem ol singel manmeri i no ken mas slip wantaim inap long ol i marit tru tru. Sapos yu bihainim dispela na yu bildim ap pasin bilong kontrolim na disaplinim yu yet, orait, bai yu kirapim as long gutpela sindaun bilong yu long bihain taim.

Yu lainim pinis samting long ekspiriens bilong yu we bai yu kisim sampela skul long en. Dispela bai i helpim yu tu long redim yu yet long gutpela amamas bilong yu long bihain taim yu marit we bai mipela i gat bilip olsem bai yu painim amamas wantaim man we yu maritim.

Laiplain



AGRIKALSA

Saplimen

Kakao prodaksen long kantri go antap

... mak bilong
1997
prodaksen bai
antap moa

**JAMES KILA i
raitim**

PRODAKSIN bilong kakao long kantri i bin go antap tru long las kwata bilong 1995/1996 yia.

Sif Eksekutiv Opisa bilong Kakao Bod ov PNG, Nick Darku i bin tokaut long dispela wik.

Mista Darku i tok olsem long las kwata bilong 1995 na 1996, prodaksin bilong kakao long Papua Niugini i go antap tru long 37,000 tan olgeta. Dispela namba i winim tru namba bilong narapela yia bipo.

Mista Darku i tok olsem long dispela yia yet namba wan kwata i soim olsem namba o mak bilong prodaksin bai i go antap moa.

Em i tok olsem ol i gat bikpela bilip na lukim olsem prodaksin bilong dispela yia 1997 bai i winim mak bilong 39,000 i go olsem long

40,000.


Bikpela namba bilong kakao i bin kam long ol groa insait long eria long Is Nu Briten.

Dispela em bikos planti bilong ol dispela diwai kakao we ol i bin planim long ol dispela eria i stat long putim gutpela kaikai bilong ol long dispela yia.

Wanpela samting we i helpim prodaksin em ol nupela kakao projek long Warangoi eria we Asian Developmen Benk i helpim wantaim mani.

Mista Darku i tok tu olsem namba bilong kakao long sampela eria bilong kantri olsem long Sepik, Niu Ailan na Madang tu i bin go antap.

Insait long narapela ripot i kam long Kakao Bod, Mista Darku i tok bod bai i muvim hetkwata bilong en long Madang i go bek long Rabaul long dispela yia. Em i tok olsem ol bai stat muv long mun Me o Jun long dispela yia.



• Moa long 1 milien pipel long kantri long 13 provins long nabis i save wok long kakao long kisim mani.

Em i tok olsem wok i pinis long nupela hetkwata bilong Kakao Bod ov PNG long Kokopo, tasol ol wokmanmeri i nogat haus bilong slip long hap.

Wok long dispela nupela opis bilong Kakao Bod long Kokopo i bin pinis long las yia. Konstraksin wok i bin kam long mani i kam long Yuropien Yunien (EU) na Gazel Restoresin Program.

Kakao Bod opim opis long Wewak na Buka

... wok i go klostu long ol groa

KAKAO Bod ov PNG i opim pinis tupela nupela rijinol opis bilong en long kantri. Dispela tupela opis i stap long Wewak long Is Sepik provins na Buka long Not Solomons provins.

Eksekiutiv Opisa bilong Kakao Bod, Nick Darku i tok olsem dispela tupela nupela rijinol opis long Wewak na Buka bai bringim ol wok bilong bod i go klostu long ol groa. Em i to Bod bai i ken harim na tu stretim wari bilong ol groa yusim ol dispela tupela rijinol opis.

Mista Darku i tok wanem ol toktok bilong bod ol groa i laik save long en, bai i ken kisim long dispela tupela nupela opis.

Em i tok tu olsem i gat wan wan inspekta bilong Kakao bod nau i wok i stap long dispela tupela ol opis.

Man husat i lukautim Wewak rijinol opis em Mimbuna na man lukautim Buka opis em Mathew Uremu.

Mista Darku i tok Wewak opis bai i lukautim wari bilong ol groa long Is na

Wes Sepik, na dispela nupela opis bai i lukautim ol wari bilong ol groa long Bogenvil.

Long bipo Not Solomons provins i save yusim rijinol opis bilong en long Kieta, tasol dispela opis i bin pas bihain long hevi long Bogenvil long 1989.

Olsem na nau ol i opim gen narapela nupela opis long Buka long mekim ol rijinol wok long Not Solomons.

Em i tok tu olsem dispela tupela opis bai i mekim isi long ol groa long rjistarim ol fementri bilong ol. Dispela i mekim hariap ol pepa wok. Bipo dispela wok i save go long ol bikpela rijinol opis long Rabaul na Madang.

Nau yet ol groa long Bogenvil bai i no inap westim taim long go rejista ol fementri bilong ol long Rabaul, na ol lain long Wewak bai ino inap westim taim long go long Madang na rejista.



COCOA BOARD OF PAPUA NEW GUINEA

Cocoa Board of Papua New Guinea would like to advise Cocoa Growers and Exporters in East Sepik, Sandaun and Bougainville at the opening of new offices in Wewak and Buka.

Cocoa Growers and Exporters from the respective provinces are kindly asked to seek assistant from Board Inspectors located at the new Regional Offices.

Mr. Francis Minbuna
Cocoa Board of Papua New Guinea
P O Box 930
WEWAK
East Sepik Province

Phone: 856 1033
Fax: 856 1191

Mr. Mathew Uremu
Cocoa Board of Papua New Guinea
P O Box 250
BUKA
Bougainville

Phone: 983 9819
Fax: 983 9819




**NEW BRITAIN
PALM OIL LIMITED**

Dami Oil Palm Research Station - Producers of good quality oil palm seed with proven high yielding potential.


For further details

telephone 983 5439/
983 5177
or fax us on 983 5476/
983 5285

**DAMI OIL PALM
RESEARCH STATION**



Raining cats and dogs?



**Whatever the weather,
Gramoxone works.**

Gramoxone herbicide kills weeds fast, whatever the weather.

Even if it is raining cats and dogs just after application!

Gramoxone gets into the plant quickly and is fully rainfast just 30 minutes after application.

Gramoxone starts working on contact, unlike systemic herbicides that take hours before they're fully rainfast.

You don't have to worry about an afternoon's spraying being washed off by rain.

Gramoxone is compatible with many pre-emergent herbicides, making tank mixing for specific needs easy.

So, if you want to win the battle against weeds and weather, use Gramoxone for well planned and timely spraying rounds.



ICI DULUX PAPUA NEW GUINEA PTY LTD

Dami Risets go pas long kamapim moa oil pam sid long wol

JAMES KILA i raitim

WOK stadi bilong bihain taim na developmen i bin wanpela bikpela samting we i kamapim gutpela wok bilong oil pam insait long PNG, na long Wes Nu Briten.

Dami Risets Stesin, we i stap namel long Kimbe na Hoskins long Wes Nu Briten em i save gut long kontrolim ol nupela pikinini oil pam i kamap, na em i save long lukluk i go insait long lukautim na kamapim ol gutpela nupela kuru bilong oil pam. Long planti yia em i save go pas long nupela sid bilong oil pam na prodaksin bilong en.

Oi oil pam long Dami i save redi kwiktaim na i save kamapim planti kaikai. Oi dispela nupela kuru we i kamaut long Dami i kamapim moa long 7-tan oil pam long wan wan hekta insait long ol plentesin long PNG, na tu i winim namba bilong ol narapela kantri long wol.

Oi oil pam long Dami i save redi hariapm na i save redi long kisim bihain long 24-mun (Tupela yia) bihain long ol i planim.

Planti ol gutpela kain lukaut na was long oil pam i save kamap long Dami long taim bilong gro bilong ol nupela sid bilong oil pam. Oi i save yusim ol gutpela na bikpela gret ol samting na dispela i mekim sid long Dami ino inap bagarap daunbilo long wan pesen.

Oi oil pam sid long Dami i save kamap long 3-pela stes.

Namba wan tru em sid i save go stap drai pastaim. Bihain ol i no yusim i save bruk insait long masin bilong hatim. Na bihain wok bilong kuru bilong oil pam i kama na ol i save kaunim wan wan redi long salim.

Oi sid we i go long masin bilong hatim na kamap i save kamaut long yelo kala bokis bilong Dami, we i gat ol strongpela marasin we i ken lukautim gut sapos sid i

bungim taim nogut. Oi sid long 3-pela dispela kategori is go wantaim ol mararin we i ken kilim ol binatang.

Narakain long ol narapela lain husat i save kamapim ol sid bilong oil pam, Dami i stat long wanpela gutpela envoirnmen. Nogut ol sik bilong ol oil pam i stat long dispela hap eria insait long Nu Briten.

Taim prodaksin bilong sid long Dami i bin stat long 1970, ol samting i kamap long Dami i bin go long moa long 250 hekta insait long PNG na long Saut-Is Esia, Sentral na Saut Amerika na Pasifik. Planti taim ol ol samting o oil pam we i kamaut long Dami i save winim ol narapela lain husat i resis wantaim ol.

Oi lain husat i stap na bringim gutpela wok insait long Dami Risets Stesin long nau em klostu olgeta manmeri bilong PNG stret.

Dami Risets Stesin i gat 267 wokman meri. Tupela bilong ol em ol waitman na 5-pela em ol nesenel eksekutiv staf memba.

Oi wokman meri i amamas long wok long dispela industri na amamas long long long Dami.

Wanpela eksekutiv staf memba, Eddie Mesmana, husat i wok long salim ol sid i tok olsem tingting bilong em long joinim oil pam industri em i wanpela gutpela disisen em i bin kamap wantaim.

"Mi stat long wok olsem wanpela haiskul tisa. Tasol nau mi painim wok long Dami olsem wanpela gutpela samting long laip bilong mi," Mesmana i tok.

Long lukluk bilog ol menesa long bipo na long gutpela wok na tingting bilong ol lain wokman meri husat i save wok long planim ol sid, dispela i mekim Dami Risets Stesin i sanap long wanpela strongpela posisen long resis wantaim ol narapela bikpela rise's lain husat i groim ol nupela oil pam insait long wol.



• Wes Nu Briten i kamapim moa prodaksen bilong oil pam.

IFC helpim long gro bilong ekonomi

JAMES KILA i raitim

TAIM Intanesenel Fud Koporesin (IFC) i kirapim mekerel tinpis fektori bilong en long Lae, em i kamapim planti gutpela wok insait long ekonomi long komyuniti em i stap long en, Morobe provins na PNG.

Dispela ol helpim nupela tinpis fektori i givim em ol spin-of, o ol kain bisnis we i ken helpim lokal bisnis na lokal ekonomi.

IFC i lukluk long wok go pas na tu tingim bihain taim bilong ol narapela lokal bisnis insait long Morobe husat i save wokim na saplain ol guds na sevises.

IFC i save kisim ol saplai bilong ol nupela samting olsem mekerel pis na ol tin kapa i kam long ovasis, tasol em i save kisim sampela saplai bilong en tu long sampela lokal kampani. Dispela em bikos IFC i tingting long wok long lokal industri na wanem rot em i ken givim long helpim lokal ekonomi.

Wanpela gutpela eksample em ol pakejing kampani long Lae, husat i save kisim gutpela halivim tru bikos long bikpela askim i save kam long IFC long prodak bilong ol.

Wankain tu olsem, long taim wok i kirap long nupela fektori long Janueri 1994, ol kampani long Lae yet helpim long wokim ol haus long ol narapela

samting long fektori. Ol i helpim long putim ol pawa na ol narapela samting we dispela bikpela milion kina fektori i laikim.

Taim IFC i statim operesin bilong en long Epril 1995, ol bikpela wok halivim kampani i bin givim em ol sevis olsem enjiniaring, meintenens na saplai bilong ol pats bilong ol masin na ol kar bilong IFC.


Wanpela gutpela samting tu em ol PMV sevis i save ron long rot long Malahang rot na karim moa long 350 wokman meri bilong IFC. Ol PMV i amamas bikos ol i kisim moni long helpim bisnis bilong ol. I gat wanpela maket tu i stap klostu we i sevim ol manmeri long komyuniti bikos ol wokman meri bilong IFC long go na baim kaikai long hap.

I gat tu bikpela namba bilong ol siping sevis na wok bilong trenspot i kamap bikos long operesin bilong IFC. Ol narapela liklik bisnis wok tu i go long ol lokal kampani olsem ol wok bilong rausim ol rabis na sekuriti sevis long ol lokal kampani.

Bihain long pis-mil plent bilong en i op, IFC i bin salim ol sampela pipia bilong ol pis olsem ol het na ol narapela samting i go long ol lain kampani long Lae husat i save wokim ol fidmil, kaikai we ol enimol i save laikim.

Dispela ol wok IFC i givim olsem spin-op i givim moa helpim i go long komyuniti, provins na PNG long sait bilong ekonomik developmen.

Lae taro no inap kamap gut long Mosbi



• Lapun mama i pasim han bilong ol taro long salim long maket.

PLANTI ol manmeri bilong narapela hap bilong kantri husat i stap long Lae i ken tok olsem swit bilong Lae taro em i gutpela tru.

Ol taro bilong Lae i gat gutpela smel na sapos yu grisim gut wantaim kakaruk, mit na kumu em bai gutpela tru.

Sampela lain Morobe husat i kisim ol blok insait long Mosbi i bin stat long groim ol taro long Mosbi.

Sampela i tok olsem ol i planti ol kru bilong taro bilong Lae, ol i bringim i kam planti long Mosbi i no save kamap gut tumas bikos graun i no gutpela tumas.

Andrew Panau bilong Mumeng i bin kisim sampela kru bilong Lae taro na i bin planim long gaden bilong em long Morobe Blok long 9-mail long Mosbi. Bihain long sampela mun taro i bin kamap bikpela, tasol taim Andrew wantaim ol lain bilong em i laik traim kaikai dispela taro, ol i pilim olsem teis bilong taro i no wankain olsem swit bilong Lae taro.



AGMARK PACIFIC PTY LTD

We work with you!

We offer you "EXPERT ADVICE" and "QUALITY PRODUCTS" for all your agricultural needs

- * Agricultural / Industrial Chemicals
- * Fertilizer Importer / Distributor
- * Agricultural Tool & Machinery Specialists
- * Crop Drying, Mandling & Grading Equipment
- * Jule, Messiau, IDPE HDPE & PP/W Bag Importers
- * Distributors for Crocodile Bushknives, Pites Axes & Grass Sariffs
- * Sole Distributors for "ROSSI" work & Dress Boots
- * Distributors for POP Golf Equipment
- * PNG Hella Cement, Distributors for Morobe, East New Britain, Manus and North Solomons Province
- * Animal Health Products
- * General Importer / Exporter
- * Poultry Feeders & Drinkers
- * Stockfeed
- * Knapsack Sprayers
- * Day Old Chickens
- * Cocoa Buyers and Exporters

HEAD OFFICE:
P.O.Box 1921, Rabaul
Phone: 982 9055
Fax: 982 9056

BRANCH OFFICE:
P.O. Box 348, Lae
Phone: 472 2022
Fax: 472 6650

MADANG BRANCH
P.O. Box 753
Phone: 852 2133
Fax: 852 3018



PACKAGING FOR PNG

OVER 20 YEARS OF SERVICE THROUGHOUT PNG

- Amalgamated Packaging
- A National Enterprise
- Manufacturer of Corrugated Packaging for the Nation

MANUFACTURERS OF ALL SORTS AND SIZES OF CARDBOARD BOXES

- Meat and Poultry
- Brewery Cartons
- Fruit and Vegetables etc...
- Packaging Cartons and Rolls
- Beverages
- General Industry
- Heavy Duty Cartons
- Specialty Goods and Displays

AMALGAMATED PACKAGING (NG) PTY. LTD.

P.O. BOX 868, LAE, SPEYBANK ST. LAE, PAPUA NEW GUINEA.

PHONE: 472 5900
FAX: 472 6600



PNG COCOA & COCONUT RESEARCH INSTITUTE SERVING THE NATION

The CCRI is responsible for cocoa and coconut research in Papua New Guinea. It is owned by the Cocoa Board and Copra Marketing Board. It has two large research stations, one based at Keravat in the East New Britain Province, and the other in Madang. Smaller Provincial extension liaison centres have been established at Buka, Namatanai, Wewak and Alotau. The CCRI conducts practical research on all aspects of cocoa and coconut cultivation, cocoa quality, and coconut down stream processing. The CCRI provides training and information to extension officers and produces technical information bulletins, training manuals and farming notes for use by the farming community. It can give you advise on how best to grow your cocoa and coconuts

and how best to control any pest, disease or other problems that you might have.

The CCRI produces high quality cocoa and coconut planting materials. Hybrid cocoa seeds and seedlings are carefully produced by closed hand pollination in its hybrid seed garden at Keravat. Hybrid coconuts are produced in the hybrid seed garden at Omuru in Madang. You can buy hybrid cocoa seeds seedlings or buddings and hybrid coconut seednuts and seedlings at both the research stations and provincial centres. Simply call in or contact our didiman and ask for his advice at any one of the following places.

PNG CCRI
PO Box 1846, RABAUL
East New Britain Province
Tel: 983 9131, Fax: 983 9115


Stewart Research Station
P O Box 642, MADANG
Tel: 853 7404, Fax: 853 7409

PO Box 122, NAMATANAI
New Ireland Province
Tel: 984 3004, Fax: 984 3038

P O Box 322, BUKA
North Soromons Province
Tel: 983 9798, Fax: 983 9819

PO Box 1042, WEWAK
East Sepik Province
Tel: 856 2609

PO Box 411, ALOTAU
Milne Bay Province
Tel: 641 0061, Fax: 641 1402



WR CARPENTER (PNG) LIMITED

AGRICULTURAL DIVISION, WRC LIMITED,

**GROWERS, PROCESSORS & EXPORTERS OF COCOA,
COCONUT OIL, COPRA MEAL, TEA AND "SIGRI" COFFEE,**

AUTOMOTIVE DIVISION, BOROKO MOTORS LIMITED

**DISTRIBUTORS OF NEW HOLLAND FORD AND FIAT TRACTORS,
MOORHOUSE SLASHERS, WARWICK TRAILERS, CONNOR SHEA
PLOUGHS AND HARROWS**

Stendet bilong maket daunbilo tru

JAMES KILA i raitim

WANPELA dokta bilong kantri Inglen husat i bin stadi long ol maket long Papua Niugini long bipo i tokaut olsem ol maket long hia i nau i gat planti ol hevi tru.

Dokta Scarlett Epstein, husat i bin karimaut ol bikpela stadi long ol bikpela maket insait long kantri i bin tokaut long dispela taim em i bin kam long PNG long dispela wik.

Dokta Epstein i bin kam long PNG long 1958. Long 1968 taim em i kambek long wok long PNG, em i karimaut ol stadi i go insait long ol maket long hia.

Em i bin raitim tupela ol buk bihain long stadi bilong em i go insait long wei ol maket i save ron insait long kantri. Dispela em bihain long lukluk raun bilong em long ol maket long Rabaul, Kokopo, Mt Hagen, Goroka, Lae na Koki maket. Em i bin kisim tupela yia long karimaut ol stadi bilong em.

Planti ol maket i gat ol ples i gat rabis na raun wara insait long en na ol binatang bilong karim sik Malaria tu i stap long hap.

Insait long wanpela pres konferens wantaim ol ripota, Dokta Epstein i tok nau yet planti ol maket long PNG i gat planti ol pipia na ol dispela rabis i ken bringim sik long ol manmeri na pikinini husat i go salim kaikai long hap.

Planti ol maket i gat ol ples i gat rabis na raun wara insait long en na ol binatang bilong karim sik Malaria tu i stap long hap.

Dokta Epstein i bin kam raun long PNG bihain long askim i kam long Fresh Produce Development Company (FPDC).

FPDC em i wanpela ogenaesisin we i bin stat long 1989 na i save kisim helpim bilong mani i kam long PNG gavman. Hetkwata bilong en i stat long Mt Hagen na ol opis bilong en i stap long narapela ol taun insait long kantri.

Dokta Epstein i tok olsem ol bihain long 30 yia em i lukim planti senis i kamap long wei ol manmeri i save salim ol kaikai long maket.

Long nau yu ken lukim planti ol maket i gat ol manmeri i salim ol samting olsem klos, kaikai na ol narapela samting we bipo ol i save salim long stua.

Dokta Epstein i tok nau long PNG ol maket i gat ol namel ol man husat i save karimaut ol wok bilong saplaim ol kaikai.

Ol lain long hailans i save kisim kar na kam salim ol kaikai bilong ol long ol taun long nambis olsem Lae, Madang, Mosbi na ol narapela bikpela maket insait long PNG.

Ol ples long nambis tu i save karim ol samting we i save gro long nambis i go salim long hailans. Sampela bilong ol dispela samting em buai, kokonas na ol narapela samting moa.



• Dokta Epstein (namel) na Liz Baldwin (raithan) bilong Britis Hai Kominsin na Dokta Sergei Bang bilong F.P.D.D. Foto: Ivan Bayagau.

Didimans Supplies



ALSO AVAILABLE IN BULK

Seeds
5g to 500g

Axes

Chain Saws

Spades

Forks

Lawn Mower

**Insecticides
Fertilizers &
Fungicides**

**Trade Enquiries:
Brian Bell**

Shop with a friend

B

BOROKO:	325 5411	LAE:	472 3377
GOROKA:	732 1622	ERIKU:	472 1433
KOKOPO:	982 9027	MT. HAGEN:	542 1999

OL KENDIDET HUSAT BAI SANAP LONG TIKET BILONG NESENEL ALAENS PATI NA RESIS LONG 1997 ILEKSEN

Nesanel Alaens i redim pinis nem bilong planti kendidet bilong 1997 Nesanel ileksen.

Nesanel Alaens i amamas tru long gutpela pasin na bikpela sapot planti kendidet i bin mekim long kisim endosmen bilong pati.


Mipela i tok sori tru olsem pati i no bin endosim olgeta lain.

Mipela i salim amamas i go long olgeta kendidet long kempen bilong ol.

NEW GUINEA ISLANDS:			EAST SEPIK PROVINCE:			SIMBU PROVINCE:		
ELECTORATE	CANDIDATES	STATUS						
BOUGAINVILLE PROVINCE:			Provincial			Michael Thomas Somare Endorsed		
Provincial	John Momis	Endorsed	Ambunti Dreikir	-----	-----	Provincial	Nil	-----
Central Bougainville	-----	<i>to be advised</i>	Angoram	-----	-----	Karamui Nomane	Ben Awo	Endorsed
North Bougainville	-----	<i>to be advised</i>	Maprik	Jim Kauk	Endorsed	Kundiawa	Peter Ginda	Endorsed
South Bougainville	Michael Laimo	Endorsed	Wewak	Gabriel Kapris	Pro-Somare	Sinasina Yongomugi	Joseph Kelaga	Endorsed
MANUS PROVINCE:			Wosera Gawi	Bernard Narokobi	Endorsed	Gumini	Harold Aimos	Endorsed
Provincial	Steven Pokawin	Endorsed	Yangoru Saussia	Cetus Cox	Endorsed	Kerowagi	Ben Biri	Pro-Somare
Manus Open	-----	<i>to be advised</i>		Michael Vee	Pro-Somare	Chuave	Erry Tara	<i>to be advised</i>
NEW IRELAND PROVINCE:				John Wauwia	Endorsed			Endorsed
Provincial	Esikel Waisale	Endorsed		Benard Hagoria	Pro-Somare			
Kavieng	Wilson Kasou	Endorsed	WEST SEPIK PROVINCE:			ENGA PROVINCE:		
Namatani	Ephraim Apelis	Endorsed	Provincial	John Tekwie	Endorsed	Provincial	Anderson Aipit	Endorsed
EAST NEW BRITAIN PROVINCE:			Aitapo Lumi	Tas Maketu	Endorsed	Lagaip Porgera	Kakas Andiken	Endorsed
Provincial	-----	<i>to be advised</i>	Nuku	Patrick Muso	Endorsed	Kandep	Daniel Kumbon	Endorsed
Gazelle	-----	<i>to be advised</i>	Telafomin	Danny Lane	Endorsed	Wabag	Mathew Turner	Endorsed
Kokopo	-----	<i>to be advised</i>	Vanimo Green	Daniel Yaman	Pro-Somare	Wapenamanda	Masket Iagallo	Endorsed
Rabaul	-----	<i>to be advised</i>		Napotti Buru	Endorsed	Kompiani Ambum	Yakan John Yombon	Endorsed
Pomio	Michael Komtagarea	Endorsed	HIGHLANDS REGION:			SOUTHERN REGION:		
WEST NEW BRITAIN PROVINCE:			ELECTORATE	CANDIDATES	STATUS	ELECTORATE	CANDIDATES	STATUS
Provincial	Bernard Vogae	Endorsed	EASTERN HIGHLANDS PROVINCE:			NATIONAL CAPITAL DISTRICT:		
Kandrian Gloucester	Robert Lawrence	Endorsed	Provincial	Lennie Aparima	Endorsed	Provincial	Nil	Nil
Talasea	Patterson Lowa	Endorsed	Okapa	Korak Kokae Yeasoma	Endorsed	Moresby North East	-----	<i>to be advised</i>
MOMASE REGION:			Obura Wonenara	Joe Kamata	Pro-Somare	Moresby South	-----	<i>to be advised</i>
ELECTORATE	CANDIDATES	STATUS	Goroka	Bire Kimisopa	<i>to be advised</i>	Moresby North West	Opao Udia	Endorsed
MADANG PROVINCE:			Henganofi	Zeibi Marere	Endorsed	CENTRAL:		
Provincial	-----	<i>to be advised</i>	Unggai Bena	Emanuel Kange	Endorsed	Provincial	Tamato Wala	Endorsed
Madang	John Buri	Endorsed	Daulo	Yanga Kare	Endorsed	Rigo	Vearimana Maha	Endorsed
Bogia	Dr Allan Base	Endorsed	Lufa	-----	<i>to be advised</i>	Kairuku Hiri	Dickson Pepe	Endorsed
Usino Bundi	Agnes Murua Mulivao	Endorsed	Kainantu	-----	<i>to be advised</i>	Gollala	-----	<i>to be advised</i>
	James Tiki	Pro-Somare	WESTERN HIGHLANDS PROVINCE:			Abau	Nil	Nil
Middle Ramu	Godfried Oringawai	Endorsed	Provincial	-----	<i>to be advised</i>	GULF PROVINCE:		
Sumkar	Michael Baduk	Endorsed	Anglimp South Waghi	-----	<i>to be advised</i>	Provincial	Jacob Kairi	Endorsed
Rai Coast	James Yali	Endorsed	North Waghi	Joseph Karap	Endorsed	Kerema	Samuel Kamiatu	Pro-Somare
MOROBE PROVINCE:			Mul Baiyer	-----	<i>to be advised</i>	Kikori	Susuve Laumaea	Endorsed
Provincial	-----	<i>to be advised</i>	Dei	-----	<i>to be advised</i>		Peter Koiviapa	Endorsed
Lae	Aron Maiya	Pro-Somare	Hagen	-----	<i>to be advised</i>	NORTHERN PROVINCE:		
Bulolo	Bart Philemon	Endorsed	Jimi	-----	<i>to be advised</i>	Provincial	Benjamin Ijumi	Endorsed
Huon Gulf	Titi Christian	Endorsed	Tambul Nebliyer	-----	<i>to be advised</i>	Ijivitari	Philip Ogai	Endorsed
Finschaffan	Jacob Sawanga	Endorsed	SOUTHERN HIGHLANDS PROVINCE:			Sohe	Desmond Bundu	Pro-Somare
Tewae Siassi	Huwee Mitie	Endorsed	Provincial	Francis Awesa	Endorsed		Dennis Hoe	Endorsed
Nawae	Chris Akwa	Endorsed	Ialibu Pangia	-----	<i>to be advised</i>	MILNE BAY PROVINCE:		
Menyamya	Elijah Bain	Endorsed	Imbonggu	Peter Paipul	Endorsed	Provincial	Nil	-----
Kabwum	Thomas Peika	Endorsed	Kagua Erave	Timothy Buka Tola	Pro-N/Alliance	Alotau	John Penrose	Endorsed
Markham	Ama Anga	Endorsed		Dominic Diya	Pro-N/Alliance	Esa'ala	Justin Maosi	Endorsed
	Abraham Waium	Endorsed		David Basuwe	Endorsed	Kiriwina Goodenough	Henry Sikwalobou	Endorsed
				Kenda Nakisi	Pro-N/Alliance	Samarai Murua	David Hesaboda	Endorsed
				Guluwa Waginda	Endorsed	WESTERN PROVINCE:		
				Albert Mokai	Endorsed	Provincial	-----	<i>to be advised</i>
				Dei Kewano	Endorsed	Middle Fly	William Goinau	Endorsed
				Uhae Iabo	Endorsed	South Fly	-----	<i>to be advised</i>
				Hale Kale	Pro-N/Alliance	North Fly	-----	<i>to be advised</i>
				Timothy Hewabe	Endorsed			

Authorised by:

MICHAEL THOMAS SOMARE GCMG CH MP
Leader of National Alliance


BELDEN SEVUA
National Co-Ordinator

Ol blak skin i stap long olgeta provins

Dia Edita,
Mi laik bekim pas bilong Tony Albet we i bin kamap long Wantok niupepa bilong Desemba 12 1996.

Tony i bin tok olsem dispela kantri i bilong ol ret skin tasol na i no bilong ol blak skin lain. Mi laik askim yu Tony olsem wanem i nogat blak skin long provins yu stap Kimbe, ating yu save tasol long Kimbe na i no save raun long ol arapela provins bai yu lukim ol blak skin bilong ol narapela provins. Is Nu Briten provins i gat blak skin, Nu Ailan i gat blak skin, Is na wes Sepik i gat blak skin. Manus i gat, Morobe na

wanem kain hap moa yu go bai ken lukim i gat wanwan blak skin i stap.

Bipo dispela hevi i bin kamap yupela ol ret skin i bin save pulumapim ol pasindia sip na go painim wok nabaut na i no bilong ol blak skin ol blak skin Not Solomon provins. Ol ret skin i bin save bagarapim ol blak skin meri tu olsem tasol nau yu tok ol man Buka i wokim. I no olgeta man tu na yu kolim olgeta Buka yu no laik kolim nem bilong man ya stret.

Taim hevi i bin kamap yet Bogenvil i bin save givim planti moni moa i go long gavman na i no Kimbe. Mi

tingting gut bihain yu ken rausim ol blak skin long Papua Niugini. Bikman i no bin wokim ol ret skin tasol nogat em i wokim yu ret skin na mipela tu ol blak skin, na em i tok bai yu stap long Kimbe planim wel pam na mi blak skin bai stap long Bogenvil i gat kopa long en, Na PG em i bilong yu ret skin na mi blak skin na mi blak skin olsem na tingting gut bihain yu westim pen bilong yu long rait long Wantok.

**B.H. Likuis
Die Hard Bougainville
Aitape**

Skelim ol kendidet long kempen taim

Dia Edita,
Mi laik long putim tingting bilong mi long Wantok niupepa olsem. 1997 em i taim bilong nesenel ileksen olsem na mi laik sanapim tok olsem taim yupela ol pipel bilong pulumapim vot yupela mas lukaut long ol man yusim nem bilong God long taim ol i kempen. Yupela mas save olsem taim em i yusim nem bilong God, ol manmeri save olsem em wanpela kristen man na bai ol i givim vot long em tasol. Tasol tru tru em wan skin kristen tasol long vot o yumi ken vot kristen. Taim em i win em bai lus tingting long manmeri.

Narapela long ol independens kendidet.

Husat man em i tok em wanpela independens kendidet na em i laik salensim siting memba yupela mas save olsem dispela man em wanpela

gridi man. Long wanem taim em i winim dispela sit na go long palamen em bai go maketim em yet long gavman na oposisen taim bilong tupela laik baim vot bilong em yupela ting ol i save baim long liklik mani? Nogat ya ol i save go antap long hundreds o tausent. Taim em i kisim dispela mani em bai tingim ol manmeri? Nogat ya em poket mani bilong en stret. Taim em i stap long sait bilong gavman em bai lus tingting long ol manmeri husat i givim vot long em. Bikos tok independen kendidet min em wanpela tasol na nogat narapela manmeri em i laikim em. Em winim sit tu bai kamap gridi man stret.

Em tasol na husat i laik sapot o egensim rait tasol long Wantok na bai mi lukim.

**Mapi Mari Paki
Kimbe**

Makim raitpela lida bilong Suave

Dia Edita,
Mi laik autim wari bilog mi long ol manmeri bilong Suave ilektoret olsem.

Long 1971 stat long Yauwe Moses i kamap memba bilong Suave i kam inap nau Yauwe Riyong i kamap memba bilong Suave, i no wanpela memba i holim minista wok liklik.

Na tu ol i no bringim liklik sevis i kam long Suave. Ol i putim kankain tok promis na tok gris na yumi ting tru na givim vot na ol i winim na i go long palamen ol i givim baksait long yumi.

Ol i kamap bek bensa long palamen na ol bai save long wanem kain wok ol bai i mekim. Mani bilong ol pipel bilong Suave ol daunim na tingim yumi samting nating na olsem dok ol i givim bun bilong pik long em na i save guria, yumi mekim olsem pipel bilong Suave tingim gut, wanpela vot bilong yu em kostim wan milion kina olsem na makim raitpela lida bilong Suave.

Yu tok mi stap maket na ol i givim k2. long yu na yu vot long em. Em i min olsem ol i baim yu pinis na mani bilong yu long pipel bilong Suave ol i kaikai, bilong wanem ol i baim pinis long yu. Tingim gut ol pipel bilong Suave. 1997 Nesenel ileksen em wanpela gutpela sans we yu bai makim na no ken komplem long bihain taim olsem nao yumi save komplem.

Makim wanpela raitpela lida bilong Suave na em bai kamap Minista long Papua Niugini na bai mekim wok long pipel bilong Suave.

Makim hones na man i pret long God papa antap kain man olsem bai bringim sevis i kam long Suave. Husat laik sapotim o egensim mi rait tasol i kam long niupepa.

**Mande Boss
Suave**

Papamama no ken strong long salim pikinini meri

Dia Edita,
Mi wanpela manki bilong ples. Tasol nau mi i stap long Bialla Wes Nu Briten provins. Na mi laik autim wari bilong mi long Wantok niupepa olsem. Mi save lukim wanpela yangpela meri wantaim papamama bilong em ol save strong tru long maritim wanpela yangpela meri na man i les tru na ol lain bilong meri i strong na tupela i marit na i no long taim ol lain bilong meri makim pe olsem K10,500.00 na man i lusim meri na narowe. Plis dispela kain pasin i no gutpela kisim blesing nating long ai bilong God na ai bilong arapela kristen brata.

Plis papamama bilong meri yupela mas yusim gut het bilong yupela i no ken wari long mani na salim pikinini meri olsem ka o stua na kisim mani long em. Em tasol liklik wari bilong mi. Yu husat brata o susa yu laik egensim mi em orait tasol na mi lukim na bekim bilong yu.

**Kundip Hingi
Bialla**

Mendi Muruks i no save givim sans

Dia Edita,
Mi wanpela manki mi stap long Kimbe na mi laik sapotim dispela tok bilong Mikes Makai Nori Yaubu Naro i bin kamap long Wantok de Januari 2 1997.

Brata dispela tok bilong yu long pilai olsem wanpela mas win na narapela mas lus em tru.

Ol sapota bilong Warriors em ol kakaruk bilong Mendi Muruks. Sapos ol i pilai na pinis stret long taim: em Mendi Muruks bai go lusim 30 points na go go antap. Muruks bai i no inap givim sans stret long Warriors tasol het bilog ol Simbu mas paol ya. Ol i mas dringim wara Simbu doti wara na pipia mas pulap long het

bilong ol ya sapos ol i gat gutpela tingting bai ol i no inap pait o mekim nabaut. Man taim mipela lukim long wantok bipo fainal bilong tupela tim, man ol o laik opim nem bilong Ben Bire i no isi isi. Ol i tok Ben Bire "Big Foot". Tasol Raymond Karl ol i tok em i no bikpela man olsem Ben Bire em i liklik man tasol na em i tok mipela i no inap win tasol em gem na bai mipela pilai. Ating ol i sem long tok bilong ol o yumi save. Em tasol na husat i laik sapot o egensim rait tasol long Wantok.

**Mapi Paki Mari
Kimbe**

Sapos yu laik salim pen pren i go ovasis raitim leta long inglis

Woda rikruitmen em wansait tasol

Dia Edita,
Mi wanpela manki Woda i save glasim na lukluk long systems bilong CIS long kantri i no gutpela long ai bilong mi na ol pablik tu.

Long rikrutmen bilong CIS Woda i no gutpela bikos ol opisa i wansait na CIS rikrut em olsem wanpela famili dipatmen bilong ol woda na opisa.

Dispela taim ol opisa i lukluk gut na rekrutim ol gret 10 o 12 long asples yet long wanwan provins bikos nao long dispela taim lo na oda i kamap bikpela na planti man na meri i save kalabus

olsem pik na dok na liklik ol woda i save hat liklik long lukautim biknem kalabus manmeri.

Mi i gat bikpela askim long gavman long glasim ol haus kalabus na rekrutim moa skul liva na mekim moa prison sistem long kantri.

**Woda mangi
Bomana prisen
Kamb. N.C.D**

Noken sutim ol bilak bokis

Dia Edita,
Dispela em komplem bilong mi i go long ol man save sutim bilak bokis long Madang taun.

Yupela ol man save sutim bilak bokis mas yusim het bilong yupela tingim ka na ol man wokabout long rot. Noken sut katapel olsem ol man i nogat eye. Nek biong yu sikarap long kaikai abus orait baim o go swim na sutim pis kam kukim kaikai.

Wanpela hap yupela save sutim bilak bokis em haus tumbuna. man yupela bai hait olsem pusi laik holim rat, hait na sut i stap. wanem kain tru ya. yupela save tingim ol manmeri pilai bal long Laiwadon pilai graun o nogat. Sapos yu husat i no save ringim ol man o ka, badi yu i no man ya yu mas wanpela enimol blut. Na tu yu husat biong Madang, na yu wok long sutim bilak bokis yu ino yusim het. Tingim, ol bilak bokis i mekim Madang i spesel long olgeta Provins. Yu manki Madang mas traim stapim ol arapela Provins man long wokim dispela kain pasin.

Mi manki Madang i putim dispela komplem. Yu husat laik sapotim o engesim em welkam tasol.

**Damkcey Meke
Madang**

Kanage i no minim tok nogut

Dia Edita,
Mi laik bekim pas bilong brata Gee Ess bilong Bulolo we i bin kamap long Wantok Niuspepa long las yia, 1996. Em bin toktok long ol tokpilai bilong Kanage ino gutpela tumas we i gat planti tok nogut long en.

Brata Ess, mi laik tokim yu stret olsem mi tu mi wanpela man husat i save baim Wantok Niuspepa long olgeta wik tasol mi no save lukim wanpela tok pilai i nogut long en. Ol manmeri husat i save raitim ol tokpilai i no save yusim ol tok nogut stret tasol ol i save yusim ol kain tok pisin we i fani. Maski ol i yusim tok nogut stret long tokpilai i gat ol lain husat i save ritim skelim na stretim pastaim long ol i primin long pepa. Sapos tokpilai i nogut olgeta ol i no inap long prinim olsem bekim bilong Edita i bin tok.

Mista Ess, wanwan man na meri i skelim tokpisin o fani tok long we biong ol yet olsem Edita i tok. Yu no ken ting olsem kain we na tingting yu skelim tok pisin o fani bai i wankain long narapela, nogat.

Sapos yu wanpela Kristen man mi laik tokim yu olsem kain we na tingting yu yusim long skelim ol tok pilai i go kamap olsem tok pilai nogut em ya mekim yu yet i sin. Wanpela trap tok long Baibel long buk bilong Mak or Matyu i tok olsem: Wanpela trap tok long Baibel long buk bilong en i no sin. Tasol wanem samting i stap insait na kam ausait em i sin.

Olsem na brata Gee Ess, sapos yu na Joe Kondo (pas bilong en yu sapotim) na ol lain wanpisan bilong yutupela i no amamas tumas long dispela orait maski long ritim Kanage's column.

I gat planti ol arapela gutpela nius i stap. Na tu ol arapela gutpela tokpilai olsem bilong Rebo, Spak Maik, Toro na Biabia tu i stap. Yu ken ritim ol dispela tok pilai, em ol fani na yu ken lap tu.

Em tasol na yu husat pablik i laik sapotim o egensim em laik tasol.

**Pes Taim 94
Mosbi**

Redio Wewak i nogat gutpela sevis

Dia Edita,
Mi wanpela manki Sepik yut laik autim liklik belhevi o tingting bilong mi long Redio Wewak. I luk olsem olgeta yia dispela stesin i save bagarap klostu klostu.

Mipela ol grasruts na ol memba bilong Wewak i mas save olsem, dispela stesin i save helpim yumi. Ol lain i stap longwe long main taun i save salim toksave i kam.

Na tu mi wantaim ol narapela ol manki i no amamas long ol anaunsa bikos laik bilong wanwan program, leta o askim rikuest bilong mipela i no save kamap olsem wanem traim na mekim ol yangpela manki amamas liklik. Kain pasin na redio bai bagarap olsem yet.

**Fords Peter
Wewak**

Amamas long Glasim Tingting na Lewa

Dia Edita,
Mipela tok amamas long yu long nupela raita long tokaut long tingting Eddie Saunders.

Mipela ol manki Gailala i stap long 2 Mail. Mi save laikim pasin bilong em: Tingting em i ken tokaut sampela wari na krai bilong ol grasrut pipel.

Tenkyu Wantok Niuspepa long givim yumi sans. Bai mipela ritim yet Wantok. Em Niis bilong yumi PNG Stret.


**Joe. P. Nicholas.S,
Michael. T. Paul Toks,
Peter Bawau.
2-Mile Mosbi**

Glasim Lewa na Tingting mekim gutpela wok

Dia Edita,
Mi tenkyu long yu na menesa bilong Wantok Kampani long autim tingting bilong Eddie Saunders Glasim Lewa na Tingting. Em wok bilong em yupela na yumi olgeta long kamautim as bilong pasin stil na ol narapela pasin nogut long dispela kantri.

Plis tokaut long krai tru bilong ol pipel, long ples na setelmen.

**Buks, Ben, Pits
Gerehu**



WANTOK PABLIK NOTIS

Sapo yu laik advertais, telepon 325 2500 na askim long

Miri Aiori Ext. 214
 Jeffrey Malliou Ext. 215
 Jack Mahuru Ext. 217

BETDE GRITING



Mipela i anamas na salim bikpela betde griting tru i go long Rhett Ipele Niles.

Husa! i wi in 9-pela krismas tude, Mas 13.

Hepi Betde Rhett na mipela i pre bai God i blesim yu na staim su long planti moa via!

Gritings i kam long Eric, Los, Fio, anti Berna na Jessica, bubu Wembi, papa na mama long Gordons.

grandma long Amerika, ol pambo long Mengar na Mims long Na Silan.

PROMOTE YOUR BUSINESS

WITH

WANTOK

THE Independent

PNG BUSINESS


Are you launching a new business, celebrating an anniversary, staging a big event or exhibition?

WE CAN HELP YOU TO TELL YOUR POTENTIAL CUSTOMERS ABOUT IT!

Simply call our advertising department and we will send a representative to you for advice.

**Word Publishing Company Pty Ltd.
 P.O. Box 1982, Boroko, NCD.
 Tel: 325 2500 Fax: 325 2579**

FOR RENT



Situated on the new Poreporena Freeway at Hohola this prime office space is now available for rent.

Imposing garden terrance, air conditioned, 2,000 sq ft. would suit professional offices, medical centre, etc.

Contact: Anna Solomon
 Acting General Manager



**Word Publishing Company Pty Ltd
 P.O. Box 1982, Boroko, NCD.
 Tel: 325 2500 Fax: 325 2579**



DEPARTMENT OF TRANSPORT & WORKS OFFICE OF TRANSPORT

PABLIK NOTIS

LICENCING OF HEAVY VEHICLE ACT CHAPTER (367)

Mipela i laik tok save olsem Nesenal Len Trensport Bod i kisim pinis ol dispela aplikesen husat i laik kisim laisens na ronim ol haiwe ka long ol rot insait long Nesenal Kapitel Distrik na Hailans Haiwe.

- | | |
|-------------------------|---------|
| 10. K.S.S TRANSPORT P/L | TWO (2) |
| 11. GANE TRANSPORT P/L | ONE (1) |
| 12. J's MOTORS P/L | ONE (1) |

Long lo bilong bikpela ka laisens ekt (Chapter 367), 1977 Nesenal Trensport Bod i askim olgeta manmeri long givim tingting bilong ol long ol dispela aplikesen i stap antap.

NAME OF APPLICANTS

NUMBER OF LICENCE APPLIED

- | | |
|-----------------------------------|-----------|
| 1. ANDREW AND FAMILY P/L | ONE (1) |
| 2. MENDI BAKERY P/L | TWO (2) |
| 3. KU VALLEY BUSINESS GROUP P/L | ONE (1) |
| 4. FUGO TRUCKING P/L | ONE (1) |
| 5. JOHN EKAPA P/L | ONE (1) |
| 6. TRANSWEST TRANSPORT P/L | FOUR (4) |
| 7. NIMAI WOU TRANSPORT P/L | ONE (1) |
| 8. BORAL GAS P/L | ONE (1) |
| 9. KUTUBU TRANSPORT JOINT VENTURE | SEVEN (7) |

Salim komplem bilong yupela i kam long Bod, namel long 14 de bihain long dispela tok save.

*The Chairman
 National Land Transport Board
 P O Box 1489
 PORT MORESBY
 National Capital District.*




• Mosbi netbal resis i stat gen long las wiken. Olgeta meri i redi long autim stail bilong gem long olgeta wiken.




ANTAP: • Ol sapota bilong Gordons tas i amamas long lukin ol pilala we ol feveret tim bilong ol i pilal.

RAITHAP: • Pilala bilong Eels i redi long pasim bal long wan pilala bilong long Godons Tas resis.



• Ela Yunaited Moni Kalong i saltim em yet wantaim bal long wan-pela pilala bilong Babaka long Mosbi pri sisen soka resis. Babaka i winini ol 2-0.

• Stail pilala namel long ol Babaka na Ela Yunaited long PMSA pri sisen resis long Blaini.



• Wiha bilong Teke sharke i train long kikum bal long las wiken gem taim ol i kism Eagle.

PHOTOGRAPH BY [unreadable]

PNG i redim pinis nesenel soka skwat

PAPUA NIUGINI i redim pinis nesenel soka skwat long bikpela kik resis bilong namba tu raun bilong ol tim insait long Osenia rijon long luksave wanem tim bai win na go insait long namba tri raun bilong Wol Kap Kwalifaia.

Nesenel Kosa, Mista Richard Magai i skelim gut na miksim planti ol opela eksperiens pilaia wantaim sampela i nogat bikpela eksperiens tumas.


Dispela tim i gat bikpela sans tru long winim Nu Silan na Fiji na ating lus long wanpela gol long Australia. Wanem samting i kamap long pilai graun i stap long han bilong kosa na ol pilaia.

Lae Futbol Asosiesen (LFA)

I bin i gat wanpela kwesten i kamap long nesenel kosa sapos tupela pilaia bilong LFA bai stap insait long skwat o nogat. Dispela em i bikos LFA i no baim Afiliesen Fi bilong em long dispela yia.

Strongpela singaut bilong mi i go long Richard em long i noken go insait long ol dispela kwesten. Lusim dispela soka edministresen wok long PNGFA na LFA long stretim.

Em i moa gupela yu putim



SEKIM TINGTING
wantaim
GABRIEL PISE

olgeta mak na tingting long olgeta pilaia insait long skwat nau na kamapim strongpela tim sprit bipo long sait i salensim ol ovasis tim. Yu mas sanap makim tim bilong yu olgeta taim olsem bai yu i ken kamapim na kisim respek bilong olgeta pilaia.

PNGFA

Mi mekim dispela toktok long soim olsem opis bilong PNGFA i mas stat toktok wantaim LFA na stretim wanem kain hevi yu i gat we inap pasim not bilong yu long kik gut. Mi tu raitim wanpela pas na salim olsem fax i go long PNGFA opis long sekap sapos Tabubil soka asosiesen i rejista o afiliet long dispela yia pinis o nogat? Mi no kisim bekim. Mi ring tu na toktok long wanpela meri i wok long opis tasol mi wet yet i stap.

Nogut sampela lain bai askim watpo mi askim dispela kwesten? Stori i go olsem long 1996

Tabubil i peim K1000. Tabubil i stap long B senta na ol B Senta i save peim K500. PNGFA i no inap tokim Tabubil Soka Asosiesen olsem em i gat K500 bilong 1996 na narapela K500 bilong 1997 olsem wanem? Mi lusim long han bilong presiden na opis bilong PNGFA.

Vanimo Tonamen

Stori bilong pastaim i tok olsem Nesenel Anda 19 tonamen bai stap long Vanimo long dispela yia. OL ripot i kamap nau - stori bilong Martin Liri long Pos Kuria long Tunde 11 Mas - i tok "Ating" dispela tonamen bai kamap long Vanimo.

Mi save olsem John Kaye bai ritim dispela stori bilong mi. Mi laik em, Aaron Dupnai na olgeta spot bodi na bisnis haus long Vanimo i bung na stat plenim dispela tonamen.

Mosbi, Lae na Madang i gat wanem kain samting em Vanimo i nogat. I mobeta gavana Tekwie i givim han long ol i maketim aidia bilong holim tonamen. Vanimo i gat planti ol gupela samting em ol tripela senta mi kolim pinis ya i nogat.

Mi lusim dispela long han bilong John Kaye, Aaron Dupnai na gavana bilong Sandaun.

PMSA statim pri sisen

WATSON GABANA i raitim

Pot Mosbi Soka Asosiesin (PMSA) i no laik long soka hia long siti i stap longpela taim, olsem na long las wiken, 40 tims i pilai tupela tupela gem pinis.

Long dispela pri sisen pilaia, 12-pela primia tim, 8-pela fes divisin tim, 8-pela seken divisin tim na 12-pela tim bilong ol meri i bin kik ov wantaim tupela tupela gem bilong ol. Dispela pri sisen bai pinis long wan mun taim na PMSA bai i go insait long propa sisen long neks mun.

PMSA presiden, Mark Kelep i bin tok olsem, olgeta tim i bin baim K50 bilong ol long pilai insait long dispela pri sisen gem. Tasol olgeta klap mas baim afiliesen fi long April 1. Afiliesen fi em K350 long wan wan klap. Long dispela pri sisen pilai, PMSA i bin brukim tim bilong ol man i go insait long foapela pul na tim bilong ol meri long tupela pul.

Long wanpela strongpela gem long Sande namel long Yunivesiti na Guria, planti ol eksperiens pilaia i bin soim kain kain stail bilong ol. Long dispela pilai, Adam Lema i bin go pas long ol boi Guria. Ol i bin traim long brukim difens bilong Yuni, tasol, ol biknem soka pilaia bilong PNG olsem, Roy Karang, Joe Aisa, Desmond Waku na Manual Caspar i

MOSBI SOKA RIPOT

no bin larim ol liklik long sut long kol mak.

Namba wan gol bilong Yuni i bin kamap taim wanpela paol pilai i bin kamap long gol maus bilong ol Guria. Wanpela pilaia bilong Guria yet i bin kikim bal pas long narapela na gol i bin go insait. Dispela gol i bin kamap 10 minit\$ tasol long kik ov. Tupela minits tasol long pinis bilong namba wan hap, Roy Karang i bin pairapim umben bilong Guria long namba tu gol. Desmond Waku i bin kisim wanpela fri bal tru i go tasol, em i bin trik long gol mak bilong Guria i stap na fulbek i bin rausim.

Ol manki Yunivesiti i bin rausim tiket bilong Guria 2-0 long fultaim. Long narapela pilai namel long Yunivesiti na PTC, Yuni i bin nekim PTC 1-0.

Joe Turia i bin tok olsem ol i bin givim pinis sampela nupela lo bilong PMSA long wan wan eksekutiv bilong wan wan klap long ritim na save. Wanpela bilong ol dispela lo em; sapos wanpela pilaia i transfea mov long wanpela klap na i go long narapela klap bai baim K150. Planti tim ofisel bilong PMSA na wan wan klap i ritim na sainim pinis dispela nupela lo.



• Coxie Laura bilong Ela United (raithan) na wanpela pilaia bilong Babaka i pait long kisim bal. Dispela em wanpela gem bilong PMSA pri-sisen pilai long las wiken. Moa eksen bai kamap long dispela wiken long Bisini. Foto: Ivan Bayagau.

Smok kampani sapotim spot long Manus

KAYEH TAPO i raitim

ROTHMANS husait i wanpela bikpela kampani bilong wokim smok, mutrus na winfield long PNG i sapotim ol spot insait long Manus provins.

Masta bilong Rothmans George Timor i givim K1800 insait long dispela wik long helpim ol spot insait long Manus.

Em i tok tu olsem, Rothmans bai helpim Manus long sponsarim ol kain kain pilai spot insait long tripela yia i kam. Em long 1998, long 1999 na long yia 2000.

Rothmans i sponsarim ol spot long Manus aninit long nem bilong prodak bilong em Winfield.

Provinsel spot kodineta Mista Nawi Changau i tok olsem ol bai tingting long yusim ol dispela moni long holim ol sempionsip tonamen na volibal kosa trenng.

Changau i salim tok tenkyu bilong Manus provinsel spot i go long Rothmans long tripela yia kontrak em bai sponsarim ol spot insait long Manus provins.

PORT MORESBY SOCCER ASSOCIATION

Saturday March 15, 1997.

Bisini One

8.00	M1	Sobou vs Eastenders
9.00	M1	Uni vs Adau
10.00	M1	Telikom vs Chauka
11.00	W1	Sobou vs Tarangau
12.00	M2	Ela United vs Cyclone
1.00	W1	Telikom vs TST Stars
2.00	W1	Wanzesi vs GFC
3.00	M2	Defence vs Pom Utd
4.00	M2	Babaka vs PS Rutz

Bisini Two

8.00	M4	Kurti-Andra vs Simla
9.00	M4	Blue Kumuls vs Tawala
10.00	W2	Uni vs Pom NHS
11.00	M4	Hoods vs Toring
12.00	W2	Guria vs Medics
1.00	M3	Rapatona vs Medics
2.00	W2	Defence vs Normads
3.00	M3	Momase vs M. Gaindu
4.00	M3	Tarangu vs Wanzesi

Byes: Pool One Guria

Pool 2 Keweh

Pool 3 Normads

Pool 4 GFC

Sunday March 16, 1997.

Bisini One

8.00	M4	Toring vs Tawala
9.00	M4	GFC vs Simla
10.00	W2	Guria vs Pom NHS
11.00	M4	Blue Kumuls vs Kurti-Andra
12.00	W2	Medics vs Normads
1.00	M3	Medics vs M. Gaindu
2.00	W2	Uni vs Defence
3.00	M3	Normads vs Wanzesi
4.00	M3	Momase vs Tarangau

Bisini Two

8.00	M2	PS Rutz vs Cyclone
9.00	M2	Keweh vs Pom United
10.00	W1	TST Stars vs GFC
11.00	M2	Ela United vs Defence
12.00	W1	Telikom vs Tarangau
1.00	M1	Adau vs Chauka
2.00	W1	Sobou vs Wanzesi
3.00	M1	Telikom vs Sobou
4.00	M1	Guria vs Eastenders

Byes: Pool 1 Uni

Pool 2 Babaka

Pool 3 Rapatona

Pool 4 Hoods

NB: - Pom NHS moved to Pool 2 from Pool 1
- Medics remains in Pool 2.

Both teams will play their catch up games later.

PRE-SEASON SOCCER LADDER

POOL ONE	P	W	D	L	F	A	PTS
Uni	2	2	-	-	3	0	6
Eastenders	2	1	1	-	5	0	4
Adau	2	1	1	-	1	0	4
Guria	2	1	-	1	1	2	3
Sobou	1	-	-	1	0	1	0
Telikom	2	-	-	2	0	2	0
Chauka	1	-	-	1	0	5	0
POOL TWO							
Pom United	2	2	-	-	7	0	6
Babaka	2	2	-	-	4	0	6

Ela United	2	1	-	1	5	3	3
Defence	1	-	1	-	0	0	1
Keweh	2	-	1	1	0	2	1
PS Rutz	2	-	-	2	1	7	0
Cyclone	1	-	-	1	0	5	0

POOL THREE

Wanzesi	2	2	-	-	4	0	6
Rapatona	2	1	1	-	2	1	4
Momase	2	1	1	-	2	2	4
Normads	2	1	-	1	1	3	3
Tarangau	1	-	-	1	0	1	0
Medics	1	-	-	1	0	1	0
M. Gaindu	1	-	-	1	0	3	0

POOL FOUR

Simla	2	2	-	-	7	2	6
Hoods	2	1	1	-	1	0	4
GFC	2	1	-	1	3	1	3
Blue Kumuls	2	-	2	-	2	2	2
Toring	1	-	1	-	2	2	1
Kurti-Andra	1	-	-	1	0	3	0

WOMEN'S DIVISION

POOL ONE

Telikom	2	2	-	-	14	6	6
TST Stars	2	1	-	1	3	3	3
Wanzesi	2	1	-	1	2	4	3
Sobou	2	1	-	1	2	11	3
GFC	1	-	-	1	0	2	0
Tarangau	1	-	-	1	1	2	0

POOL TWO

Uni	2	2	-	-	4	0	6
Guria	2	-	1	1	1	3	1
Defence	1	-	1	-	1	1	1
Normads	1	-	-	1	0	2	0
Medics	-	-	-	-	-	-	-
Pom NHS	-	-	-	-	-	-	-

NB: - Pom NHS moved to Pool 2 from Pool 1.
- Medics remain in Pool 2.
- Both teams will play their catch games later.
- Some teams have withdrawn from the pre-season competition.

TOKSAVE

Buresong Soka Klap (Mosbi)

Bung bilong olgeta olupela na nupela pilaila long dispela wiken.

We: UPNG campus, haus bilong Steve Laboan.

Deit: Sande Mas 16, 1997

Taim: 1 kilok (1pm)

Tenkyu long luksave na sapot na pes bilong yu.

Anlus Iwal (Bos Boi)

**PORT MORESBY RUGBY UNION
EASTER CUP - BAVA PARK
Saturday March 15, 1997.**

11.00	Defence vs Harlequins	N. Rakatani
1.00	Brothers vs Biksi	J. Takavis
2.00	Defence vs Barbarians	N. Rakatani
3.00	Telikom vs Skailain	J. Takavis
4.00	Harlequins vs Uni	R. Hill

Port Moresby School Soccer Association

15th March 97




8-9am Official opening and march past

Start time	End time	Team 1 Vs Team 2	Oval	Round
Under 7*				
9.00 - 9.40		Murray vs Pom Int'l	3	1
9.40 - 10.20		St Joseph's vs Ela Beach	3	1
10.20 - 11.00		Korobosea vs Gordons	3	1
Under 8*				
9.00 - 9.40		Ela Beach vs Pom Int'l	8	1
9.40 - 10.20		Murray vs Korobosea	8	1
10.20 - 11.00	St	Joseph's vs Gordons	8	1
Under 9*				
9.00 - 9.40		Murray vs Korobosea	5	1
9.40 - 10.20		Ela Beach vs Pom Int'l	5	1
10.20 - 11.00		Philip Aravure vs Vacant	5	1
Under 10*				
9.00 - 9.40		Pom Int'l vs Korobosea	10	1
9.40 - 10.20		Murray vs Ela Beach	10	1
10.20 - 11.00		St Joseph's vs Gordons	10	1
11.00 - 11.40		Vacant vs Vacant	10	1
Under 11A*				
9.00 - 9.50		Ela Beach A vs Murray	11	1
9.50 - 10.40		Korobosea A vs Pom Int'l	11	1
10.40 - 11.30		St Joseph's vs Gordons A	11	1
Under 11 B				
9.00 - 9.50		Ela Beach B vs Gordons B	2/1	1
9.50 - 10.40		Korobosea B vs St Peters	2/1	1
10.40 - 11.30		Philip Aravure vs W.S. Demo	2/1	1
Under 12*				
9.00 - 9.50		Pom Int'l vs St Joseph's	2/2	1
9.50 - 10.40		Murray vs Ela Beach	2/2	1
10.40 - 11.30		Korobosea vs Gordons	2/2	1
11.30 - 12.20		St Peters vs Philip Aravure	2/2	1
Under 13*				
9.00 - 10.00		Ela Beach vs St Joseph's	6	1
10.00 - 11.00		Korobosea vs Pom Int'l	6	1
11.00 - 12.00		Philip Aravure vs Sacred Heart	6	1
12.00 - 1.00		Gordons vs St Peters	6	1
Under 14				
9.00 - 10.00		Pom Int'l vs Korobosea	7	1
10.00 - 11.00		W.S. Demo vs St Peters	7	1
11.00 - 12.00		Philip Aravure vs Holy Rosary	7	1
12.00 - 1.00		W.S. Demo vs Vacant	7	1
Under 15				
9.00 - 10.00		Don Bosco vs Sacred Heart	1	1
10.00 - 11.00		Hohola Youth vs De La Salle	1	1
11.00 - 12.00		Coronation vs Holy Rosary	1	1
12.00 - 1.00		St Therese vs Vacant	1	1
Under 16 A				
9.00 10.00		Don Bosco vs Pom Int'l	I/S	1
10.00 11.00		Sacred Heart vs De La Salle	I/S	1
11.00 12.00		Maino Heduru vs St Therese	I/S	1
Under 16 B				
12.00 - 1.00		Hohola Youth vs Coronation	I/S	1
1.00 - 2.00		St Peters vs De La Salle	6	1
1.00 - 2.00		Maino Heduru vs Vacant	7	1
Under 17				
1.00 - 2.00		Don Bosco vs B.V. Center	1	1
1.00 - 2.00		Hohola Youth vs De La Salle	2	1
2.00 - 3.00		Maino Heduru vs Coronation	1	1
2.00 - 3.00		Pom Int'l vs Vacant	2	1

* Denotes knock out final and first league game counts for Wk 1 (2) both.

Vacant position = bye until next week when it may be filled.

WANTOK SPOT



PNGFA Kalenda taitim ol sempionsip

.....Tupela salens tasol 1998

YAKAM KELO I raitim

PAPUA Niugini Futbol Asosiesen (PNGFA) bai lusim bikpela mani tru long 1998 sapos em i laik salim soka tim bilong ol sinia meri na anda 19 meri i go long Nu Silan long pilaim Osenia taitel na Wol Kap pri kwalifaia.

Long 1998, bai sinia tim bilong ol meri bai i go kik long Nu Silan long pri kwalifai Wol Kap soka resis. Tasol long dispela yia tu, bai PNGFA i mas salim wanpela soka tim bilong anda 19 man na meri tu i go kik long Nu Silan long Osenia Kap taitel.

Presiden bilong PNGFA, Peter Mommers i tok em i skelim dispela i bikpela hevi bikos em bai kos bikpela mani tru long PNGFA i tromoi long wanpela yia.

Tasol dispela bai i no inap daunim sans bilong PNG soka tim bilong ol sinia meri na anda 19 man na meri long dispela intanesenel soka resis.

Mommers i tok long dispela yia insait long bikpela kibung bilong ol Osenia Futbol Konfederesen (OFC), bai em i mekim strongpela toktok long traime winim sapot bilong ol wan-solwara soka bodi long bringim anda 19 Osenia Kap i kam long PNG.

Mommers i tok dispela bai bikpela tingting na toktok bilong em long mekim na dispela inap helpim PNG long salim sinia tim bilong ol meri i go long Nu Silan long 1998 long kik resis bilong ol.

Olsem na long mun Novemba, bai PNGFA i askim Vanimo, Sandaun provins long wanbel na lukautim Nesenel Anda 19 soka sempionsip bilong ol man na meri long hap. Dispela em tingting PNGFA i laik strongim long kalenda bilong em dispela yia long holim dispela sempionsip long Vanimo taun.

Em i tok toksave i go pinis long Vanimo long skelim na givim bekim bilong em long dispela askim bilong PNGFA. Tasol Vanimo i no givim wanpela bekim i kam yet long dispela.

Insait long dispela sempionsip bilong anda 19, bai ol i makim skwat bilong ol man na ol meri.

Dispela yia tu bai i gat Nesenel Klap sempionsip long Madang taun long Independens wiken. Dispela Nesenel Klap sempionsip em bikpela soka resis bilong ol sempion klap bilong ol manmeri insait long wanwan asosiesen long PNG. Dispela pilai bai kamap long Independens wiken stret.

Long dispela yia, PNGFA i stapim pinis bikpela nesenel soka resis bilong PNGFA Kap.

Dispela em resis bilong olgeta senta we ol i save makim ol ol pilai bilong ol na wokim skwat na go kik. Dispela PNGFA Kap sempionsip em PNGFA i stapim bikos long PNGFA i nogat gutpela taim o spes long holim kamap dispela pilai. Bikos long mun Jun, bai PNG soka tim bilong ol man i go long Nu Silan long kik insait long Wol Kap kwalifai resis bilong ol. Na tu em bai redi gen long salens long holim taitel bilong em long Melanesian Kap we em i bin winim long las yia.

Ol dispela samting i mekim na PNGFA i nogat taim na spes long holim kamap PNGFA Kap sempionsip.

Mommers i tok bai ol i lukluk long mekim kamap dispela resis gen long 1998 long neks yia.

PNG soka tim bilong ol man bai bung long Mosbi long mun Epril long stap insait long trening kem bilong ol. Bai tripela trening kem wantaim i stap long Mosbi inap mun Jun we PNG tim i ken go daun long Nu Silan long kik egen-sim Nu Silan long Wol Kap Kwalifaia salens.

PNGFA presiden i tok tu olsem bai i no gat eksekutiv miting bilong PNGFA inap mun Epril. Dispela i min olsem ol kain askim na toktok bilong Goroka Soka Asosiesen (GSA) long PNGFA i daunim em (GSA) i go daun olsem B senta bilong soka long kantri i no inap kamap yet inap mun Epril.

INSAIT LONG SPOT

•Pes27.....
Ol spot dro

•Pes26.....
PMSA pri
sisen ripot

•Pes25.....
Ol spot poto

• 8-pes
RAGBI
LIG
NIUS.



• Maski holim jesi: Pri sisen ragbi resis i stat pinis long Mosbi na olgeta tim i putim kamap bikpela salens long las wiken. Kas ya i pinisim takel pinis tasol em i srukim takel i go yet long pulim jesi bilong turangu narapela ya. Poto IVAN BAYAGAU



INSAIT

• Ol manki kange i gat sans long Vipers tim.

P2

• Pri sisen lig stat long Kiunga.

P3

• Sidni lig nius.

P4/5

• Ragbi lig poto.

P6

• Ragbi lig dro.

p7



• Wapela pilaia bilong Post Puma i hangamap long han bilong tupela pilaia bilong Tigers long PRL pri sisen gem long las wiken. Poto: Ivan Bayagau.

Salens bilong redim Vipers tim

WATSON GABANA i raitim

OL MANKI Westen Hailans i sapim tamiok bilong ol i stap long katim het bilong snek nogut bilong Pot Mosbi Vipers long dispela Sande. Dispela em bai wapela bikpela pilai we ol bikman bilong Vipers bai luk luk long ol man husat bai pilai wantaim Brisbane East insait long Chanel 9 Kap, long Mas 30.

Operesen menesa, Ivan Ravu i bin tok olsem, Vipers i gat sotpela taim tasol long redim ol yet long dispela pilai wantaim East bilong Brisbane insait long Chanel 9 salens. Em i tok, dispela pilai wantaim Westen Hailans na Goroka

Nokondi bai redim ol manki Vipers long pilai wantaim East bilong Brisbane.

"Mipela i no redi gut. Tasol mipela luk luk tasol long dispela gem," Mista Ravu i bin tok. "Long ol gem mipela i bin pilai bipo, mipela i gat gutpela rekot long win long asples, olsem na mipela bai traim long menteinim dispela," em i tok.

Ol pilaia bilong Westen Hailans bai flai i go long Pot Mosbi long Fraide tumoro. Taim Wantok laik long toktok wantaim vais presiden bilong Westen Hailans, Mista Pius Warima, em i bin tok olsem; em bisi tru na i no inap toktok. Em i bin tokim Wantok olsem em bai stori long mipela bihain, taim em pinis ong stretim tiket

bilong olgeta pilaia bilong em. Tasol em i no bin mekim. Olsem na nau yet, Wantok i no save yet long lain-up bilong ol Westen Hailans tim.

Tasol bipo long Wantok i go long print, em i bin save olsem, ol Westen Hailans sait i redi tasol long pilai wantaim ol Vipers long dispela Sande. Wantok i bin harim sampela tok win olsem, ol manki kange bai traim long bagarapim sindaun bilong ol Vipers na tu lukluk long putim sampela pilaia bilong ol i go insait long Vipers tim.

Narapela pilai; bipo long Vipers i pilai wantaim ol East, bai wantaim ol Nokondi bilong Goroka. Mista Ravu i tokim Wantok olsem, ol manki

Nokondi i redi tasol na tokaut pinis olsem ol bai go daun long Pot Mosbi neks wik Sande. Em i bin tok tu olsem, wapela pilaia bilong Nokondi i kam pinis long Mosbi na nau pilai wantaim Brothers klap i stap. Operesen menesa i bin tok tu olsem, Paul Gera bai pilai senta bilong Nokondi long dispela gem neks wik. Wantok i bin traim long kism ting ting bilong presiden, tasol em i no bin i stap.

"Nau yet, mipela i no save long pilai bilong ol manki Westen Hailans na Nokondi. Olsem na mipela bai kism ol olsem sampela bikpela gem mipela i save pilai bipo," Mista Ravu i bin tok.



Pri
sisen
long
LRL stat
pinis

**LAE
RAGBI LIG**

LAE RAGBI Lig i bin statim pinis pri sisen gem bilong en long wiken aninit long nem "Spear".

"Wiken pilai i bin orait tasol," namb tu presiden bilong LRL, Mista Gavin Ross i bin tok. "Olgeta klap i bin kamap long taim na mipela i bin kik ov. Tasol namba wan pilai bilong pri sisen namel long Tarangau na Morobe Tigers tasol i no bin orait liklik," Mista Ross i bin tok.

Em i bin tok olsem, planti pilaia bilong Tigers i no bin kam long taim stret olsem na Tarangau i bin fofitim ol. Tasol long arapela pilai, em i tok i bin ran gut. Long fes pri sisen gems bilong Lae Ragbi Lig long dispela yia, Magani i bin winim Royals 25-14, Defence nekim Brothers 20-12 na Panthers i bin ranawe long maus bilong Spiders 22-20. Mista Ross i bin tok olsem long dispela wiken, Defence bai pilai wantaim Morobe Tigers long 11 klok, Brothers bai brukim bun wantaim Tarangau long 12:30, Spiders bai bungim het wantaim Magani long 2 klok na main gem bai i stap namel long ol polis manki bilong Bumbu (Royals) wantaim ol Panters long 3:30pm.

Wantok long las wik i bin ripot olsem Lae Ragbi Lig i nogat sponsa long propa sisen. Tasol nau mipela i luk save olsem, SP i bin i stap olsem mein spona bilong LRL. Long dispela sisen, SP bai i stap olsem mein sponsa long narapela taim gen. Mista Gavin i bin tok olsem SP bai stap olsem namba wan sponsa bilong Lae Ragbi Lig long dispela yia.

Long tim bilong Bombers long dispela yia; Mista Gavin i bin tok olsem ol kisim nem bilong sampela pilaia pinis tasol ol menesmen bilong Bombers i no mekim fainel seleksen yet. Em tok bihain ol stretim olgeta nem bai putim long niuspepa.

Ol manki kange i gat sans long Vipers tim

MOSBI LIG

WATSON GABANA i raitim

BIHAIN long wanpela strongpela pilai namel long Vipers wan na Vipers tu long Sande, ol selekta i makim pinis 25-pela man bilong kisim pes bilong Pot Mosbi Vipers long pilai wantaim Western Hailens long dispela Sande. Ol bai daunim namba i kam daun long 17-pela pilaia behain.

Man husat i go pas long seleksen, Ivan Ravu i bin tok olsem, dispela ol pilaia i bin

trening bipo i stap, tasol nau ol i makim bilong ol manmeri na sapota bilong Vipers i ken luksave long husat pilaia bai pilai. Em i bin tok olsem dispela traime pilai i bin kamap gut tru na ol Vipers 2 i bin winim Vipers 124-20.

Ravu i bin tok olsem bai ol putim sampela spes i stap insait long Vipers tim long ol manki Kange, husat pilai gut tru bai i go insait. Ol i bin askim Ravu, sapos sampela pilaia bilong Western Hailens i ken pilai insait long Vipers na Ravu i bin tok: "Yes, mipela bai putim sampela spes i stap nating long ol pilaia bilong

Western Hailens i ken pilai long en." Ol 25-pela man husat ol selekta i bin makim em: Alex Krewanty, August Darius, Lipiring Palangat, Brain Oreki, Ipa Mava, Acquila Emil, Ravu Tala, Joe Gatana, Norris Selu, Pipi Gari, Oscar Oksap, Raphael Mua, Joshua Kouoru, George Kele, Francis Poka, Eric Kouoru, Philip Welia, Raymond Ama, Leonard Tarum, Gerega Gairo, James Yali, John Omaro, Lohia Ben-Moide, Kera Ngaffin na Gure Gau.

Vipers bai pilaim namba wan gem bilong ol wantaim Brisbane Easts long Mas 30

hia long Pot Mosbi. Tasol pas-taim long dispela, bai ol Vipers i pilai wantaim Nokondi bilong Isten Hailens long Mas 23.

Long pri sisen gem bilong PRL long wiken, tupela tim i no bin soim pes long pilai. West na Paga i no bin kamap, olsem na ol Dobo Warriors na Brothers i kisim isi poin. Long arapela pilai, Waliya, wanpela nupela tim i nekim Royals 26-10 long namba tu win bilong em long dispela pri sisen gem. Gerehu Raiders i lus ken long Souths 12-10 na Hawks i wiliwili Magani 24-22 na Kone Tigers winim Post Puma 16-14.



*Yu laik
go we...*

• Wanpela pilaia bilong Post Puma i stopim wanpela pilaia bilong Tigers, tasol planti Tigers pilaia i kam long sapatim em. Poto: Ivan Bayagau.



• Wanpela pilaia bilong Tigers i pas long han bilong ol pilaia bilong ol Post Puma.

Tupela klap tasol laik pilai Ragbi lig long Kimbe

KIMBE RAGBI LIG

WATSON GABANA
i raitim

KIMBE Ragbi Lig (KRL) i baim K1250 rejistresen fi bilong en i go pinis long Papua Niugini Ragbi Futbol Lig Asosesen tasol dispela mani bai lus nating sapos, ol wan wan klap long Kimbe i no baim afiliasen na pilaia rejistrasen fi bilong ol hariap, na statim sisen long dispela yia.

Presiden bilong KRL, Egon Vava i tokim Wantok Nius olsem, em i bin singautim miting planti taim tasol, ol klap i no bin kamap. Dispela pasin i mekim na presiden i tok olsem, sapos ol klap i no soim laik, bai em stapim dispela sisen. Em tok olsem tupela klap tasol i baim pinis afiliasen fi bilong tupela. Tasol em tok olsem, em i no inap larim dispela tupela tim tasol long pilai long dispela sisen. Olsem na em bai traim long stapim ragbi lig bilong Kimbe long dispela sisen sapos ol arapela klap i no soim interes.

"Mi singautim planti miting, tasol nogat wanpela klap i bin kamap. Dispela pasin i mekim na mi ting olsem, ating planti klap i no laik pilai ragbi long hia," Mista Vava i bin tok. "Na tu, i nogat wanpela man i laik i go pas long wok bilong lig long hia," em i tok.

Nau yet, Mista Vava i tok olsem, KRL i no amamas long pasin Rabaul Guria i wok long mekim. Em tok, ol i no amamas long lukim Rabaul Guria i baim ol pilaia bilong hailens i go pilai wantaim ol.

"Mipela ol lain long Kimbe na ating Kavieng i wok long ting olsem, Rabaul Guria em tim bilong mipela ol ailen rijen. Tasol nogat, em wok long kamap tim bilong ol hailens nau, " Mista Vava i bin tok. "Olsem na planti gutpela manki bilong mipela i no laik westim nating taim bilong ol long pilai ragbi, sapos Rabaul Guria i baim ol hailens pilaia," em i bin tok.

Wantok i bin traim planti taim long kisim ting ting bilong ol bos bilong Rabaul Guria, tasol, wanpela man i no bin i stap long tok tok.

Pri sisen lig stat long Kiunga

...Flek Futbol

KIUNGA Studen Ragbi Lig (KSRL), i kik-ov wantaim pri sisen pilai bilong ol las wiken. Ol i bin stat wantaim flek futbol.

Dispela pri sisen flek futbol gem bai stap inap tripela wik. Bihain long skul holide, bai ol kik ov wantaim propa sisen bilong ol. Dispela propa sisen bai i no moa flek futbol tasol bai ragbi lig gem tru.

Flek futbol em wanpela pilai we yu no inap tasim bodi bilong oponen wantok bilong yu. Ol i save putim hap lap lap i go insait long spot wea baksait bilong ol. Taim ol oponen i rausim dispela hap lap lap, dispela i min olsem ol i takolim yu. Man husat rausim hap lap lap hagamap long baksait bilong arapela pilaia i mas lusim pundaun long ples we em i bin rausim. Long dispela hap tasol, bai yu mas pilaim bal.

KSRL i bin yusim dispela gem klostu 11 yia nau long olgeta pri sisen gem bilong ol. Long olgeta pri sisen gem hia long Kiunga, ol i bin yusim flek fut-

bal tasol. Flek futbol em gutpela na ol sampela kosa i ken yusim long taim bilong bikipela trening kem.

Long Sarere, namba wan pilai i bin stap namel long Mount Fabilan Diggers na Lahara Bulldogs. Ol Diggers i bin bagarapim tru sindaun bilong ol manki Lahara 30-10. Ol manki Bulldogs em fes taim bilong ol. Planti pilaia i bin kamap long Kiunga Hai Skul namba wan taim, olsem na ol i bin longlong liklik long pilai na Diggers i nekim ol nogut tru. Tasol ol mangi Diggers i bin pilai wantaim long komyuniti skul na ol save long ol yet gut tru. Olsem na ol bin pilai gut tru. Ol i gat sampela gutpela pilaia olsem; pilaia-kosa, Roy Martin.

Fulbek bilong Diggers, Gobi i bin putim tupela trai na rait winga, Abel Moses i bin wanpela trai. Olgeta pilaia i bin pilai gut tru na mekim tim bilong ol i kam aut namba wan long dispela apinum. Long narapela gem gen long Sarere, Huala Raiders i bin sotim win bilong Fly River Sharks 20-4. Kwife Creek Dragoons i bin winim Monai Jets 14-12.

40-pela manki Kiunga kamap priminari kosa

IAN KAKARERE
i raitim

TUPELA biknem kosa bilong ragbi insait long kantri i bin pinisim wanpela kosing klinik long Kiunaga las wik.

Kosa bilong PNG Kumuls, Mista Joe Tokam na 9's Kumul kosa, Gabriel Kiluwa i go pas long dispela kosing klinik. Long dispela sotpela taim, tupela bikman bilong ragbi long PNG i bin i stap wantaim ol man long Kiunga, tupela i bin lainim 38-pela yangpela manki na tupela olupela opisel bilong Kiunga ragbi lig long kisim primuminari level kosing.

Dispela 40-pela man ya nau i gat sertifiket bilong kosim ragbi ani we long PNG. Mista Tokam na Mista Kiluwa i bin lainim ol dispela nupela kosa long kain kain samting. Ol i lainim samting insait long klas rum na bihain ol i go long pilai graun na praktisim.

William Beng i bin tok: "Bihain long dispela klinik, mipela i bin lainim planti samting. Tupela i bin lainim olgeta bilong mipela hau long pilai gut insait long fil na tu soim mipela sampela nupela lo insait long ragbi lig."

Mista Beng i bin tok tu olsem long save ol i bin kisim long dispela klinik, bai ol traim lainim arapela ragbi pilaia long kamap gutpela man bilong pilai. Na tu long helpim na developim ragbi insait long wan wan komyuniti bilong ol long Kiunga.

Kiunga Haiskul tu i bin helpim long givim tupela klasrum long ranim dispela kosing klinik na tu haus bilong tupela kosa long slip long en.



STORI BILONG PILAIA

BRETT HETHERINGTON Canberra

Posisen: Seken Lowa.

D.O.B: 9 Febuari 1972

Hevi: 101 kilogram

Longpela: 188cm

Wanem wok yu save mekim?

Pilai ragbi long kisim mani.

Niknem bilong yu: Hethro... mi no save watpo ol i save kolim mi olsem.

Olpela pilaia yu save laikim

tumas: Ray Price na Peter Stering.

Husat i bin influensim yu long pilai ragbi? Tim Sheens na papa bilong mi.

Wanem sampela samting yu ken tingim yet, taim yu bin makim Australia long dispela Wol 9's? Ol bin makim mi long putim Kangaroo jampa em bikpela samting. Na tu, mi no inap lusim tingting long dispela taim, bikos mi bin pilai wantaim sampela wol ragbi pilaia.

Wanem samting yu bin lainim taim yu bin pilai wantaim Ricky Stuart, Laurie Daley na Bradley Clyde? Hau long ekt profesinel insait na autsait long fil.

Yu save tok olsem yu man bilong pilai gof. Hamas taim yu save pilai? I no planti taim, bikos mi no laik kamap gutpela long en.

Wanem samting yu no gutpela long en? Klap bilong mi.

Wanem gof fil yu laik tru long pilai long en? Ani fil mi ken winim David Furner long en.

Wanem samting yu save laikim na i no save laikim long Canberra? Gutpela samting em; Canberra i olsem wanpela bikpela kantri sait taun. Tasol mi no save amamas long taim bilong ais (winter).

Yu save mekim wanem, taim yu no pilai? Mi save stap wantaim meri na pikinini bilong mi long haus.

Wanen bilip bilong yu? Bipo mi pilai, mi mas kaikai sampela drai kaikai.

Yu save tingting long stretim wanem hap long gem bilong yu? Mi mas stretim sapot pilai bilong mi.

Tisa bilong yu bin tok wanem long skul ripot bilong yu? Yu mas opim ia na harim gut tok tok.

Feveret TV so: Dad's Army and Seinfeld.

Feveret muvi: The Great Escape.

Feveret kaikai: Steak na sips.


Feveret hap long go holid: Ani ples hot na i gat nambis.

Man long wol yu laikim tru long bungim: Ekta Eddie Murphy... bikos mi save laikim ol muvi bilong em.

Wanem longlong samting tru yu bin mekim na yu no inap lus tingting long en? Mi no inap lus ting ting long wanpela nait, mi bin kaikai kru na bret.

Sapos yu gat las K10 long poket, bai yu mekim wanem long dispela moni? Mi bai baim sampela kaikai, na sapos mi kisim sampela sens bai mi baim loto.

Spirit bilong Maroons i stap yet long liklik lain



TAIM BILONG PATI O TAIM BILONG HANGERE... YU TOK!

KWINSLEN-pulap long wanpela de... tasol emti long narapela de. Dispela i no krai bilong Kwinslen olgeta, nogat. Dispela em sori krai bilong selekta bilong Maroons. Narapela taim ken long dispela sisen, ol selekta bilong Maroons i painim aut olsem, ol i mas go bek long 1995 lis bilong ol gen na makim husat bai kisim pes bilong Kwinslen long 1997 Stat ov Origin pilai wantaim ol manki New South Wales.

Sapos yumi lusim tingting long ol Supa Lig pilaia, bai yumi gat Brett Dallas, Mark Coyne, Dale Shearer, Tony Hearn, Gary Larson na Billy Moore tasol i stap. Dispela ol manki wantaim, Jason Smith, Wayne Bartrim na Andrian Lam bai mekim namba wan tim bilong Maroons. Tasol tingim; Dallas na Lam i stap long bikpela bagarap, olsem na husat bai kisim ples bilong ol.

Kwinslen i gat stori long bungim ol hap hap pilaia na brukim rekot long winim Blues. Husat bai lus ting ting long '95 Stat ov Origin. Long dispela taim, Maroons i bin rausim trausis bilong Blues wantaim ol lef-ova bilong Supa Lig. Olsem na long dispela sisen, ol kosa na bikman bilong Maroons i no pret long hamas man ol i gat. Long 1995, Adrian Lam i bin kamap olsem supa man. Maski ol i bin i gat yangpela pilaia long dispela taim, ol i bin dastim Blues 3-0. Olsem Allan Langer long 1987, Adrian Lam i bin sut i kam antap long tembol bilong Maroons. Tasol nau, Maroons bai lukluk tasol sapos Lam i orait ken. Nau yet em i stap wantaim bikpela bagarap long bodi.

Lam i ting ting long kam bek tupela wik bipo long Stat ov Origin na kisim bek No. 7 jesi bilong em. Tasol sapos nogat, bai Dale

Shearer i kisim dispela namba. Shearer i bin putim olgeta unifom stat long No.1 i go inap long No. 6. Nau sapos, Lam i no orait kwik, Shearer bai kisim dispela namba.

"Wanpela samting long win bilong mipela long 1995, bikos em fes taim bilong planti bilong mipela," Lam i bin tok.

"Las yia, mipela i bin i gat sampela pilaia olsem, Alfie Langer na Steve Walters. Olsem na i bin narakain lik lik. Long '95, mipela i bin pilai wantaim wanpela ting ting tasol. Olgeta manmeri i bin save olsem mipela bai lus olsem na mipela i bin pret long lus. Long dispela as mipela i bin win tripela gem wantaim," Adrian Lam i tok.

Em i tru olgeta, long wanem samting ol i bin kisim long dispela taim, dispela yia bai wankain tasol. Ol ol i pilai olsem ol undadoks. Yumi hariap tasol ges long sampela pilaia bilong dispela sisen.


Ges tim bilong Maroons:

Beks: Robbie O'Davis, Danny Moore, Brett Dallas, Adrian Brunner, Mark Coyne, Ben Ikin, Matt Sing, Dale Shearer, Adrian Lam.

Foweds: Tony Hearn, Wayne Bartrim, Darren Fritz, Martin Bella, Garry Larson, Jason Smith, Billy Moore. Yutiliti: Craig Teevan.

Dispela em 17-pela manki husat bai pilai. Husat moa bai ol kosa i painim.


Wanpela bikpela samting tasol long helpim win bilong Maroons long dispela sisen em: wok bung wantaim bilong olgeta man/meri long Kwinslen olgeta. Long dispela sisen; olgeta pilaia i gat wanpela ting ting tasol; long kisim bek glori bilong '95 i kam gen long 1997.



CLOCKWISE FROM RIGHT: Adrian Lam — injury worries; Paul Vautin and Mark Coyne — all smiles in 1995; Billy Moore and Tony Hearn — key men up front; Wally Lewis — embodied the Maroon spirit.



**POT MOSBI
RAGBI LIG
EKSEN POTO**



PORT MORESBY RUGBY FOOTBALL LEAGUE

Lloyd Robson Oval Pre-Season Draws

10:15	A	Gerehu	vs	Tarangau
12:00	A	Dobo	vs	Kone Tigers
1:45	A	West	vs	Souths
3:30	A	Paga	vs	Waliya

Sunday March 16, 1997.

10:15	A	Brothers	vs	Magani
12:00	A	Hawks	vs	Royals
1:45	A	Defence	vs	Post Pumas
3:30	A	Vipers	vs	Western Highlands

COCA COLA VIPERS TRAINING SQUAD MARCH 10, 1997.

Team Members

Alex Krewanty
August Darius
Lipirin Palangat
Brian Oreki
Ipi Mana
Aquila Emil
Ravu Tala
Joe Gatana
Norris Selu
Pipi Gari
Oscar Oksap
Raphael Mua
Joshua Kouoru
George Kele
Francis Poka
Eric Kouoru
Philip Welia
Raymond Ama
Loenard Tarum
Gerega Gairo
James Yali
John Omaro
Lohia Ben-Moide
Kera Ngaffin
Gure Gau

Coach: Adrain Genolagani

Trainer: Jimmy Peter

Manager: Peter Barnaga

Doctor: Michael Mai

AUSTRALIAN RUGBY LEAGUE (ARL)

Paramatta	10	bt	North Sydney	8
Gold Coast	24	bt	Western Suburb	16
Manly	14	bt	Balmain	10
Newcastle	11	bt	St George	6
Sydney City	34	bt	South Queensland	10

SUPER LEAGUE

Perth Reds	22	bt	North Queensland Cowboys	20
Auckland Warriors	18	bt	Hunter Mariners	14
Brisbane Broncos	23	bt	Adelaide Rams	12
Penrith Panthers	33	bt	Canberra Raiders	20
Cronulla Sharks	13	bt	Canterbury Bulldogs	12

PORT MORESBY RUGBY LEAGUE

Souths	12	bt	Gerehu United	10
Waliya	26	bt	Royals	20
Hawks	24	bt	Magani	22
Kone Tigers	16	bt	Port Puma	
Dobo Warriors	20	bt	Paga Penthers	0 (forfiet)
Brothers	20	bt	West	0 (forfiet)
Defence	24	bt	Tarangau	14
Vipers two	24	bt	Vipers one	20

RESULT... LAE RAGBI LIG

Tarangau	fofitim	Morobe Tigers.	
Magani	25	def	Royals 14
Defence	20	def	Brothers 12
Panthers	22	def	Spiders 20

DRAWS FOR THE WEEKEND'S GAME (Sarere Mas 15)

Defence	vs	Tigers	11am
Brothers	vs	Tarangau	12:30pm
Spiders	vs	Magani	2pm
Royals	vs	Panthers	3:30pm

GORDONS TOUCH COMPETITION DRAWS

Round 2 Week 20 Saturday March 15, 1997.

9.00	C	Heelers	vs	Bears
10.00	C	Bulldogs	vs	Tigers
11.00	B	Sharks	vs	Eels
12.00	B	Eagles	vs	Steelers
1.00	B	Heelers	vs	Bears
2.00	A	Sharks	vs	Eels
3.00	A	Eagles	vs	Steelers
		Raiders	Bye	

Sunday March 16, 1997.

10.00	C	Eagles	vs	Steelers
11.00	B	Bulldogs	vs	Tigers
12.00	B	Magpies	vs	Warriors
2.00	A	Heelers	vs	Bears
3.00	A	Bulldogs	vs	Tigers
4.00	A	Magpies	vs	Warriors
		Raiders	Bye	

NB: Bla Raiders to officiate the matches/games this weekend.



• David Ori bilong Blue Heelers i traim long brukim wanpela pilaia bilong Puma Magpas.



Cronulla i bagarapim sindaun bilong Bulldogs



• Kepten bilong Canterbury Simon Gillies i bin pilai strong stret long Mande gem.

... Lukaut long ol Sharks long Supa lig resis

CRONULLA Sharks i bin mekim Canterbury Bulldogs i luk sori long asples bilong ol long Mande nait taim Sharks i winim Bulldogs wantaim wan poin tasol long Belmore Stadium.

Wanpela fil-gol bilong Mitch Healey long ai bilong 14,600 manmeri long 11 minits bipo long ful taim i givim ol manki Cronulla grin lait long stap namba wan long Supa Lig tabel.

"Dispela i no nupela. Mipela i save pilai olsem planti taim wantaim Bulldogs bipo," Johnny Lang i bin tok. "Gem i bin tait tru. Tasol ol manki bilong mi i bin redi long dispela kain pilai wantaim Canterbury long taim yet. Olsem na taim mipela i stat pilai, mipela i bin bungim planti strongpela takel na salens long ol," kosa bilong Sharks i bin tok.

Dispela gem i bin pulap tru long attek. Tupela sait wantaim i bin i gat gutpela attek pilai. Tasol taim Bulldogs i laik brukim banis bilong Sharks na skoa, Sharks i bin brukim rot bilong ol gut tru. Sharks i no bin stat gut. Foapela minits tasol long fes hap na Solomon Haumono i karim faivpela pilai bilong Sharks na ran 35 mita long putim fes trai bilong dispela nait.

Dispela trai bilong Haumono na kik bilong Daryl Halligan i oraitim Bulldogs long go pas

wantaim 6 poin faivpela minits tasol long kik ov.

Tasol dispela i no bin stapim ol manki Cronulla. Stail manki bilong Sharks, winga Matt Rogers i bin stilim bal long han bilong wanpela pilai bilong Bulldogs na salim lapun bilong tim, Les Davidson long pundaun atap long trai lain. Bihain long 20 minit. Matt em wanpela save man tru bilong pilai ragbi. Em i bin yusim wanpela nupela lo bilong supa lig we yu ken stilim bal taim yu takelim narapela man yu yet. Sapos yutupela tasol, em i orait long yu stilim bal long han bilong em. Matt i bin yusim dispela lo na mekim ol manki Sharks i kam bek wantaim stail pilai bilong ol klostu long pinis bilong fes hap.

Tupela minits tasol long hap taim, Danny Lee i pundaun antap long trai lain long mekim ol Cronulla Sharks i go pas wantaim 2 poin, (12-10). Taim ol i kam bek long malolo, faivpela minits tasol na Halligan i butim wanpela penalti gol long mekim tupela tim wantaim i lok 12-12. Bihain long dispela, ol i traim kain kain rot tasol, tupela tim wantaim i strong bin tru.

"Em bin wanpela gem we taim yu kam bek long hap taim, yu sot win nogut tru," kepten bilong Bulldogs, Simon Gillies i bin tok. "Tasol mipela i bin traim tripela taim long kikim wanpela fi-gol tasol mipela i no bin mekim," em i tok.

"Mi bin pilai hia long olgeta sisen klostu 15 yia nau, tasol i nogat bikpela sanis yet," kepten bilong Sharks, Andrew Ethingshausen i bin tok. "Olgeta taim, Sharks i save pilai wantaim Bulldogs, gem i save tait tru," kepten ET i tok.

Win nau i muvim Cronulla i go long fes ples long Supa Lig tebel wantaim Penrith Panthers na Brisbane Broncos. Dispela i bihainim las wik taim ol i bin rausim tewel bilong Canberra Raiders 26-4. Bulldogs i drop i go bek long namba 5 ples.



CAMBRIDGE




The VOTER

Making a Mark for Papua New Guinea

JANUARY - FEBRUARY EDITION

97

Election PNG



I'M AN EXECUTIVE!
I'VE NO TIME TO
VOTE SO CAN'T BE
BOTHERED WITH
ENROLING!

I'M A
BUSINESSMAN
TOO AND I
FEEL THE SAME
WAY TOO!

"I OWN
THIS FIRM
OF LAWYERS
I'M TOO RICH
TO VOTE!

I'M TOO
SOPHISTICATED
TO VOTE!!

I'M TOO BUSY
DANNING FOR GOLD
TO BE BOTHERED
ABOUT VOTING!

LAU BE HANVA
TAI NA,
DAHAKA
TOTONA
LAU
VOT!

..MI
BISNIS MERI
MI LES LONG
VOT!

...A LOT OF OUR
PEOPLE DON'T
VOTE FOR VARIOUS
REASONS, BUT
THESE VERY
PEOPLE ARE
THE FIRST TO
COMPLAIN WHEN
SOMETHING
GOES
WRONG!!

HAVE A SAY!

ENROL NA VOT!

Election 97
PNG



ABOVE: Justice Minister Mr Marsipal presenting the Southern Region Election 97 refresher training certificate to Mrs Rose Koyama, the only female at the workshop.

Beware, election Officials told

Nation to be critical, not supportive: Minister

THE nation will not appreciate the success of Election 97, Justice Minister Mr Marsipal has warned election officials.

"When you do a good job, it is not appreciated," he said. "People only remember the mistakes and the problems."

Mr Marsipal was speaking in Port Moresby while presenting certificates to Southern Region election officials who had completed a one-week refresher training program to get ready for Election 97.

He was asked to officially close the Southern Region workshop because he was the Minister responsible for the Electoral Commission until a year ago.

He was appointed Justice Minister while Electoral Commissioner Mr Kaiulo was in Bangladesh as part of a Commonwealth team of election bosses observing the first free election there.

Speaking at the presentation dinner for the Southern Region election officials at the Gateway Hotel Saturday January 25, Mr Kaiulo said Mr Marsipal was responsible for the proposed election laws now before the last term of the current Parliament.

Mr Kaiulo said countries in Africa, Asia and South America had become victims of dictatorships because due process had failed and the people had lost faith in elections. "We must prove that we can do it," he said.

He paid tribute to all Government departments which had released their staff to help in Election 97 as officials. For his part, Mr Marsipal said he had total faith the Electoral Commission would do its best to ensure Election 97 was honest.

Mr Marsipal said he was proud the whole Election 97 team was Papua New Guinean - with no expatriate consultants. "A few years ago, foreigners were organising our elections. Now there is not one single foreigner on the team. That's localisation - not localisation for the sake of localisation but localisation on merit."

All senior staff at the Electoral Commission had worked their way up to the top jobs from junior positions where they started.

A rose grows for elections

ROSE is a rose is a ROSE . . .

So the saying goes. And Mrs Rose Koyama, pictured above with Justice Minister Mr Marsipal, is the rose of the Electoral Commission.


The reason is simple enough. She has refused an attractive career opportunity to stay with the Electoral Commission.

A 1995 sociology graduate of the University of Papua New Guinea, Rose had been offered a New Zealand scholarship to do her Masters degree so she could teach at university.


Electoral Commissioner Mr Kaiulo is humbled by her refusal to leave her junior job as project officer with the Commission.

Originally from Kalo in Central Province, Rose and her East Sepik husband Arnold have one child, Michelle, aged three.

The two grew up in Madang and met at university where Arnold is now a part-time tutor.



ABOVE: Gulf election officials at the workshop. They are from left to right: Kikori Open Returning Officer Mr. Tulao Putu, Provincial Returning Officer Tore Poevare and Kerema Open Returning Officer Jim Ufaio.



Praying for good leaders

THE time has come for every man, woman and child to acknowledge that we are 100 per cent responsible for the state of the nation. We can no longer blame anybody else for what has happened. While our leaders have made bad decisions, we are just as guilty for not upholding them in prayer . . .

Operation Brukim Skru, A Call to Prayer For The 1997 Election

Whatever non-believers say, scientists all over the world are finding that prayer is not a religious form without power.

A 10-month American study found that prayed-for heart patients were five times less likely to need antibiotics, did not need breathing tubes and fewer died.

This initiative is the first time ever the Churches in Papua New Guinea have campaigned publicly for voters to elect good leaders to form good Government.

Elsewhere in the world, the Churches have been active agents of political change where the poor majority or the silent majority have suffered because of bad government.

Until now, politicians had always argued that religion and politics must be kept apart.

There are 1.3 million Catholics in Papua New Guinea including many eligible voters.

The next part of the Catholic campaign is to put up billboards across the nation advising voters to elect good leaders to form good Government.

Corporate sponsors are backing both the Catholic campaign and the ecumenical Operation Brukim Skru.

Of course, the outcome of this concerted campaign by the Churches will only be known when the votes are declared in June.

A total 500,000 Christians across the nation including eligible voters are being mobilised under Operation Brukim Skru in 5 million hours of prayer for the election of good leaders to form good Government.

For the moment, though, a total 1.8 million Papua New Guinean Christians are doing their best to turn the tide and save Papua New Guinea.

Five hundred of them will be deployed in the Highlands region alone. More Defence Force troops will be on standby to give additional help where necessary.

Voters 'are responsible for crisis in Papua New Guinea'

When the country was hit badly in 1995 by a shortage of money and the Government had to cut back services, ask the World Bank for help and devalue the kina, everybody was blaming everybody else for the crisis.

The Government blamed previous governments for the problem, the Opposition and political commentators blamed the Government and the people were angry with all politicians.

In the midst of all this, some observers laid the blame squarely on the shoulders of the Papua New Guinean people themselves.

"We, the people, should be blaming ourselves," one observer in Rabaul said.

"Why? Because we, the people, voted for the leaders who are running the country."

"So if anything goes wrong, we should be critical of ourselves for electing the leaders responsible for the way things are."

That is why the decision people make when they vote in an election is so important.

Now the nation has to collectively make this important decision again in the 1997 national election to be held in June.

"No matter what some people say, the honest truth is that voters are the ones who decide who will govern our nation for the next five years," Electoral Commissioner Mr Reuben Kaiulo said in Port Moresby.

"The future direction of our nation is well and truly in the hands of voters."

"The individuals whom the voters elect form the Government in Parliament. That's the fact."

"How the elected leaders behave will show whether the voters made the right choice or not."

"So everything depends on how voters vote."

Mr Kaiulo repeated his call for the so-called middleclass and upper-middle-class Papua New Guineans to enrol in the Common Roll and vote.

"These so-called elite include journalists, advertising executives, lawyers, economists, engineers, pilots, senior public servants, company executives, businessmen and academics."

"They always have plenty to say about the political leadership at drinks and meetings yet most of them refuse to vote at elections."

"They have this inverted attitude that voting is pointless because they argue that everyone is corrupt and nothing will change."

"This is wrong. Every vote makes a difference and if you want change then use your vote to change things."

The clarion-call for change has been taken up by NGOs, non-government organisations, which have organised nationwide campaigns to inform voters of the need to elect good leaders with great integrity and good track records in service to the community.

Leading this movement for better government are the churches. (See story left - Praying for good leaders.)

The importance of voting in the 1997 election is underlined in the book, *Vote for the future*, written by former Defence Force intelligence officer Mr Yauka Aluambo Liria.

"By voting, you are helping to decide on the type of development and leadership for your area and the whole country," Mr. Liria says in his book.

"Your vote will affect you, your children and others in your community for at least the next five years."

"Don't treat this matter lightly. Don't think that politics is not important. Politics affects us all."

Mr. Liria, a captain, resigned from the Defence Force in 1993 to go to university.

His book will be launched in March by Electoral Commissioner Mr Kaiulo.



The Meaning of Being a Leader

WHAT qualities do you look for in an election candidate?

The question is simple and everybody knows in their heart what is right and what is wrong.

But, in elections, many forget or ignore the truth to trade their votes for favors.

In the end, generally-recognized good leaders are often not elected.

So what is a leader?

"A leader is someone who guides and gives direction and, most importantly, sets an example for others to follow," Electoral Commissioner Mr Reuben Kaiulo said.

"A leader is someone who is trusted by his or her people to guide and direct them because he or she is good."

"In fact, goodness and caring are two key points of being a good leader."

"They make up what is known in international management today as Character Ethic."

"Character Ethic teaches that there are basic principles of natural laws that are the foundation for success and effective living."

Mr Kaiulo said the same principles were used in all societies to judge a leader. These principles are:

INTEGRITY - the spirit of being honest and morally uncorrupt.

HUMILITY - the spirit of not being boastful or not being big-time.

FIDELITY - the spirit of being faithful to principles and to wife or husband, not being a womaniser or a loose woman.

TEMPERANCE - the spirit of self-restraint in behavior and alcohol drinking.

COURAGE - the spirit of not being afraid.

PATIENCE - the spirit of accepting delay and problems without complaining.

INDUSTRY - the spirit of being hard-working.

SIMPLICITY - the spirit of living without luxury and expensive things.

MODESTY - the spirit of not being a showoff.

SERVICE - the spirit of working for others.

EXCELLENCE - the spirit of promoting high quality and not accepting poor quality, second best and mediocrity.

POTENTIAL - the spirit of developing growth.

GROWTH - the spirit of releasing potential and developing talent.

FAIRNESS - the spirit of not favoring any person or group, and

HUMAN DIGNITY - the spirit of treating everyone with respect.

Mr Kaiulo said these principles were as old as the beginning of human civilisation and were part of human consciousness and conscience.

"They are fundamental truths and guidelines for human conduct and they have permanent value," he said.

"They are natural laws that all societies recognise but while the principles remain unchanged, people do."

"When these principles are ignored, things go wrong and there is trouble."

Mr Kaiulo said the principles of Character Ethic was the secret behind every family and institution that had survived and succeeded.

He said voters in Election 97 should use the principles of Character Ethic as a guide for electing leaders.

Character Ethic, Mr Kaiulo said, must not be confused with what was now known as Personality Ethic in international management.

"Personality Ethic is without substance," he said.

"It never gives the true picture because people use public relations techniques to get others to like them."

"Personality Ethic is like a television commercial."

"The commercial tells you how great a product is and you know the product is not everything the commercial says it is but you buy the product because your mind has been tricked by the advertising techniques in the commercial."

Mr Kaiulo said Personality Ethic was clever and was used internationally to fool people.

"It's all about public image, quick-fix influence techniques, power strategies and communication skills," he said.

He said the big appeal of Personality Ethic was the thinking that there was a quick and easy way to achieve quality of life without going through the natural process of work and growth.

"It's the get-rich quick scheme promising wealth and success without work," Mr Kaiulo said.

"Taking this short-cut only results in failure and disappointment because people will not be fooled forever by the public relations techniques that contribute to Personality Ethic."

"You cannot pretend to be what you are not forever."

"That is the failure of Personality Ethic which most of our voters have used in all elections so far to judge and elect many of our leaders."

"The result of that decision has led our country to where we are now."

THE VOTE AGAINST VIOLENCE

AS Christians we have a moral and spiritual obligation to take our nation to God for a trouble-free election and those who will be elected to our legislature will be God-fearing people, who will see the need for God as a Supreme source of power and knowledge over all his creation.

- the Governor-General, Sir Wiwa Korowi.

Sir WIWA

THE election ahead will put our tolerance of differing points of view, our ability to debate issues peacefully and rationally, and our capacity to accept defeat as easily as victory to a great test. If we are to remain a strong democratic nation with freedom of speech and association, we must be tolerant of different points of view, different political association in particular. If our national election is dominated by or even disrupted by violence, our democracy and our freedom will be the real loser . . .

- the Speaker of Parliament, Sir Rabbie Namaliu.

Sir RABBIE

CAMPAIGNS based on ethnicity are dangerous in their potential to promote discrimination and violence - and in their tendency to erode national unity. We must promote solidarity among citizens and between provinces and ethnic groups.

- the Electoral Commissioner, Mr Reuben Kaiulo.

RIGHT: Mr KAIULO

SECURITY FORCES READY

"I'M fit and ready to take them on."

So declared a Defence Force veteran as he sat down for dinner after a physical fitness training session.

The soldier, a veteran of the Bougainville campaign who is respected by the BRA rebels, was speaking to his bosses after a debriefing on Election 97 security operations.

His bosses had just returned from the Highlands where they had attended a meeting of the country's provincial police commanders in Mt. Hagen to review Election 97 security.

"This election will be tougher but we are in a position to contain trouble," a military intelligence officer said. A total 1000 Defence Force troops will back up police and jail officers for Election 97 security.

Five hundred of them will be deployed in the Highlands region alone. More Defence Force troops will be on standby to give additional help where necessary.

AN election is not an ordinary cause, and it is a serious thing. It is basic and fundamental that elections are decided by voters who have free and fair opportunity of electing the candidate that the majority prefer. This is a sacred right . . .

- the Supreme Court of PNG.

Sir ARNOLD AMET

ALL politicians, and all people, must work together to give Papua New Guinea a peaceful law-abiding environment to exercise its democratic responsibility to elect a Parliament to take us into the new century, into the new millennium . . .

- the Prime Minister, Sir Julius Chan.

Sir JULIUS





1997 NATIONAL ELECTION

VOTE

1. My vote is precious.
2. My vote marks my life.
3. This life of mine comes from God, I am made in His image
4. Power and freedom of decision-making originates from this life God gives me.
5. I must vote with a free and informed conscience.
6. Any body who bribes or threatens me will disregard my right to elect someone of my choice.
7. I must not accept or let myself be influenced by bribery.
8. If I do accept bribery, I may contribute to bad government. Bad governments will not provide security for me and my family.
9. I may also contribute to the downfall of my people, home, province and my country.
10. I promise to use the power God had given me to elect good leaders who can provide a good and caring government for PNG.

CATHOLIC COMMISSION FOR JUSTICE,
PEACE & DEVELOPMENT
P.O. BOX 6576
BOROKO, N.C.D
PAPUA NEW GUINEA



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.